



## Universitätsbibliothek Paderborn

### **D. Ioannis Ivsti Lanspergii Carthvsiani, Natione Bavari, Opvscvla Spiritvalia**

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam  
Virginem Mariam, cæterosq[ue] Sanctos - exercitijs item diuersis, tum  
maximè Paßionis Dominicæ, eiusq[ue] matris, refertißimus

**Landsberg, Johannes Justus**

**Coloniae Agrippinae, 1630**

Liber Primus.

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

## PHARETRÆ DIVINI AMORIS

seu Affectiuæ Vitæ, Liber Primus.

*VARIIS ORATIONIBVS, IGNITISQVE AS-*  
*pirationibus ad Deum, Deiparæ Virginem Mariam, ceterosq; Sau-*  
*ctos, exercitijs item diuersis, partim hæcenus nunquam typis ex-*  
*cusis, refertissimus: quem librum ob varietatem oratio-*  
*num & exercitiorum in partes quinque secimus.*

Pars I, complectens in se effusiones cordis, orationes aspirationesque  
 varias pro expiatione peccatorum.

*Effusio cordis generalis pro peccatis remittendis, excitans & humilians spiritum vehemen-*  
*ter ad compunctionem.*



Mnipotens, æterne, benignissime, misericordissime, Domine Iesu  
 Christe, creator & redemptor animæ meæ: Ecce ego sum ille nequissi-  
 mus, impiissimus & vilissimus peccator, totus abominabilis atque  
 contemptibilis, totus nefandus atque miserimus, omni bruto vi-  
 lior ac deterior effectus, qui tam enormiter, tam frequenter, tam au-  
 dacter, tam impudenter tuam infinitam Maiestatem atque præsen-  
 tiam inhonoravi, tuam sanctitatem offendi, tuam bonitatem, charitatem, pietatē  
 & longanimitatem contempsi, tua præcepta transgressus sum, tua consilia spreui,  
 tuis donis abusus sum, tuis beneficijs ingratus fui, tuum dulcissimum iugum  
 abieci, à te Deo meo, Deo totius salutis meæ cor meum auerti & recessi, & in serui-  
 tutem diaboli pro vili & momentanea delectatione me captiuum tradidi, membra  
 mea, sensus meos, vires animæ meæ, tempus & alia dona, quæ mihi dedisti, quibus  
 si te honorassem, æternam mihi felicitatem concessisses, inimico tuo seruiens, ad  
 contumeliam tuam turpiter expendi & miserabiliter sum abusus: vt aded etiam  
 tibi iam ad seruiendum, deficientibus viribus, dominantibus vitijs, dilapso tem-  
 pore, inutilis factus sim.

O Saluator pijsime, tu scis quot mala commisi, quot bona omisi, & quot pro-  
 pter ea etiam multa mala peccando incidi. (*Quisquis hoc exercitio vsus fuerit, grauiora*  
*sua peccata hic in genere ad memoriam reuocare poterit, pro excitanda deuotione &*  
*cordis compunctione*) Insuper non suffecerunt mihi infelicitissimo peccatori propria  
 peccata, sed super ea & aliena multa accumulauit. Heu mi Domine quot homines  
 seduxi, quot meo peruerso viuendi genere scandalizauit, quoties malum consului,  
 occasionemq; peccandi alijs innocentibus dedi, adiuui & induxi in immania flagitia  
 & peccata? Heu quomodo nomen tuum vbiq; per me blasphematum est? Heu  
 me quot animas, tuis vehementissimis doloribus & angustijs amarissimæ passio-  
 nis redemptas, præcioso tuo sanguine & morte innocentissima viuificatas, ego cõ-  
 culcaui, interemi ac iugulaui? Propter hæc indignum planè me iudico, vt oculos  
 meos ad te leuem, gratiamq; tuam mihi impertias (*Hic tunde pectus tuam cum pu-*  
*blicano, & dic ex intimo cordis tui. Domine propitius esto mihi peccatori, & quicquid*  
*magis tibi possit tuipsius parere contemptum, assume*) O Deus iudex æternæ gloriæ ac  
 metueg-

metuende, verè ego sum pessimus ille latro, qui toties peccando & alios scandali-  
zando propriam animam, aliorumq; animas tam pulchras, tam nobiles à te condi-  
tas, ad tuam imaginem factas, tanta charitate redemptas, fœdavi, & eas tibi creatori  
ac saluatori suo abstuli, occidi, & dæmonibus tradidi: sicq; passionis & sanguinis  
tui fructum (quantum in me fuit) euacuavi. Heu me miserum clementissime Pa-  
ter, qui tanta mala feci, factus aded turpis, odibilis & facinorosus. Domine Deus cõ-  
fundor & erubescor leuare faciem meam ad te, quantum iniquitates meæ multipli-  
catæ sunt, supergressæq; sunt caput meum, & sicut onus graue grauata sunt super  
me. Delicta mea creuerunt vsque ad cœlum, & multiplicata sunt sicut arena, quæ est  
in littore maris. Ultra omnes peccatores, ego miser & miserabilis te offendi, factus  
quasi spuma totius iniquitatis, & omnium peccatorum peripsema. Heu cur inter  
peccatores primum locum mihi elegi, aded vt alij peccatores mihi comparati, etiam  
iustificentur: quippe cui tot dona, tot adiutoria, tot beneficia, largitus es, & plura  
dare paratus fuisti, quibus à peccatis me continere vel resurgere potuissem. Et tamè  
his omnibus neglectis, spreta benignitate tua, qua me tam longanimitè ad pœni-  
tentiam expectasti, excitasti, prouocasti & tandem misericorditer attraxisti, post tã  
multa & enormia peccata, post tantam offensam, cum pro reconciliatione & adep-  
tione gratiæ tuæ indefinenter cogitare & laborare debuissem, totumq; me in holo-  
caustum tibi offerre, totus ingratus, cor meum auerti à te, & quotidie, imò & quasi  
continè negligentis meis & defectibus offendo te. In seruitio namque tuo torus  
sum negligens, tepidus, in deuotus, mente dispersus, à te sum auersus, cum creaturis  
fornicor. Quid ultra dicam? Non habeo vt vnum pro mille respondeam. Scio me  
grauiter nimis deliquisse, & iram tuam iustè meruisse.

Verum tu clementissimus es, sed circo quæso ne in iurore tuo arguas me, neq; in ira  
tua corripas me, sed potius miserere mei secundum magnam misericordiam tuam, & se-  
cundum infinitam multitudinè miserationum tuarum dele iniquitates meas. Non reserues  
mihi peccata mea benignissime Pater in diem vindictæ, in diem mortis meæ, neq;  
in curia iustitiæ tuæ me castiges, sed vt in præsentia vita veniam percipere merear,  
nunc potius in carcere præsentis vitæ, in curia misericordiæ tuæ & liberationis, me  
vre & seca, vt in æternum parcas, saltè vt post hæc vitam à vindicta tua sim securus.  
Memor quoque sis fragilitatis & nihilitatis meæ Deus, & susteates animam meam  
manu tua, quia ne minima quidem sufferre possem, nisi in virtute tua. Iterum rogo  
te clementissime Domine, & per omnes miserationes tuas obsecro, non finas ani-  
mam meam de corpore meo exire, nisi prius plenè tibi reconciliatam, plenariè pur-  
gatam perfectè mundatam, tua charitate, proximi dilectione, cæterisq; virtutibus  
perfectè ornatam, & ab omni poenarum formidine, ab omni inferni & purgatorij  
terrore prorsus liberam & securam, totamq; tibi inseparabiliter adhærentem, &  
iugiter sine fine tecum feliciter mansuram. Sed vnde mihi hoc? Vnde tanto pecca-  
tori, tam ingrato tantum beneficium, tantum donum? Quomodo audeo hoc pete-  
re? De tua pietate id præsumo dulcissime Domine Deus meus, misericordia mea, cui  
perinde est à multis, vt à paucis saluare cum tota salus nostra non ex operibus no-  
stris, sed tua gratia præcipue pendeat. Tu pro me satisfecisti. Tu vt mihi satisfactio  
tua subueniat, meruisti. Ego mendicus & pauper, nihil habeo quo hoc merear. Ni-  
hil habeo quod offeram tibi nisi peccatricem animam & hoc miserrimum corpus,  
quæ à te recepi, quæ tu bene fecisti, sed ego destruxi. Hæc tibi Domine mi offero in  
beneplacitum voluntatis tuæ: fac mecum sicut tibi placuerit: rege me, tene me &  
posside

posside sicuti volueris. Age mecum secundum quod magis est ad gloriam & voluntatem tuam castigando vel consolando me. Hoc solum mi Domine precor, vt in omni aduersitate, in omni dolore, in omni tentatione vel consolatione cor meum perpetua charitate sit tibi coniunctum, tuae voluntati inseparabiliter vnitum: vt omnia de manu tua humiliter accipiam, in omni euentu tibi semper gratias agam, & nihil extra tuam voluntatem cupiam: vt semper & omnem tribulationem superet hilaris patientia, & omnem prosperitatem excedat deuota humilitas.

In remissionem autem & abluionem peccatorum meorum, in suppletionem omnium defectuum & negligentiarum mearum, in gratiarum actionem & memoriam beneficiorum tuorum, offero tibi dulcissime Iesu cor tuum, benedictam incarnationem tuam, innocentissimam conuersationem, sanctissimam vitam, amarissimam passionem ac mortem tuam, & omnia quae pro salute mea assumpisti, egisti & passus es. Sed & omnia merita omnium Sanctorum tuorum sanctaeque Ecclesiae tuae, atque affectum & gratitudinem totius vniuersitatis: obsecrans te per haec omnia, & per immensam charitatem tuam, per infinitam misericordiam tuam, per charissimam genitricem tuam dulcissimam, & benignissimam virginem Mariam, per omnium Sanctorum & deuorum preces & merita, ignosce mihi sceleratissimo & vilissimo peccatori, quicquid vnquam male egi contra te, & gratiam tuam pijsimam mihi infunde, per quam de caetero me custodias ab omni peccato, liberes & praeserues ab omnibus quae tibi in me displicere possunt, vt ita tibi seruiam, ita tibi placeam, ac talis semper in oculis tuis inueniar, qualem velles iuxta vltimum & summum beneplacitum tuum, Amen.

*Effusio cordis alia, seu meditatio anima, peccata & ingratitude suam coram Deo plangentis, & sui reconciliationem atque purgationem flagrantis, cum alijs id genus suspirijs, quae digna sunt etiam frequentari ab Eucharistiam sumpturis.*

**O**Mnipotens, aeternae Deus, cui soli omnis debetur honor, gloria & gratiarum actio, en ego infelix, indignus ac perfidus ille peccator, haec tibi rebellis & ingratus, venio ad te creatorem meum, Deum meum, redemptorem meum, misericordem iudicem & saluatorem meum, accusans me ipsum, & tibi confitens omnes abominaciones, scelera & peccata mea, quibus nomen sanctum tuum blasphemauit, praecpta tua transgressus sum, voluntatem tuam contempsi, dona & opera tua in me destruxi, animam & corpus meum pollui, vires, quibus tibi seruire debueram, peccando eneruavi, & ad seruiendum tibi me inde inutilem & infirmum feci, gratias ac munera tua in contumeliam tuam verti. ad charitatem denique & misericordiam ac beneficia tua, quibus vias meas conclusisti, hucusque frigidus atque lapideus perseueraui. Quid est mansuetissime quod instinctus tuos tam saepe contempsi, longanimitatem tuam spreui? Et non solum hanc meam, sed alias quoque innumeras animas, quas tu sanguine tuo pretioso mercatus es, pro quibus etiam redimendis tu incarnari pati, crucifigi ac mori dignatus es, ego tibi iterum abstraxi, seduxi, sedauit, & hosti tuo diabolo inimicidam in mortem tradidi.

O misericordissime atque mitissime Domine Deus meus, in huiusmodi prauitate heu nimis diu obstinatus mansi, abutens benignitate tua & omnibus donis tuis, negligens bene agendi occasiones, omnibusque modis tibi & bonis hominibus rebellis. Heu pijsime Iesu, quod modo etiam cum in honorem & beneplacitum tuum me

totum

totum tibi offerre deberem, maneo totus ingratus, veteribus peccatis meis noua cumulus, in seruitio tuo tepidus, negligens, & in deuotus, & à te auersus ad creaturas. Indignum est igitur, vt oculos meos ad cœlos leuem, qui etiam omnibus creaturis, atq; adeo vita ipsa: & aura qua foueor prorsus indignus sum. Veruntamen quo fugiam à facie tua Domine Deus meus? vbi abscondam me ab ira tua? Quis reconciliabit me tibi? Nunquid non pater meus es tu? cuius miserationes nunquam continere se possunt, cuius pietas non potest concludi? Ego verò, licet filij nomine indignum me fecerim, agnosco tamen non alium patrem, præter te Domine. Quapropter ad pedes misericordiarum tuarum curro: Ibi prostratus per omnipotentiam, sapientiam, bonitatem tuam, & per infinitam misericordiam tuam (qui es miserationum abyssus) obsecro te, ignosce, purifica, & libera me à peccatis meis omnibus, per merita vitæ & passionis tuæ. Recipe me in gratiam tuam, qua me teneas, confirmes, dirigas, atque possideas ad gloriam tuam, & secundum æternum beneplacitum tuum.

Vt autem exaudiri merear celerius, dulcis Iesu fili Dei viui, qui te aduocatum & mediatorem inter nos miseros & Patrem tuum constituisti, obsecro te per charitatem illam, quæ te de cœlis traxit in uterum virginis, & de utero virginis per passionem ad ignominiam crucis, perq; singulas guttas tui sanguinis pro me effusi, vt sanctissimæ vitæ ac passionis tuæ meritis atq; virtutibus me dones, & gratiæ tuæ intra me iugè habitaculum facias: (Si ad Eucharistiam statuis sumendam accedere hoc adde) dignumq; me facias ad recipiendum dilectionis tuæ pignus viuificum, corpus videlicet tuum in sacramento dignissimum, ad gloriam tuam, & ad animæ meæ cunctarumq; animarum salutem & profectum quo tibi coniunctus suauissimæ Iesu, mundo moriar totus, tibi verò soli deinceps viuam, & castissimo feruentissimoq; amore inseparabiliter inhæream, Amen.

*Suspiria gementis anime pro peccatis suis ad Deum clamantis.*

**H**eu Deus meus & pater misericordiarum, vt quid toties offendi te patrem, & creatorem meum?

Dominator vitæ meæ, ecce vides, quia non est in me bonum, nec sanitas animæ meæ.

Domine miserere mei, sana animam meam, quia peccaui tibi Sana me Domine, & sanabor, saluum me fac, & saluus ero, quia laus mea tu solus es? Ierc. 17. v. 24.

Heu Domine Deus, quanta sunt vulnera mea, quanta infirmitas, quanta vilitas & prauitas mea pro quibus tu sanandis crucifixus es, & occisus.

Cui conquerar ô Domine omnia mala mea aduersum me, quam tibi saluator & redemptor animæ meæ.

Deus meus propitius esto mihi peccatori.

Iesu fili Dei viui miserere mei, quia nihil tibi impossibile est, quam miseris nolle misereri.

Redde mihi ô misericordissime Iesu gratiâ tuâ. Recipe me iterum in amicitiam tuâ. Non secundum merita mea, sed secundum bonitatem tuam respice in me clementissime Domine Deus meus.

Dulcis Iesu, quam amabilis est gratia tua, quam suavis amicitia tua. Ne (quæso) abijcias me propter peccata mea.

Benignissime Domine DEVS meus, quid aliud ego miser & infelix peccator possum, quam peccare: & quid tu ô optima & infinita bonitas aliter potes, quam

quàm misereri & parcere? fac ergo tu secundùm bonitatem tuam, quia ego infelicitissimus agere non desino secundùm malitiam meam.

Misericordissime Domine Deus meus, da mihi pœnitentiæ lachrymas, quibus ex abyssu cordis mei doleam, & lugeam peccata mea.

Da mihi dolorem perfectissimæ contritionis, & lachrymarum flumina iugiter fluentia: quia te Deum meum, & creatorem meum contempsi.

Emollias quæso saxeum hoc pectus meum, inflamma frigidissimum cor meum, ut lachrymæ fluant mihi die ac nocte, & dolor sit cordi meo continuus, quod non amaui, quod spreui, quod etiam offendi te Domine Deus meus.

Quid faciam Domine Deus meus ut placeam tibi, qui vsque hodie totus sum abominabilis, & plenus iniquitate.

*Exc. 14. v. 17* Deducant oculi mei lachrymas per diem & noctem, & non taceant, quia alienum me feci à gratia creatoris mei.

Domine Deus meus quid mihi sine te vitere? Recipe me in gratiam tuam. Ostende mihi misericordiam tuam, miserator & misericors Dominus.

Heu me miserum & infelicem Domine Deus meus, quod vnquam offendi te.

Ah vtinam non fecissem, vtinam non peccassem. Non finas ô clementissime Deus meus, non finas ut peccata mea diuidant inter me & te.

*Psal. 6. v. 1* Si castigare me vis Domine, non in furore tuo arguas me, neque in ira tua corripias me. Miserere mei Domine, quoniam infirmus sum, sana animam meam, quia peccaui tibi.

Non imputes quæso mihi peccata mea, nec propterea gratiam tuam à me auferas, aut minuas. Sed quo ego sum infirmior, ostende tu in me diuitias bonitatis tuæ. Cunctis palam fiat in me, quia miserationes tuæ sunt infinitæ atq; immensæ. Amen. *Obserua in psalmis, & veteri testamento varijs in locis vnde multa colligi possunt, que pœnitentiæ gemitus exequantur.*

*Pro vera contritione à Deo obtinenda precatio cum primis frugifera.*

**O** Iesu misericordissime, cum nulla sine dolorosa cordis contritione peccatorum fiat remissio, per immensam & ineffabilem tuam te obsecro pietatem, ut iugem mihi infundere digneris pro immanitate scelerum meorum contritionem, lachrymarumq; imbrem indeficientem, ut dignè ac perfecto corde iniquitates meas innumeras lugere & deplorare valeam. Infunde etiam mihi veram peccatorum meorum cognitionem, ut clare agnoscam, quantum tuam immensam atq; excellentissimam Maiestatem offenderim, in honorauerim atq; contemptui habuerim, & vel iam tandem cum vero amore ad te Deum verum ac viuum me conuertam.

Ah pijsime Domine Iesu Christe, quis enarrare sufficet, quantum tibi debeam quantifue tu me tibi beneficijs deuinxeris, quod tanto tēpore me peccantē tolerasti, tantisq; iniquitatibus meis hucusq; pepercisti, quodq; tantam ingratitude meā tam patienter sustinuisti, ac tam indigno peccatori tam multa beneficia præstitisti, cum tamen interim multi (vt verè timendum est) pro multo leuioribus peccatis ad inferos descenderint qui nullam de suis peccatis vel cognitionem vel contritionem habere potuerunt. O vtinam pro his & similibus, totum me tibi possem dedere, ac diu noctuq; in diuinum tuum obsequium impendere, atq; omnes neruos meos extendere, ut veraciter te adorarem, laudarem, & cum omnibus creaturis tuis te summo & excellentissimo modo honorarem, Amen.

Pro

*Pro peccatorum indulgentia precatio alia.*

**O** Iesu clementissime, vtinam compungas duritiam lapidei cordis mei spinis dolorosæ contritionis, tuæq; passionis memoriam ad eod. profunde cordi meo imprimas, vt ex intimis cordis mei medullis, tibi pro me passo tenuissimam saltem compassionem exhibere sufficiam, atque ex omni virtute qua mihi possibile fuerit te redamem, omniq; conatu in hoc laborem, ne veteribus peccatis noua superaddam, Amen.

*Pro peccatorum indulgentia precatio alia.*

**I**esu misericordissime, qui non vis mortem peccatoris, sed magis vt conuertatur à via sua mala, & viuat, respice super me pijsimis oculis illis, quibus electū tuum discipulum Petrum post trinam dñi negationem respicere misericorditer es dignatus, & sanctæ mihi contritionis gratiam citius pro omnibus meis grauissimis largire digneris sceleribus, vt continue pœnitentiæ & amoris lachrymæ in me abluant, quicquid mea malitia perurgente, rugarum in anima mea contraxi, ne fortè cum hac destitutus fuero in æternum peream. Amen.

*Ad D. Petrum pro spe veniæ, precatio.*

**O** Apostolici gregis princeps Petre beatissime, qui tanto maiorem præ cæteris sanctis habes compassionem cum miseris peccatoribus, & cum his qui ex carnis infirmitate in varia sunt prolapsi peccata, quanto tuipe fragilitatem humanæ naturæ in trina Domini Dei ac dulcis magistri tui negatione es expertus, te obsecro, vt fragili mihi peccatori grauibus peccatis & malorum desideriorum passionibus inuoluto, atq; ad omnem lapsum propenso, gratiam & veniæ spem à dilecto, imò prædilecto tuo magistro Domino nostro Iesu Christo obtinere digneris: quandoquidem indignum planè me iudico, qui preces suas coram ipso effundat, aut quem tanta exaudiat Maiestas, ne sub vitiorum onere corruam, aut ob delictorum grauitatem meipsum desperem.

O Petre Christi Ecclesiæ pastor ac rector vigilantissime, erranti ouiculæ tuæ succurre, & è luporum faucibus (quod tui est & muneris & officij) eam erue, extrahe nunc lapsum de omni sorde, consolare tristem, confirma pusillum corde, protege ab aduersario, custodi à multiplici laqueo, nec finas perire animam pœnitentis pro qua redimenda pius magister tuus doloribus & supplicio mortis se exposuit, sed in hora instantis mortis perduc animam tui confratris in regnum perpetuæ felicitatis, vbi tu ianitor & princeps existis, Amen.

*Quando aliquo singulari excessu grauatam sentis conscientiam tuam, conuer-te cor tuum ad Dominum, & dic:*

**O** Domine Iesu Christe, colende, adorande & metuende. heu infelix ego, vilissimus & ingratus peccator, nunc iterum atq; iterum gratiam & bonitatem tuam, hoc N.N. dicto aut facto offendi, maiestatem tuam inhonoravi, & te amatorem atq; benefactorem meum, qui mihi super omnia charissimus, dulcissimus, atque desideratissimus esse debueras, abieci. Heu Domine Deus meus doleo, quia peccaui. Et quia nimis parum doleo, vtinam tu cor meum vulneres, & impleas dolore amarissimæ perfectissimæq; contritionis. Et quia ex me est culpa & perditio, ex te verò gratia & miseratio, in virtute tua nunc statuo, super te enixus, ab omni deinceps offensa eiusmodi cauere, omnemq; peccandi occasionem per grati-

tuam evitare Quapropter ô dulcissime, desiderabilissime Iesu Christe, Domine Deus meus, nunc ego cor meum ab omni creatura auerto, & tibi illud fidelissimo vnicuique amatori meo offerens assigno, rogans vt illud in cor tuum absorbeas, adeoque tibi totum spiritum meum vnias, vt posthac aliud non sit mihi velle aut nolle, quàm tui cordis beneplacitum. Eia igitur ô fidelissime amator Iesu Christe omnem culpam omnemque impedimentum amoris tui, & quicquid inter te & me non rectè mediat, quæso aufer à me. Purifica me in roseo sanguine tuo à cunctis vitijs ab omni impuritate, ac proprietate intentionis & amoris, vt nihil in me remaneat, quod castissimo amore tui non inflammatum ignescat.

*Alia brevis oratio.*

**O** Agne Dei mansuetissime, propter innocentissimam mortem tuam, peccatis meis ignosce, & emendationem vitæ meæ secundum cor tuum mihi tribue, Amen.

*Oblatio ad Patrem caelestem pro peccatis abunde satisfactoria.*

**C**lementissime Pater misericordiarum, & Deus totius consolationis, in emendationem peccatorum ac vitiorum meorum omnium offero tibi vnicuique tui satisfactionem plenissimam, sed acerbissimam, hoc est, eius amarissimam passionem ac mortem innocentissimam. Et in suppletionem omnium negligentiarum atque defectuum meorum, sed in gratiarum actionem pro cunctis beneficijs tuis, offero tibi eiusdem innocentissimæ vitæ actus, virtutes ac merita.

Porro in gloriam ac beneplacitum tuum offero tibi corpus & animam meam, vt illa tu possideas atque regas, quomodo tibi maxime placuerit, me totum in laudem & honorem tui conuertas, adeoque tibi me vnias, vt nunquam velim aut velle possim, quam quod tu vis. Amen.

*Pro reconciliatione peccatoris, & peccatorum venia precatio efficax.*

**D**omine Iesu Christe, verus Deus & homo perfectus, recordare obsecro illius ardentissimæ atque feruentissimæ charitatis, quæ te de regalibus sedibus tuis in hanc vsque lachrymarum vallem miserabilemque exilium ac tenebrosam traxit carcerem, vt nostram naturam assumeres multasque ab electo tuo populo persecutiones, opprobria, contumelias, crucem, & mortem horrendam patereris, quo sic peccatores quæres, & saluas faceres oues tuas à te vero pastore aberrantes. Reduc igitur me mi dulcissime Domine ac pastor vigilantissime, ad viam veritatis, à qua longe per deum vitiorum abductus sum: neque peccatorum meorum reminiscere, quibus non nisi iram & indignationem maximam merui ouibusque tuis me aggrega à quarum grege propria mea malitia stimulante, tamdiu me segregavi.

Eia superdulcissime Deus, si tales quæris, qui non nisi propter grauitatem criminum suorum desperare possent, in quos miserationum tuarum profundissimum effundas pelagus, en habes me desperatum ac pondere priorum vitiorum nimis prægranatum, miserere mei, ac solitam tuam benignitatem, quam omnibus indifferenter ostendis, mihi noli negare, aut à facie tua repellere. Si item quæris viles, abiectos, inopes & egenos, quibus beneficias, aut diuitias æternæ tuæ felicitatis committes, mi suauissime Domine Deus ac saluator meus, ad me respice, mihique intende. En operibus bonis sum vacuus, veris virtutibus destitutus, donis atque gratijs tuis in malum meum hucusque sum abusus, tempus ad penitentiam indultum misere nimis absumpsi, multaque alia perpetravi, quæ, enumerari nequeunt, non tamè

tibi



tibi incognita, qui serutaris renes, & probas corda, & reddis unicuique iuxta fructum adinventionum suarum.

Quare quā humilime & simplicissime possum tuæ excellentissimæ supplico Maieſtati, vt his meis defectibus misericorditer succurras, meamque necessitate & indigentia tuis supereffluētissimis meritis supplere digneris. Et quid ultra addā? Si queris impios & homines deperditos, in quos pietatem tuā exerceas, offero me tibi, vt tuam in me declares pietatem: quando quidem nihil ita tuæ conuenit misericordissimæ pietati quā misereri & parcere creaturæ tuæ, quæ per te facta, & à te refecta est.

O Iesu piissime, & amator ardentissime humani generis, noli quæso derelinquere me miserum in tanta constitutum miseria & necessitate, sed fer opem mihi & hostium meorum impulsus tu propitius depelle.

Iterum atque iterum te rogo luauissime Deus per omnes virtutes & merita tua, per omnē gratiam, quā vnquam piorū mentibus infudisti, per omnia dona superdulcissimi Spiritus sancti quibus discipulorū tuorū corda erudisti & illuminasti, per excellentissimā ac diuinissimam vnionē, qua tua humanitas diuinitati tuæ est vnita, & postremo per illam indicibilem charitatē, qua causam nostrā in te recepisti, vt nos Patri tuo reconciliares, redde mihi Patrē tuū cœlestē placatū & reconciliatū, & multiplicia mea peccata atque delicta sanctissimis tuis meritis dele, gaudijsque sempiternis post hanc vitā, mihi interesse cōcede, hereditatemque meā iam diu amisā mihi quæso restitue, & ad consortiū beatorū spiritū misericorditer me admitte, Amen.

*Pro peccatorum remissione alia precatio efficacissima, humili corde dicenda.*

**D**ulcissime, suauissime, amantissime, atque pulcherrime Domine mi Iesu Christe, rogo te per sanctissimam tuam natiuitatem, durissimum exilium, purissimam conuersationem, amarissimam passionem & mortē, per omnia vulnera tua, per omnes guttas preciosi sanguinis tui pro me effusi, per benedictissimam ac intemeratam matrem tuam virginē Mariam omnesque sanctos tuos, ne me sordidū, foetidū, ac omni peccatorū spurcitiā feceratū, hominē flagitiosum omni gratia tua indignum, propter grauissima mea peccata, impietatem & infinitas meas negligentias, quibus abunde nimis iram tuam contra me concitauit, despicias, aut à facie tua amabilissima repellas, sempiternis cruciatibus me tradendo. Sed vt des veniam misero mihi peccatori, recipiasque me contritum & compunctum in gratiā tuam, vt innotescat in omnibus finibus terræ nomen sanctum tuum, collaudentque te, omnes qui onusti sunt peccatis, grauatique huius mundi sollicitudinibus, vt confitii de tua pietate, misericordia & benignitate, suarum citius culparum sperent indulgentiam: incipiendo detestari & odisse se & peccata sua, atque ad te Deum verum & viuam conuertantur.

Offero me etiam tibi totum ad quæcunque sustinenda, pro innumeris meis delictis & excessibus, secundum liberalissimā tuā voluntatem ac benignissimū beneplacitum. quoniā tu semper iustus & bonus, & omnia in bonum conuertis. Ego verò iniquus & impius, omnia tua bona & dona mihi collata peruertēs ac destrues. Nec aliquid à me possum boni perficere, quantumuis bona mihi nō desit voluntas, propter carnis infirmitatē, qua trahor, raspior sæpe, vt nosti, cogitare quæ non licet, agereque quæ rationi contraria sunt. Ideo cōfiteor tibi Domine peccata mea, & rogo te, vt tu pie Domine ex abundantia meritorū tuorū suppleas defectum meum, perficiasque voluntatē meā, vt quicquid boni cōcipiam aut intelligam de te, aut quod honorē tuum proximique salutē promouere possit, hoc sine mora implere satagam, siue id fuerit seu-

rit sensualitati meae amarum siue suauae. Obsecro etiam te, vt quam diu in hac vita fuero, sub tua disciplina ac regimine, beatissimaeq; matris tuae Virginis Mariae custodia me conserues & protegas, ne vel vnquam hostibus meis me tentandi, impugnandi, aut mali quicquam inferendi via pateat: Praestante id mihi diuina tua gratia, omniumq; Sanctorum intercessione, quorum auxilium & protectionem deuoto & supplici inuoco corde, Amen.

*Similis efficacia & virtutis, pro peccatorum indulgentia, precatio.*

**I**esu Christe fili Dei vnigenite, creator, redemptor, saluator, pater, dominus, spiritus animae meae offero tibi me totum ac omnia quae in me sunt bona, quae ex gratuita tua gratia & benignitate, non meo merito ( non enim minimi seruuli tui nomine dignus sum ) mihi misero hucusq; impendere es dignatus, & adhuc impendere ab aeterno disposuisti, si his bene ad gloriam tuam & meae salutis augmentum vterer. Similiter & omnia mala, peccata, flagitia mea, quibus non nisi aeternam me meruisse damnationem agnosco, teq; sine numero offendiisse grauiter, coram summae pietatis tuae oculis repraesento: rogans te per omnes miserationes tuas solitamq; clementiam tuam, quam miseris peccatoribus de suis operibus diffidentibus soles ostendere, vt omnia crimina mea deleas, peccata indulgeas, iustamq; iram tuam a me auertas. Bona vero, quae tua sunt, conserues, dona concessa augeas & multiplices, imperfectionemq; meam perficias, vt iuxta amplissimam ac perfectissimam placidissimamq; voluntatem omnem vitam meam instituas.

Tribuas etiam mihi mi suauissime Domine, aliquam gratiam specialem, qua perfectius quotidie tuam valeam voluntatem agnoscere, ac in dies magis magisque me despiciere & odisse: tibi autem incessanter vera ac perfectissima charitate adherere, nomen tuum sanctificare, honorem tuum in omnium cordibus promouere, precari etiam omni conatu & studio, ne aliquo modo te in habitaculo cordis mei per gratiam habitantem contristem, aut inde te per peccata mea & quotidianas negligentias exturbem aut profligem, vt habitaculum tuum sanctum efficiatur spelunca latronum & domicilium idolorum, id mihi gratia tua praestante, Amen.

*Pro peccatorum remissione precatio alia efficacissima.*

**P**issime, adorande, atq; tremende Domine Iesu Christe, si aliquis me rogaret quanta posset obsecratione per nomen tuum pro aliqua re, quam illi sine labore aut damno meo dare possem: & si ei hanc eidem recusarem, ipsiq; forte haec res ad eum esset necessaria, vt me non subueniente ipse moreretur, nonne vitam ipsius de manu mea requireres? Si ergo nobiscum sic est, quanto magis tuam infinitam clementiam decet nos exaudire, qui iussisti nos petere in nomine tuo? Peto itaq; liberalissimam clementiam tuam, non solum in nomine tuo, sed etiam in omnium electorum tuorum, qui ab initio mundi fuerunt, & ad finem vsque futuri sunt, specialiter vero per interuentionem beatissimae & dignissimae Matris tuae ( cuius preces non potes non exaudire ) & per virtutem integerrimae vitae tuae ac amarissimae passionis, vt ab omnibus peccatis meis & quotidianis excessibus me absolnere digneris: & quoad vitam ab omni delicto me praeserues. Quid enim o dulcis Iesu mihi conferret diu viuere, teq; semper offendere, ac animam meam grauiori supplicio obnoxiam reddere? Ne itaq; diutius gratiam tuam mihi deneges oro, sed celerius eam cordi meo infunde, quo possim tibi magis placere, & quaecumq; me a te retrahunt fugere & auersari, Amen.

Pha.

# PHARETRÆ DIVINI AMORIS

## Libri Primi Pars II.

Completens in se effusiones cordis ad Deum, gratias agentis pro beneficijs ab eodem acceptis, seseque ad sui humiliationem exercentis, & veniam peccatorum petentis.

*Effusio cordis efficacissima ad sanctissimam Trinitatem, Dei beneficia hominum, ingratiitudinem summam perstringens.*

Ad Patrem celestem.



Gloriosissime, potentissime ac superdulcissime Domine Deus meus, quam magna & incomprehensibilia sunt super nos beneficia tua, super me verò peccatore vilissimo, ac omni beneficio tuo prorsus indigno, tanto maiora, quo tu melior maiorque es, ego verò vilior, peior atque indignior sum. Cogitaturus itaque de tuis in me collatis beneficijs, à quo exordiar Deus meus, nescio: omnia enim tua sunt, ideo cuncta magna. Quicquid sum, quicquid habeo tuum est, præter malitias & peccata mea quæ sola mihi propria sunt. Plura autem alia sunt tua dona, quæ non habeo, quæ neglexi, quæ perdidici, quæ accipere recusavi (imò tuæ beneficentiæ obstiti) pro quibus perinde debitor sum, pro quibus gratias agere simul ac veniam à te petere teneor, propterea, quod non aptavi me ad beneplacitum tuum. Sit tibi laus & gloria pijsime Pater, & propter te metipsum mihi quæso ignoscas, ac deuo tua bonitate suppleas, quicquid à me neglectum est. O Deus misericordissime, quid retribuam tibi pro omnibus quæ tu tribuisti & retribuisti mihi? O sapientia quæ aperis os mutorum da mihi vocem laudis, ut euarrem omnia beneficia tua, quæ mihi Domine à principio contulisti. Ecce enim tuus sum, qui creasti me. Quod autem me creares, & in numero creaturarum tuarum numerares, ab æterno tu præordinasti, antequam quicquam faceres à principio. Antequam extenderes cælos, antequam cuncta faceres, quæ fecisti, me tuam creaturam fore prævidisti & voluisti. Et unde hoc benignissime Deus altissime, potentissime creator, pater misericordissime atque mitissime, aut quæ mea merita, ut placeret tibi præordinare me & creare? Non aliter profectò quam gratis, quia tuæ bonitati sic placuit, fecisti, ut vel inde diligam te, quia prior diligens præuenisti me.

Cùm itaque non essem, fecisti me, non lapidem, non bestiam, sed creaturam rationalem, ad imaginem & similitudinem tuam, diuinitatis tuæ participem, felicitatis capacem. Vbi & hoc beneficij tui est, quod accepi corpus perfectum, & (ne alijs, inter monstruosa despectui, & mihi sim oneri) membrorum integritatem, sanitatē, sensuumque perspicacitatem, quæ sicut dedisti, ita conseruas, & conuenientia illis obiecta ad utilitatem & recreationem varia donas. Antequam autem dares mihi esse, ne infelicitè essem, reconciliasti tibi naturam humanam, faciens pacem per sanguinem & mortem unigeniti Filij tui. Pro quo tibi Pater æternæ gratias ago, qui misisti unigenitum Filium tuum in mundum incarnari, inter homines conuersari, prædicare, pati, crucifigi, & mori pro me, Amen.

c Ad

Mat. 23. v. 5.

**O** Domine Iesu Christe creator, amator & redemptor meus charissime, ecce indignissimus ego, vilissimusq; peccator, qui tuam bonitatem prorsus infamam toties tamq; enormiter in offendi, adsto hic ante cōspectum immēse tuę pietatis cum omnibus malis & peccatis meis. Sed o suavissime redemptor quid dicam? O fili Dei, o fili hominis, o agne mansuetissime atq; mitissime, te laudo, te adoro, te benedico, tibiq; gratias ago pro ineffabili charitate tua, qua propter me dignatus es tam ineffabilia operari, tamq; indigna perpeti: O dulcissime Iesu, quoties pro me itineribus es fatigatus, quoties in oratione pernoctasti, quoties prædicando es lassatus, quanta ex charitate pro me captus, ligatus, cæsus, consputus, flagellatus, coronatus, crucifixus. Tu enim vulneratus es propter iniquitates nostras, at trinus es propter scelera nostra. *Disciplina pacis nostra super te, & tuo liuore sanati sumus. Quæ non rapueras exoluisti, quæ nos debuimus, & soluere nequiuimus, tu nobis donasti, tu pro nobis satisfecisti. In mortem dedisti animam tuam, & cum sceleratis reputatus es, vt sceleratos à morte redimeres: Factus es sicut non habens speciem neq; decorem, velut leprosus, humiliatus ac percussus à Deo, dum pro impijs ad mortem sicut ouis ad occisionem, ductus es, vt impios ac æternæ morti obnoxios, beatos faceres atq; gloriosos.*

Quid vltra? Peccatis meis, irritamentis bonitatis tuæ, cū necdum essem, antidotum de corpore & sanguine tuo fecisti, vt te faciente prodirem in esse, nihilq; deforet, quod ad beatum esse perduceret; Cū scires quod me destructurus essem, ex te præparatum est, quo reformarer.

Inde o Deus meus, misericordia mea, inde reluce: pietas & ineffabilis bonitas tuæ: quandoquidem cū præseires omnes nequitias meas, omnia scelera mea, omnes abominationes meas, quibus te eram contempturus, & hodie contemno, nihil tamē horum omnium intermisisti, nec clausisti viscera pietatis tuæ erga me. Tantum enim hoc ipsum abfuit à bonitate tuæ, vt etiam vsque modo in gratissimo, duro atq; indigno non cesses pro malis bona retribuere.

Porro pro parentibus meis, & pro parentum cura & labore, eruditione ac sollicitudine, quas possum tibi Domine gratias agere? quandoquidem quicquid circa me factum, quicquid mihi impensum, tua prouidentia & te disponente, actum est. Tuæ sunt omnia Deus meus. Et quo: pater parentibus pijs, non ethnicis, non Iudæis, non ante, aut sub lege, sed coruscante iam Euangelio, & in tempore gratiæ natus sum, quod ad fidem instructus sum, quod baptismum & tuæ passionis fructū mihi præbuiisti, quod membrum corporis tui, ac filium nouare generatione me fecisti, quod deniq; vilissimo stercore nobilissimum familiæ tuæ principem angelum beatum in eustodem, & (quod cum verecundia dicere deberem, nisi & te ipsum pro me seruum fecisses) in ministrum mihi dedisti, cunctasq; tandem creaturas in vsum, solatium, ministerium, exercitium ordinasti.

Domine Deus meus redemptor meus, quanta pro his laude dignus es, quanto honore venerandus, quanto amore amplectendus, maximè autem pro gratuita hac tua beneuolentia, elementia & charitate, quæ sola vt hæc faceres, te induxit Deus æternæ, Deus metuende, colende, Deus iustissime sed benignissime: quomodo nō merito confundor & erubescō, cū pro tua longanimitate gratias agere volo, qua me tanto tempore blasphemantem & frontose peccantem sustinuiisti, nihilominus benefaciens

refaciens mihi pascensq; me, & cetera vitæ necessaria, imò superneccessaria mihi tribuens, conferuans à periculis, à morte, à grauioribus peccatis liberans atq; præferuans, nec diabolo (sicut iustum fuerat) potestatem in me permittens, damnationis sententiam (quam non minus enormiter, quam multipliciter merui) suspendens, & cum interim complures meliores me in peccatis morerentur æterna morte perituri, in vita ad pœnitentiam me sustentans.

Heu pijsissime redemptor, quam diu expectasti me, & non veni. Tu clamabas, & ego audire nolebam. Inuitabas, & renuebam. Mandabas, & contradicebam. Trahebas, & repugnabam. Terrebas, nec curabam. Sequebaris, & fugiebam. Blandiebaris & contemnebam. Benefaciebas, & ego pro bonis mala rependebam. Vicit tamen vel sero tua bonitas meam malitiam, nec in profundum obstinationis me penitus abire permisisti. Dirupisti vincula prauæ consuetudinis, & peccandi iugum (quod mihi vt necessitatem ipse imposueram) soluisti. Vocasti, & vt audirem, aures mihi aperuisti. Immutasti salubriter cor meum, & voluntatem dedisti ad te reuertendi. Extraxisti me de profundis peccatorum, & adhuc pristinis peccatis sordidum, misericordissime suscepisti: nihil memor iniuriarum & iniquitatum mearum grandium.

Post tanta itaque facinora mea ad vitam pœnitentiæ, ad gratiam etiam, ad illuminationem hanc perduxisti, recedentemq; releuasti. Quoties enim recidi, quoties deliqui, toties vt veniam peterem, veniam sperarem, excitasti, penitentiq; misericordissime nihil improperans dimisisti. Deus meus quid dicam? Quid prædicem de tua bonitate, nulla nostra malicia superabili.

Maior est enim omni iniquitate nostra, ideo vincit & concludit nos.

Benedictio igitur & claritas, & gratiarum actio, laus, honor & magnificentia sit tibi & ab vniuersitate omnium creaturarum tuarum pro me, quod sacris literis imbuiisti me, quod ad Christianismum, quod ad statum sacerdotalem, ad hunc ordinem, ad statam animæ & corpori tutissimum, saluberrimum, atq; (vt vsquequaque nihil desit mihi) sufficientissimum vocasti me. Ad congregationem item hanc sanctam & tibi placentem, vbi instrui me faceres simul ipse inspirans ad beneplacitum tuum perficiendum, & ad virtutum profectum, immutansq; duriciã & prauitatem voluntatis meæ, vt placeant nunc, quæ ante displicebant, & quæ ante male placuerant, nunc salubriter displiceant. Et quamuis (proh dolor) acedia ad bonum, pronitas ad malum, & peccandi libido ex praua consuetudine ita mihi adhæreant, vt continuè vsq; modo contra tuam voluntatem agens, benignitatem & mansuetudinem tuam irritem; præbes tamen & spem salutis, ob tuam ineffabilem clemenciam. Et cum nihil boni, nihilq; puri inuenias in me coronandum, largiris mihi tua merita; promittis, & expectare me facis cum sanctis tuis Domine Deus meus æternæ felicitatis consortia.

Pro his omnibus & innumeris alijs tuis beneficijs mihi incognitis, laudo, benedico, adoro te & gratias ago tibi clementissime Iesu, pijsissime & dulcissime Domine Deus meus: & singulariter pro charitate tua immensa atq; dignatione, qua me dilexisti & diligis, qua fecisti & facis quicquid facis. Quæ vtiq; quanto est maior, tanto ingratitude mea est grauior, prauitas mea inexcusabilior, & negligentia deterior. Veruntamen benignissime saluator, quia non congruit, sed derogat bonitati tuæ, de misericordia tua desperare, quæ in infinitum maior est iniquitate humana: & quia tu solius sum, plasma tuum, nusquã nisi ad te habens refugium, à nemine alio

priaci.

principaliter, nisi à te expectans auxilium, non proijcies me, non derelinques me in finem. Quamuis itaq; ò Deus sanctissime, ò saluator pijsime tam grauitè, tamq; enormiter peccauerim, vt omnium creaturarum vsu atq; obsequijs sim indignus, imò hoc millies promeruerim, vt creaturæ omnes aduersum me insurgant, & creatoris sui in me viciscantur iniuriam, non tamen despero, nec desperabo, sed in pietate tua & miseratione infinita respiro. In benignitatis ergo tuæ abyssum me proijcio, in profunda vulnerum tuorum me immergo, & ab ira tua abscondo, obsecrâs per eadem & per omnia quæ egisti, ac passus es pro nobis, dulcedinem cordis tui, vt veniant & salutem merear consequi, & vt ne ad momentum quidem à te valeam separari. Sanctissime, immense, præpotens, adorande, metuende, bone, dulcissime, misericordissime Deus, rogo te per charitatem tuam omnem, per cor tuum amorosum, dulcissimum & benignissimum, perq; matrem tuam purissimam ac tibi acceptissimam, & per omnes qui tibi ab æterno placuerunt, & vsque in æternum placebunt, vt misericordiam tuam mecum facias & perficias magnam ac sempiternam. Aufer nunc à me quæ tibi displicent, & da quod placet. Tene, dirige, posside me tu solus in æternum. Non aliter nec aliud me velle sinas, quam vt extincto, omnium malorum causa, priuato ac adulterino amore, deinceps castissimo, feruentissimo atq; fidelissimo amore, te diligam, ac cuncta quæ extra te sunt fastidians, tibi fideliter & inauertibiliter inhzream: honorem quoq; tuum, atque dulcissimi cordis tui beneplacitum ardētissime sitiam, fidelissime infatigabiliterq; intendam, quæram, promoueam perficiamq;. Omnes item vires tam animæ, quam corporis mei, omne quod in me est, totumq; tempus ad vitæ meæ correctionem mihi indultum, quam vtilissime & fructuosissime expendam. O Deus meus & creator meus, O Deus meus redemptor meus, O Deus meus saluator meus exaudi me, & intende voci deprecationis meæ. Adiuutor meus esto, ne derelinquas me, neq; despicias me Deus salutaris meus. Exaudi me pauperulum famulum tuum manibus tuis plasmatum, Deus meus misericordia mea. Amen.

*Ad Spiritum sanctum.*

**O** Benignissime, suauissime atq; dulcissime Spiritus sancte Deus, Patris Filijq; amor ac nexus: ecce ad tuam clementiam humiliter accedo, totus ob meorū peccatorum grauitatem, vilitatisq; ac reliquarum miseriarum mearum recondationem deiectus ac desperatus, nullam inueniens in meipso nec requiem, nec pacem, nec consolationem: obsecrans te per tuam ineffabilem dulcedinem, pietatem ac bonitatem, vt cœlesti tua consolatione animam meam miseram & desolatam visitare recreareq;, crassissimasq; mearū cœcitatibus & ignorationis tenebras quibus tanto tempore iacuit inuoluta, splendidissimo diuinissimoq; lumine tuo procul ab ea abigere, & viam veritatis clare edocere digneris. Tu enim verus es consolator afflictorum, desperatorumq; dulce refrigerium, ac peccatorum plena remissio. Ad te aspiro, ad te anhelo, in te solo quiescere concupisco. Tu pie Domine Deus meus, vtinam afflictionibus meis digneris imponere finem, pusillanimitati meæ addere spem & fiduciam, peccataq; mea immanza misericordissima tua delere pietate, gratiaq; tua omnia mea interiora, animam, cor & sensus omnes perfundere ac perlustrare, locumq; tibi ipsi in interiori animæ meæ fundo dignum præparare, atque donis tuis alijsq; virtutibus me exornare, & omnes sordes meas ardore flagrantissimæ charitatis tuæ expurgare, talemq; me facere, in quo sine vllò impedimento præclarum

clarum tuum possis, (quando ac quotiescunq; id tibi placeret) opus peragere. Et no-  
tantum bonum, ob meam indignitatem, vilitatem & ineptitudinem, o summa pre-  
clarissimaq; ciuium celestium suauitas ac dulcedo præpediatur, noli quæso peti-  
tiones pauperuli seruuli tui diutius protrahere, sed vel iam tandem satisfac desi-  
derio meo. Et effundo secreta cordis mei in conspectu tuo o altissime Deus, confi-  
teorq; tibi, quod quousque hac tua diuina gratia, consolatione, præsentiaq; destitu-  
tus fuero, nunquam mentis meæ tenebras excutere potero, neque vias meas, neque  
meipsum, neque quæ intra me latent lucide perspicere vel cognoscere, neque, quod  
maximum est, peccati fœditatem, neque virtutum decorem & nobilitatem, neque  
animarum rationalium pulchritudinem & dignitatem, neque seculi præsentis flu-  
xibilitatem, neque potentiam, sapientiam ac bonitatem tuam, neque gloriæ tuæ  
perpetuitatem sufficio intelligere. Veni igitur o alme Spiritus, & habitationem tibi  
perpetuam in me construe, omniaq; quæ mihi ad salutem necessaria sunt misere-  
ricorditer concedere dignare, meq; totum tibi tene astrictum vinculis illius indis-  
solubilis amoris, quibus omnium electorum tibi corda alligata & vnita tenes, vs  
hic in gratia & postea in æternitate tecum sine fine permaneam, Amen.

*Effusio seu meditatio cordis alia, gratias agentis pro beneficijs Dei generaliter, haud incon-  
gruè post Eucharistiæ sumptionem exercenda. Et certè nullus deberet viuere  
Christianus, qui hoc aut simili modo quotidie Deo non  
gratias ageret.*

**O**mnipotens sempiternæ Deus, vita mea, omne bonum meum, & vniuersa fæ-  
licitas mea tu es. Ego autem terræ puluis, & miser vermiculus terræ, ante  
faciem tuam sto, te laudare, tibi que gratias agere gestiens. At quia hoc di-  
gnum non possum, nec quod tibi offeram habeo, offero tibi omnium sanctorum an-  
gelorum hominumq; virtutes ac merita: imò & CHRISTI IESV filij tui laudem  
& amorem (quibus te colit & amat) pro omnibus misericordijs, donis, & benefi-  
cijs mihi ingratisimo à te Domine Deus meus vnquam collatis. Tibi enim con-  
fiteor amantissime pater, tibi gratias ago, teq; adoro & laudo, quia tu me ex im-  
mensa charitate, & gratuita bonitate tua creasti ad imaginem & similitudinem tui.  
Tu varias propter me creaturas in vsum & ministerium creasti, tu me ab exordio  
vitæ meæ vsque ad hanc horam in corpore & anima pauidisti & fouisti: tu me ab in-  
numeris periculis animæ & corporis atque malis aut præseruasti, aut eripuidisti: tu  
in peccatis grauissimis me putidum, aberrantem, tibi contumeliosum, & mundo  
scandalosum, tot annis longanimiter tolerasti, nec, quod millies atque millies  
commerueram, in sceleribus meis me damnasti (heu quot interea, qui minus te  
offenderunt quam ego, ad inferna descenderunt) sed ad salutis viam, licet surdū,  
varijs institutibus atque modis admonuisti, & reducere fugientem ac renitentem  
voluisti, donec tandem potenti virtute malitiam meam tua benignitate superans,  
& cuncta circa me ordinans, ad hunc salutiferum viuendi statum me conueruisti:  
non desinens præterea huc vsque benefacere mihi, qui tibi in omnibus ingratus,  
inutilis atque infidelis sum.

*Hæc possent cogitari singularia beneficia tibi collata, & pro illis gratia agi. Cæterum,  
vt tecum in perpetua gaudeam felicitate, nullaq; peccata quamlibet grandia, me  
quæant à te separare, filium tuum præmisisti in mundum, quem etiam in dolores,  
pœnas, ignominias, ad crucem, & mortem propter me exposuisti.*

PHARETRAE DIVINI AMORIS

Eia benignissime Iesu, Dei vnigenite, ad te nunc me conuerto agne mansuetissimae, & mitissimae Iesu, quid retribuam tibi pro omnibus, quae tribuisti mihi? Adoro, laudo, benedicoq; te pro incarnatione, passione, & amarissima morte tua, pro laboribus & fatigationibus tuis, pro incommodis atque ærumnis, & pro quibuslibet aduersitatibus atque tristitijs, pro pœnis & doloribus, pro vulneribus ac liuoribus, pro lachrymis atque gemitibus, pro contumelijs, opprobrijs atque sanguineis guttis pro me effusis: & potissime pro maxima ad nos charitate tua, quam vel in hoc maximè nobis ostendisti, quod te ipsum etiam in cibum nobis sumendum dedisti, & vsque in finem seculi hoc modo in Sacramento te nobiscum mansurum promissisti, ad cuius participationem sapius, & etiam nunc dignatus es me admittere. Pro quibus omnibus, cum aliud non habeam benignissime Iesu, offero tibi temetipsum, id est, merita, virtutes, gratitudinem, passionem & mortem tuam, simulq; omnium sanctorum tuorum, in vnione charitatis illius quae de caelis te traxit in aduersa multa, & vsque in mortem crucis, & qua Patri tuo ibi te obtulisti pro nobis. Desidero autem o amabilissime Iesu ( si possibile foret ) etiam solus tam digne te laudare, tam diligere, tamq; fideliter seruire & placere tibi ad gloriam tuam, quantum omnes & singuli, tam angeli, quam homines te laudant & diligunt. Et propterea etiam in horum omnium vnione laudis ac amoris offero & resigno tibi me ipsum per suauissimum cor tuum, in omne beneplacitum tuum, ad gloriam tuam, quo mecum meq; ita facias, vt ablata omni rebellionem in me erga te, sola tua sanctissima atque laudabilissima voluntas semper in me, de me, per me & in omnibus fiat, Amen.

*Effusio cordis quotidiana, pro ijs qui pssicjs aut occupationibus implicati, nequeunt Deo multum diu vacare.*

**O** Misericordissime Domine DEVS meus, mihi quaeso ignosce. Clementissime Domine IESV CHRISTE, miserere mei propter nimiam charitatem tuam, qua me diligis, & per amorem obsecro illum, quo propter me pependisti in cruce, ignosce quae se omnibus peccatis meis, omnibus negligentijs, erroribus, vitijs, concupiscentijs, atq; prorsus omni ingratitude meae, actorius mundi. Ignosce quod haftenus tot annis tibi contumeliosus ingratusq; vixi. Ignosce quod hodie quoq; & in hoc N. bonitatem tuam offendi.

Heu amabilissime & suauissime Iesu, quid habeo miser ego, qui nihil omnino sum? quid habeo quod offeram tibi Deus meus, siue pro peccatis meis, siue pro beneficijs tuis? Nihil profecto / vnuerforum enim sum debitor / aliud, quam temetipsum o sufficientia, o virtus o diuitiae meae. Ante faciem igitur miserationum tuarum supplex prostratusq; vt pote omnium indignissima creatura tua, veniam peto, te inuoco, teq; Deum meum, te redemptorem & saluatorem meum adoro. Omnem vero passionem tuam, omnes liuores & dolores, omnia vulnera, omnesq; roseei sanguinis tui guttas, omnes lachrymas oculorum tuorum, omnes deniq; tristitias ac gemitus pijsimi cordis sui, atq; aded omnem amorem tuum ad nos seruentissimum pariter ac fidelissimum, offero tibi pro me & vnuerfo mundo, in expiationem omnium delictorum nostrorum, in suppletionem omnium negligentiarum nostrarum, in sacrificium quoque laudis ac gratiarum actionis omnium beneficiorum tuorum: simulq; in vnione horum omnium, me ipsum totum offero tibi in holocaustum, hoc est, in omne beneplacitum tuum, & in supremam laudem & gloria



nam tuam, obsecrans te per suavissimum, piissimum, fidelissimum, amantissimum, atque misericordissimum cor tuum; per effusionem benedicti sanguinis tui, & per singulas miserationes tuas atque beneficia tua, aufer à me cor nequam, cor meum impium & ingratum, & quicquid in me tibi displicet, & da mihi pro illo sanctissimum cor tuum, aut cor secundum cor tuum deuotissimum, amantissimum, fidelissimum, mitissimum, castissimum atque obedientissimum quod tu ipse purifices, simplicesque tui amore vulneres, inebries, atque tuo cordi vnias.

Dulcis Iesu, da mihi veram atque iugem contritionem pro peccatis meis, cognitionem propriæ vilitatis & nihilitatis cum profundissima humilitate.

Da mihi emendationem vitæ meæ, & imitationem vitæ tuæ secundum altissimum atque perfectissimum beneplacitum tuum. Da mihi perfectissimam abnegationem, atque plenam relictionem mei ipsius, purissimam castissimamque nuditatem cordis, ardentissimam quoque ac perpetuam charitatem, qua tibi soli totus inhaream, & te solum rectorem ac possessorem cordis mei iugiter habeam, omniaque tua & opera & beneficia in te, & in tui solius gloriam referam. Fac o misericordissime Domine Deus meus cruci tuæ me semper astare ea fide & deuotione, ea compassione & amore, quibus piissima mater tua fidelissimusque discipulus tuus quem diligebas, Ioannes, feruentissima quoque amatrix tua Maria Magdalena, tibi in passione ac morte tua assisterunt. Fac etiam dignum me fieri, cui ipsi quoque in hora mortis assisterent, meque protegant. Tu verò piissime & misericordissime Deus, animam meam de corpore non sinas egredi, nisi plenè tibi reconciliatam, atque per infinitas misericordias tuas, perque passionis tuæ merita purgatam, atque sine dilatione, sine impedimento ac medio abs te clementissimo amatore meo in regnum tuum suscipiendam inseparabiliterque tecum mansuram, Amen.

## PHARETRÆ DIVINI AMORIS Libri Primi Pars III.

Comprehensens in se aduersus dæmonum insultus ac suggestiones, vitiorum, ac peccatorum oppugnationes, remedia præsentissima.

*Vbi quis malas suggestiones sensorit, quantocius oret & dicat.*

**D**omine Deus meus, quotiescunque maligna hæc cogitatio mihi ingeritur inuito, toties te adoro, laudo, & benedico: & toties pro illis tibi laudes illas suavissimas omnium angelorum offero & remitto: & præcipue eas, quas spiritus ille reprobus, qui mihi talia nunc suggerit, modo tibi caneret, si in bono perstitisset, ut vel hoc modo in tui laude illius expleam vices, Amen.

*Contra impugnationes vitiorum, precatio.*

**P**lissime Domine Iesu Christe, en miserum & mendicum vilissimumque me peccatorem, ad misericordiæ tuæ pedes prouolutum. En vulnera, plagas, languorem, & vitia animæ meæ, quæ ipse mihi, heu peccando, intuli, & nunc oculis misericordiæ tuæ sananda exhibeo.

Clementissime Iesu, miserere infirmitatis, captiuitatis & infelicitatis meæ, quibus misera

miseram animam meam ad terrena deprimatur & in varia desideria distrahitur. Amantissime Iesu, per charitatem illam, quae te in manus peccatorum tradidit ligandum & crucifigendum, & quae te tribus horis in cruce, magis quam clavi illi manibus ac pedibus tuis infixi, continuit, obsecro te, solue iugum captiuitatis meae, & à cunctis vitijs, concupiscentijs, & prauis inclinationibus libera me. Ab omnibus verò insidijs hostium, & in omni tentatione protege me. Extingue & occide in me radicatum omnem priuatum amorem, omnes inordinatos motus, passiones & affectus, omnem fomitem, omnemq; pronitatem & inclinationem ad superbiam, iram, inuidiam, vanam gloriam &c. Ab his enim solus tu liberare me potes. Dulcis, Iesu, reple me gratia & perfectissima charitate tua, conserua me in omni bono, vt omnes peccandi occasiones fugiam, tentationes fortiter vincam, carnem spiritui subdam, vitia persequar & exterminem, inspirationibus tuis obediam, diaboli insidias & fraudes euadam, nulli peccato, vnquam consentiam, nihil quod tibi displicet foueam, sed honorem, laudem & gloriam tuam ardentissimam sciam, fidelissime promoueam, & me totum in beneplacitum tuum expendam, Amen.

*Contra improbas demonum suggestiones, precatio.*

**O** Domine Iesu Christe, qui propria virtute serpentis antiqui insidias & impugnationes superasti, omnibusq; te sequentibus per sanctum Apostolum tuum Iacobum modum certandi & pugnandi docuisti, dicens: *Resistite diabolo & fugiet à vobis*, dona mihi obsecro omnium discipulorum tuorum infimo veram animi fortitudinem & robur cum hostibus meis congregandi, & eorum molestissimas & difficillimas tentationes ac suggestiones superandi. Nec finas me pie Domine, qui prope es omnibus inuocantibus te in veritate, vltra id quod possum sustinere à malignis infestari spiritibus, ne forte terrore aut diutina molestatione victus, suis me laqueis irretiant: sed passionis tuae virtute confirmatus, benedictissimae matris tuae patrocinio munitus, excubijsq; sanctorum Angelorum atque omnium electorum tuorum suffragijs vallatus, omnium illorum me insidijs machinationibusq; fortiter opponam atque obijciam, Amen.

*Pro desideriorum prauorum mortificatione, precatio.*

**O** Iesu flagrantissime humanae creaturae amator ac reparator, qui mei amore ac reparationis desiderio totus in ara crucis voluisti arescieri, torreri, & exciccari, omnemq; preciosissimum ac nobilissimum tuum pro me sanguinem fundere, nec non ex nimia benedictissimae linguae tuae arefactione, clamare: *Sitio*: extingue in me, ob vehementissimum tui erga me amorem, omnem terrenarum ac transeuntium rerum sitim & concupiscentiam: mortifica in me omnia praua, illicita, carnaliaq; desideria, omnia & trucidata omnes inordinatas improbasq; in me affectiones: & effice, vt super omnia atque in omnibus tuum honorem, omniumq; salutem, maximè autem sanctissimae voluntatis tuae desiderium & impletionem promouere ac scire satagam, Amen.

*Aduersus omnem superbiam & fastum, precatio.*

**O** Bsecro te benignissime Deus, per virtutem profundissimae tuae humilitatis, reprime, profliga, eijce à me omnem elationem & ostentationem, omnem contumeliam & simulationem, omnem pompam ac superbiam fastum, custos

Etos inanis gloriæ appetitus, deniq; omnia huius pestis ac malitiæ species: & dona mihi veram ac profundam absque vlla fictione aut simulatione humilitatem, per quam tibi soli placere appetam, omnemq; mei contemptum gratissimo ac hilari animo sufforam, Amen.

*Pro eadem precatio alia.*

**O** Innocentissime Domine Iesu Christe, per tui despicabilem & contemptibilem speciem, in qua à Iudice Pilato plebi Iudæorum fuisti exhibitus, atq; ab omnibus absq; vlla commiseratione, seu compassione ad crucis horrendum supplicium postulatus, te humiliter oro, vt omnem ex corde meo superbiam, iactantiam, arrogantiam & vanam profliges gloriam: & per purpureum vestimentum, in quo ab omni Iudæorum frequentia tanquam regni inuasor fuisti delusus curiosorum ac preciosorum mihi infundas vestimentorum contemptum, Amen.

*Pro sensuum passionumq; animæ reformatione, precatio.*

**O** Iesu superdulcissime, qui omnibus perfectissimum atq; integerrimum post e reliquisti viuendi exemplum, atq; humanæ naturæ lapsum & corruptionem, perfectè in sanctissima tua humanitate assumpta reformasti, animamq; rationem per sensuum voluptatem ad terrena & caduca effusam, ad suum principium & originem per vitam & amarum passionem tuam reduxisti, omnibusq; in te manentibusq; imitantibus vitam æternam & cœlicas mansiones promifisti, dignare obsecro ob infinitam tuam bonitatem, largitatem, & benignitatem, naturam meam per protoplastorum præuaricationem corruptam: magis verò per malam meam viuendi consuetudinem ac actualia peccata destructam, miserrimeq; depravatam reparare, reformare atq; redintegrare, & omnes animæ meæ collapsas vires, corporisq; sensus circa multa dispersos ac occupatos colligere: necnon & totâ animam meam multis passionibus subiectam, à suoq; principio longè aberrantem, in pristinum suum gradum restituere, antiqua sed deperdita nobilitate, exornare, virtutibus veris expolire, innocentia originalisq; iustitiæ vestimentis decorare, quatenus in te manendi, tuæq; humanitatis sacra vestigia sectando communionem tecum & cum omnibus membris tuis habere merear in regno tuo.

**O** Iesu piensissime, omnem inimici fraudem procul à me repelle, vt nunquam aliqua mihi dominetur iniquitas. Da mihi visum intelligentiæ, auditum perfectæ obedientiæ, vocem orationis puræ, confessionis veræ, verbum ædificationis saluti feræ, gressum operationis fructuosæ & integritatem sincere conscientiæ. Sana animam meam laborantem febris inuidiæ, hydropefi affectionis terrenæ, & tumore superbiæ, phrenesi iracundiæ, paralyfi dissolutionis & acidiæ, illecebra gulæ, fluxu luxuriæ, lepra multiplicis erroris & malitiæ. Hæc tua diuina, mihi concedere dignetur, pietas, Amen.

*Pro abstractione mentis à creaturis, precatio.*

**O** Summa suauitas mea suauissime Domine Iesu Christe rex cœlorum & dominus omnium, qui post sacri baptismatis perceptionem à spiritu in desertum duci voluisti, vt doceres quantopere hominum conuersatio & mundi fallacia, post sacramentorum & diuinorum charismatum receptionem essent fugienda, deduc me ab omni mundanorum strepitu, ab omni nauilium cogitationum & carnalium desideriorum tumultu, in desertum mundæ, quietæ, serenæ, simplicis & puræ

Ioan. 19.

March. 4.

d &amp; puræ

& puræ conscientia, in quo ieiunans ab omni carnali voluptate, à seculari vanitate, ab omni etiam creaturarum impura affectione, tuam in omnibus creaturis perfectè desiderem perfici voluntatem. Concede præterea mihi in hoc statu, in hoc viuendi genere ad quod me vocasti, tam irreprehensibiliter viuere, tam strenuè vitij & innatis carnis concupiscentijs emori: voluntatem propriam frangere, desideria praua mortificare, vt post huius miseræ ac infelicis vitæ curricula, vocem tuam, vocem, inquam, illam iucundam, gratam, omnibusq; tuis electis longè desideratâ, audire merear: *Hodie mecum eris in paradyso, Amen.*

Luc. 2.

*Pro præseruatione à peccatis, præcatio.*

2. Pet. 2

E. 1. 3

**O** Amabilissime Domine Deus meus reperitur nihil in rerum natura, quod a deo tuam excellentissimam ac diuinam Maiestatem offendat, animasq; rationales secundùm imaginem & similitudinem tuam nobilissime innocentissimeq; creatas, à sua ingenita dignitate abducat abstrahatq; quam peccatû, quippe cum ipse supremus Angelorum princeps ex peccati consensu in dzmonem sit mutatus, atque protoplastus Adam ob diuinæ legis contemptum è paradyso eiectus, atque ex consequenti vsque ad hæc nostra secula omnes peccatorum nexibus impliciti, eorumve fallacia aut delectatione decepti, diris tradantur excrucianti poenis, & tormentis inferniq; doloribus: atque perpetuè à beatifica tua visione segregentur; obsecro te per summam potentiam tuam, per filij tui æternam sapientiam, atque ineffabilem Spiritus sancti amorem, quo mouente cœlum & terram & omnia quæ in eis continentur, creata ac formata sunt, ne me creaturarum tuarum omnium planè vilissimum atq; nouissimum, à te per peccatum excidere permittas, ne grauissimas illas poenas peccatoribus præparatas iustè incurram, dulciq; tua familiaritate hic in tempore, & postmodum in æternitate me priuem, nec vnquam ad beatorum tuorum spirituum consortium admittendus sim, neque inæstimabiles gloriae tuæ diuitias participaturus: sed magis pijsime Deus meus, in benedictionibus cœlestis dulcedinis tuæ præueni me, & donis tuis ineffabilibus exorna me, atq; lumine claritatis & diuinitatis tuæ illustra me, spiritumq; meum tuæ cognitionis splendore superfluum rape in te, atq; ab omni malo, ab omni peccato, à cunctis deniq; iniquitatibus, & quicquid oculos diuinitatis tuæ offendere possit misericorditer præserua me. Ad quid enim o pater misericordiarum & Deus totius consolationis prodesset me natum, tantoq; superuixisse tempore in hoc seculo, si in futuro mihi non liceret seculo tecum sine fine lætari? Aut cur tanto precio emptus, tantoq; labore redemptus, & in gratiam tuam per vnigeniti tui Filij amarum passionem & mortem restitutus, si diuitijs tuis immensis atq; ineffabilibus illis bonis, quæ diligentibus te & mandata tua perficientibus, præparasti, in cœlesti patria tua cum beatis spiritibus perfrui non concederetur?

Ah clementissime Deus Pater, qui in nullius perditione lætaris, sed magis vis omnes ad tui nominis agnitionem peruenire, obsecro te per te metipsum, qui semper bonus es, imò ipsa bonitas omnisq; boni origo & principium, vt peccati fedtatem iugiter ante oculos meos statuas, eius tantam displicentiam & odium mihi infundas, vt mortem malim oppetere, quam vel tenuissimo te peccato exacerbare adiuuante & oppitulante diuina gratia tua, quæ omnibus eam desiderantibus presto est, Amen.

Pro

*Pro voluntatis propria abnegatione, precatio.*

**O** Iesu amabilissime, qui perfectè voluntatem tuam in manus Patris tui coelestis, dum hora atrocissimæ mortis tuæ instaret, tradidisti dicens, *Pater non me, sed tuam voluntatem fac*: dona mihi obsecro hanc gratiam, ut in omnibus propriam meam possim voluntatem frangere, eamq; superiorum meorum iudicio ac voluntati sine vlla exceptione subternere, atq; obedientiam sanctam operibus ex proprio instinctu assumptis semper præferre: carnem quoq; & sensuales affectus viriliter mortificare ac spiritui subdere, resignatum animum in omni rerum euentu gerere, atque tuæ divinæ providentiæ & bonitati me totum, sine vlla carnis recalcitratione semper & vbique quam fidelissime committere. Amen. Match. 26

*Pro sitis temporalium rerum extinctione, precatio.*

**O** Fons inexhaustibilis pietatis Iesu Christe mellisive, ardor flammæ charitatis tuæ, omnem in me terrenæ conversationis sitim extinguat, omnemq; æstû carnalium concupiscentiarum refrigeret, ut plenissimè te aquarum viuentium fontem, ac bonorum omnium causam sitiam, proximorum meorum salutè & profectum desiderem, atq; me ipsius despectionem & contemptum humiliter & æquanimiter sufferre discam. Amen.

*Contra omnem vanitatem & curiositatem sensuum, precatio.*

**O** Superbenedictissime Domine Iesu CHRISTE, cum tantum tamq; periculosum sit vitium curiositas, ut per plures etiam electi tui per eam in immania prolapsi sint, imò etiamnum prolabantur peccata, rogo te per sanctissimam immaculatissimam atque integerrimam tuam conversationem, sensusq; ordinatissimos & reformatissimos, ut misericorditer sensus meos vagos & curiosos, atq; ad omnem vanitatem plus satis inclinatos, reformare digneris, ac sub rectæ rationis iudicium subigere, ne eorum vanissima curiositate deceptus, à te Deo ac Domino meo abducar.

Ah pijsime Domine, dura illa vincula, quibus atrocissime nobilissima atq; tenerrima tua membra fuerunt colligata, cor meum ab omni inutili cogitationum euagatione restringant, atque omnes sensus meos intra te arcuissima disciplina cõferuent, ne aliud videam, audiam aut intelligam, quam dilectum Dominum Deum meum. Amen.

*Resignatio animi efficax admodum, dum tentatio quævis mentem impugnans perseverat, nec aliqua liberationis spes superest.*

**B**enignissime Domine Iesu Christe, si tibi sic placet, ut abominabilis & immundus ego peccator ab illis abominabilibus & immundis tentationibus contra omnem rationem ac voluntatem meam impugner aut molester, fiat voluntas tua. Tu scis quam indignus sum vel in minimo à te consolari, & quam in omnibus tibi semper infidelis sum, à te recedendo, euagando, & cum creaturis per inordinatum amorem à te fornicando: ideo immundis his trador passionibus. Itaq; in vnione resignationis tuæ, qua te Patri obtulisti ad passionem & mortem.

mortem, ego quoque me tibi resigno ac offero ad quæcunque quæ tu me vis pati, quomodo ve & quamdiu tibi placuerit me tentari. Scis enim misericordissime Iesu, quam nulla est virtus mea, & quam magna instabilitas, prauitas & infirmitas mea: id in te solo confido, & de viribus meis despero. Domine Deus meus, in misericordia tua suscipe me, & in virtute tua custodi me, in gratia tua protege & confirma me, vt omnia aduersa, omnia tentamenta, tam interna quam externa ita sustineam, ita vincam, & in illis tam fortis, tam patiens, tamq; fidelis tibi inhæreã, vt ad mortem vsque nulli peccato consentiam, nullam consolationem extra te requirã, nullamq; recipiam; vt omnis tentatio tuam mihi augeat gratiam, & nulla sit ad ruinam.

Ah amantissime Domine Iesu Christe, vtinam ita essem à vitijs & præteritis meis delictis ac peccatis expurgatus, ita tuis diuinis virtutibus exornatus, atque vsque ad deo in omnibus animæ meæ viribus reformatus, lumineq; gratiæ tuæ circumfusus, vt in omnibus his sordidis, immundis ac fœtidissimis dæmonum carnisq; propriæ impugnationibus tuam diuinissimam atq; amabilissimam possem inuenire voluntatem, tamq; profundè coram te summo Angelorum rege me humiliare & annihilare, tuamq; summam amplissimam excellentissimamq; Maiestatem ad me inclinare, vt omnis hæc immunda impugnatione non solum non obesset, sed multo magis in gratia tua confirmaret, corroboraret consolidaretq; Amen.

*Quando sentis aduersitatem tibi imminere aliquam, præpara te siccando genua, aut quomodo potes, & dic humiliter in seruore spiritus.*

**D**ulcissime Domine Iesu Christe, in vnione illius charitatis qua te ipsum obulisti in mortem, offero tibi cor meum, vt de me & per me fiat beneplacitum tuum.

Dulcis Iesu, hoc beneplacitum tuum eligo & desidero (quantalibet inuent aduersa) & me totum sanctissimæ fidelissimæq; prouidentię tuæ committo. Spero enim & rogo vt me & omnia quæ circa me sunt tu dirigas ad gloriam tuam, & animæ meæ salutem, Amen.

*Quam improprium irrogatur aut iniuria, dicito.*

**B**enedictus es Domine Deus meus quia tibi soli debetur omnis honor, mihi nil nisi ignominia. Quapropter in tui amore dulcissime Iesu, & in vnione impropriorum tuorum, volo hanc, quia dignus sum, aduersitatem sustinere, & per cor tuum mansuetissimum tibi offero, Amen.

*Resignatio alia ad sustinendam iniuriam aut aliquam pressuram.*

**O**Iesu amabilissime, mitissime, ac patientissime, in vnione omnium aduersitatum, pœnarum & opprobriorum, quæ tu innocentissime passus es pro me, volo hæc molesta, aut hanc pressuram (licet modica sit) pati etiam pro te, id est, pro tui amore, & quia tibi sic placet. Dignus enim sum omnibus malis, & multo grauiora commerui. Hæc igitur quæ patior, offero tibi per mitissimum cor tuum, vt tu quoque illa tibi vnita pro me offeras Patri tuo in amore illo quo ipsum diligis.

O dulcis Iesu, da mihi perfectissimam patientiam, mititatem, benignitatem, & veram humilitatem, vt omni contemptu & pœna me dignum ex animo cognoscã, cuncta quæ super me veniunt mala patientissimo atq; desiderantissimo corde suscipiam,

piam, & tui amore quam diu tibi placuerit, cum gaudio & gratiarum actione, atq; cum plenissima resignatione mei ipsius longanimiter omnia sustineam, Amen.

*Inter patiendum sui oblatio atque commendatio ad Deum.*

**O**Mnem hanc pressuram quam nunc patior, ô misericordissime Domine Iesu Christe, & si quid grauius etiam pati me volueris tui amore, de manu providentiæ tuæ & de voluntate amantissimi ac paterni cordis tui suscipio, & pro immenso amore tuo, quo ab æterno in salutem meam hæc ordinasti, tibi gratias ago. Iesu fidelissime, quid dicam, nisi quia peiora merui, & omni gratia tua, consolatione, ac beneficio tuo indignus sum? Idcirco ad honorem acerbissimæ passionis & mortis tuæ, in quas te vltro pro me obtulisti, offero me ad sustinendum hanc pressuram seu aduersitatem, proponens nullam aliam cōsolationem seu liberationem querere, nisi per te Domine, aut secundum beneplacitum tuum. Hoc tamen rogo & obsecro te per misericordissimum cor tuum, quia nulla virtus, & penitus nihil boni est in me, adiuua me, & da quicquid necessarium est ( Plura enim necessaria sunt mihi peccatori misero & imbecilli, quam seruis tuis fidelibus ) ad abstinendum & perficiendum beneplacitum tuum. Et fac vt ita me semper habeam, ita sim coram te, sicut maximè tuæ placet voluntati. Atq; vtinam valerem, vtinam tantam à te gratiam acciperem, qua omnium & singulorum qui pro te passi sunt, pressuras solus sufferre possem, vt pro omnibus tibi gratias agendo, aliquid quod tuæ charitati gratum esset offerrem, & me totum tibi impenderem. Eia benignissime Iesu, fac me quæso totum in omnibus secundum beneplacitum tuum, in agendo & patiando, & voluntatem meam sic vnias tibi, vt non aliud possim velle, quam quod tu vis, Amen.

*Quando existimas te grauatum tribulatione aut pressura, recurre ad crucifixum saluatorem tuum, & inde presidium roga, modo quo sequitur.*

*Procide ad pedes eius, & osculatis pedum vulneribus, dic.*

**R**espice, quæsumus, omnipotens æterne Deus super me miserum famulum tuum, pro quo Dominus noster Iesus Christus non dubitauit manibus tradi nocentium, & crucis subire tormentum. Illumina cor meum, vt intelligam & sentiam quanto amore hanc aduersitatem super me venire permisisti, Amen.

*Deinde ad manus crucifixi, dic.*

**D**A mihi Domine sedium tuarum assidricem sapientiam, quæ intellectum meum illuminet, cor meum purificet, & affectum meum inflammet ad cognoscendum & amandum te Dominum Deum meum, in omnibus & super omnia omni tempore: & vt ipsa æterna tua sapientia mihi assistat, me confortet, mecumq; operetur, vt ad perfectum vsque finem hanc pressuram sufferre possim, pro gloria tua, & pro vita, & omnium fidelium salute, Amen.

*Tertio ad cor accede, & dic.*

**O** Amor ineffabilis, ô charitas ad nos fidelissima & immensa, Christe Iesu a-nantissime, per amorem cordis tui, quo pro omnibus omnium grauamina pertulisti, adiuua me vt hanc pressuram æquanimiter sustineam quamdiu tibi placuerit, Amen.

*Cogita sepius ita.*

**D** Vlcis Iesu, Deus meus, si mihi dares optionem & promitteres quæcunq; peterem te daturum, nō aliud quam hoc peterem, & hoc millies & millies peto, vt laudabilissima voluntas tua secundū optimum beneplacitum tuum in me, de me & per me, & in omnibus fiat, Amen.

*Quando aliquid tibi quod delectabile est, subtrahere aut vitare volueris, dicitio.*

**D** Omne Iesu Christe ad honorem & memoriam tui, & in gratiarum actione, quod pro meis peccatis satisfaciendo, propter me quæ carni duriora erant semper elegisti, & à noxia omni delectatione immunis fuisti, quæso te, da mihi sensuum meorum continentiam, vitiatorumq; omnium, passionum, delectationū & affectionum inordinatarum perfectam mortificationem.

Dulcis Iesu in vnione amoris tui, quo propter me delectabilia tibi subtraxisti, volo me continere à delectatione hac: vel volo intermittere, aut carere hac re siue consolatione. Da mihi pie Iesu, vt syncerè & purè propter gloriam tuam hoc velim, possim, & perficiam iuxta beneplacitum tuum, Amen.

*Pro imploratione diuini auxilij in tempore aduersitatis & tribulationis, precatio.*

**O** Afflictorum requies & desolatorum summa consolatio Christe Iesu amabilissime, qui tempore tuæ acerbæ derelictionis clamore valido preces tuas in Cruce ad Patrem tuum cœlestem fudisti, vt similiter & nos, aut tentationibus varijs immerfi, aut molestijs & grauaminibus obruti ad te pro auxilio clamaremus, exaudi quæso me propitius in hora tribulationis & angustia, in tempore horrore & desolationis extremæ ad te clamantem, atq; oculis consuetæ tuæ pietatis super me benigne respice, ab omniq; noxia dæmonum impugnatione me erue, ne fortè supergaudeat mihi inimicus meus, & dica: Præualui aduersus eum.

O Deus immense, fortis atq; terribilis, suscipe clamorem vermiculi & exigui puluisculi tui in folio regni tui, in cœlo sancto tuo validè fortiterq; clamantis & eulantis, quoniam de nullis viribus meis confido, nec tantam in me fortitudinem reperio, vt possim resistere his, qui de die in diem quærunt perdere animam meam. Igitur nunc & deinceps omnem meam spem in te reponam, omnes causas meas quæ fidelissime tibi committam, vt tu pro me pugnes, hostiumq; meorum insidias & impetus potenti tua virtute destruas, Amen.

*Pro confortatione in tribulatione, precatio.*

**O** Desperatorum fortitudo Christe Iesu, qui mundo deperdito ac quasi desperato nouam in tua assumpta humanitate aduexisti salutem: obsecro te per illas acerbissimas passiones & dolores, quos benedictissima ac intemerata mater tua semper virgo Maria, in sua sanctissima anima sensit, quando te in cruce propter poenarum, & angustiarum vehementiam valido clamore anxioq; corde clamantem audiuit, penèq; squalore & sanguinis exhaustionem confectum & consumptum vidit, vt eadem fidelitate, constantia, & animi fortitudine, sicut illa tunc tibi assistit, mihi quoque cruci tuæ astare immobiliter concedas, neq; vlla aduersitate aut iniuriarum quarumcunq; me frangi permittas perpessione, sed magis diuina tua virtute me conforta, corrobora, & vires patiendi adiuuistra, vt tibi possim placere, ac in omni rerum euentu patientiam seruare, Amen.

*Multa*



*Multa ac varia sunt delicta lingua, pericula inductiva, ac dāna multiplicia, ideo sepe numero orandum est, ac propositum bonum renouandum contra lingua incontinentiam. Qui enim in lingua non delinquit teste S. Iacobo, perfectus est vir. Et qui lingua incontinens est, huius nulla est religio.*

*Aduersus incontinentiam lingua & sensuum, precatio.*

**D**ominus Deus meus lego & experior, quanta est infirmitas, quanta lubricitas: Linguae: da mihi gratiam frenandi & continendi linguam meam. Domine Deus meus, quoties proposui retrenare linguam, ut non dicerem, nisi quae ad necessitatem meam, aut proximi essent aedificationem? & non emendavi me nec institutum seruaui. Legimus quantam gratiam his praebuisti amabilis Iesu, qui a loquendo abstinuerunt, donec utiliter loqui didicerunt. Quantum placuit tibi silentium in Catharina Senensi, in Maria de Oegenes? &c. Domine Iesu, eripe me a lingua mea. O si, dulcis Domine Deus meus, dares mihi gratiam hanc, ut non soluerem linguam meam ad loquendum, nisi in laudem & honorem tui, aut pro beneplacito tuo! Da mihi Domine DEVS linguam mutam ad omnia mundana, vana, mala & ociosa. Conclude linguam meam, obtura aures meas, purum fac cor meum & incontaminatum ab omni detractione, ab omni murmuratione, ab omni derisione, ab omni carnalitate, ab omni vanitate, ab omni scurrilitate, dulcis Domine Deus meus. Iesu pijsime, da mihi linguam secundum linguam tuam, aures secundum aures tuas, cor secundum cor tuum, & omnia membra secundum membra tua, ut gratia tua ducente, merear te imitari, tibi merear conformari, per te merear praeseruari, tuo lumine dirigi, tui amore accendi, tua custodia protegi, tuis virtutibus ditari, tuis meritis saluari, Amen.

*Orationes haec dua contra peccata frequentanda sunt: praecipue ab his, qui sunt in consuetu vitiorum.*

**M**itissime atque misericordissime Iesu, obsecro te per cruenta, roseaque vulnera tua, per omnes dolores ac poenas tuas, per amarissimam mortem, & per omnia merita ac intercessionem beatissimae virginis Mariae matris tuae & omnium sanctorum tuorum, libera & custodi me a superbia, inuidia, aedia, & omni peccato. Da mihi ex toto corde meo te diligere, & voluntatem tuam perfectissimam in omnibus implere, Amen.

*Ad B. virginem Mariam ipso tentationis tempore, precatio.*

**O**purissima, nobilissima, atque speciosissima omnium virginum, dignissima Dei mater virgo Maria, obsecro te per profundissimam humilitatem tuam, per sanctissimam castissimamque puritatem, & per feruentissimam charitatem tuam, perque omnia dona, virtutes & gratias, quibus ornata es a Deo, ut sis dignissima eius mater, recipe me in custodiam & amorem pijsimi materni cordis tui, tanquam filium licet indignissimum sim, & impetra mihi tui amoris sanctissimum atque castissimum. Impetra mihi perfectissimam humilitatem, castitatem, charitatem & ceteras virtutes omnes, quibus tu placuisti Deo. Impetra etiam mihi, ut per singularem misericordiam filij tui, per merita passionis eius, & per iugem contritionem peccatorum meorum in hac vita totus purificari merear ab omnibus vitijs & peccatis meis, ut post hanc vitam sine dilatione ad vitam recipar sempiternam. Et propterea o dulcissima domi-

na misericordiae, impetra mihi, ut semper quaecumque super me tristitia euenerint, patientissime & cum gratiarum actione hinc sineam, omnemque tempus vitae meae in gloriam & laudem filij tui fideliter expendam, Amen.

*Ad B. virginem Mariam, pro sui reconciliatione, & peccatorum indulgentia precatio.*

**O** Domina nobilissima, o mater Dei dignissima, o caeli regina excellentissima, extrema mea infelicitas & calamitas ad te me accedere compellunt, sed prohibet & retrahit me a te uilitas mea & turpitudine propria. At quo vadam alio, quam ad clementissimam reus, ad misericordissimam peccator, ad sanctissimam uitiorum omnium plenus, ad beatissimamque infelix? Ah domina piissima ac desperatorum spes unica post filium tuum dulcissimum, pedibus tuis prouolutus per omnia quae in te operatus est Dominus Deus tuus mirabilia, te obscuro ne me despicias aut a te repellas. Impetra mihi apud filium tuum veniam, & gratiam ne mearum iniquitatum recordetur amplius, sed absumat eas sub immensa miserationis abyssus. Recordare quae te nobis matrem esse datam: ostende ergo filijs tuis pietatis viscera, & securum nobis ad filium accessum para. Confitebor tibi o misericordissima domina mea, quod prorsus nihil in me habiter, nisi peccatum. Et si vel millies iurarem me posthac non peccaturum, aut mores meos correcturum, vix sine mendacio hoc fieri possem, eo quod ad peccandum & male agendum nimia pronitas, ratio etiam renitente, saepe praecipit spiritum meum. Hoc igitur flagito, o mater suauissima, quae omnibus peccatoribus maxima salutis consequenda est spes, naufragantibus item in hoc mare magno & spaciofo unicuique refugium, via & salutis porta, obtine mihi voluntatem perfectam, in aduersis & tentationibus vires, & dimicandi fortitudinem, Deique mei amorem, ut ex toto corde meo meipsum in primis vincam, peccandi malam consuetudinem gratia filij tui mortificem, & ex intimis visceribus cordis mei, quod tam benignissimum & beneficentissimum Dominum Deum meum tam graue offenderim, doleam. Per te enim o regina caelorum, omnes ad Christum venimus saluandi. Utinam nunc scinderetur cur meum lapideum doloris & contritionis magnitudine, lacrimarumque meae fluere die ac nocte quod tam rebellis, tam ingratus haecenus Domino Deo meo fui, & ad omnem Deum cultum augendum siue promouendum tam negligens & tardus, ad malum vero perpetrandum tam promptulus & agilis.

O virginum decus, o Dei mater electissima, o pulcherrima omnium foeminarum, & inter omnes matres benedicta, utinam tua mihi adiuuante gratia ex his meis foecibus quandoque resurgam, qui ex propria malitia in hoc usque extremae desperationis barathrum collapsus sum, tuarumque sanctissimae vitae exemplar ad imitandum iugiter ante oculos meos statuam quo sic daemonum callide deuitam insidias, & virtutibus aggregandis strenuam dem operam. Heu me mater Dei dignissima ac virgo pulcherrima, quamuis sum turpis, foedus & sordidus peccator, ac tua familiaritate penitus indignus, te tamen amare cupio, tibi placere desidero, ac totum me tuis filijque tui benedicti obsequijs mancipare posthac intendo. Quare de nouo sanctissimis pedum tuorum vestigijs me prosterno, suppliciter orans ac deprecans per omnia pietatis & miserationis tuae viscera, per omnia item dona & beneficia, quibus praeter ceteris hominibus te honorauit altissimus, & post se, super omnes creaturas honorari voluit, ut me (licet foedum & abominabilem) filiorum, aut saltem infimorum seruulorum tuorum numero ascribere digneris, talemque me facias qualem

qualem tantæ reginæ decet esse seruulum, castum videlicet, humilem, mansuetum, piûm, obedientem, simplicem, diuiniq; amoris facibus, accensum. Quod per te mihi præstare dignetur Iesus Christus filius tuus, Amen.

*Pro peccatorum expiatione alia ad eandem breuior precatio.*

**O** Gloriosissima & inenarrabilis omnium creaturarum dignissima, sola post Deum proxima, ab æterno prælecta, omniqu; virtutum & gratiarum plenitudine copiosissimè superfusa, domina mea superdulcissima virgo Maria, ob singularem illum amorem, quem erga genus humanum, singulariter verò erga peccatores, afflictos, & miseros semper geris, te humiliter oro & suppliciter pietatis tuæ deprecor viscera, vt omnium peccatorum meorum præteritorum indulgentiam & veniam impetrare à dilectissimo tuo filio Domino nostro Iesu Christo digneris, atq; abundantissimis meritis tuis interuenientibus perfectè in eius me gratiam restituas, gratiamq; copiosam mihi obtineas, per quam de cætero ab omni me peccato liberum & immunem seruem, tuq; ac filij tui integerrimæ vitæ omnem meam conuersationem conformem, atq; in omnibus sanctissimæ tuæ volûtati me subiiciam, Amen.

*Ad B. Virginem Mariam, pro vitiorum mortificatione, precatio.*

**O** Dulcissima virgo Maria, per virtutem sanctissimæ & integerrimæ tuæ puritatis te humiliter oro, vt gratiam mihi impetres à dulcissimo filio tuo; veterem in me mortificandi & occidendi hominem, cum omnibus actibus actõ-cupiscentijs suis, atq; sine omni quærela, castè, piè religiosèq; viuendi in hoc seculo. Expelle à corde meo, ô pia mater, omnes passionum improbos motus & cogitationum malarum importunos tumultus, & redde mihi veram pacem tranquillitatemq; pectoris, ac mentis iam dudum amissam puritatem, Amen.

*Ad eandem B. virginem Mariam, pro tentationum & peccatorum tutela, precatio.*

**O** Inclita & excellentissima Dei genitrix virgo Maria, deprecor pietatem tuã ineffabilem, & admirabilem tuam excellentiam, per quam naufrago mundo salus orta est, vt te mihi miserabili, piam atque benignam matrem in omni tentatione & dæmonum impugnatione exhibere digneris, atque semper & vbiqu; gratia tua me protegere ac defendere, ne blanditijs malorum spirituum seducar, aut in peccatorum consensum pertrahar Amen.

*Ad eandem B. Virginem Mariam, pro peccatorum præseruatione, precatio.*

**O** Excellentissimæ dignitatis mater Dei, virgo Maria, obsecro te, per singularem illam præminentiam tuam, qua cunctis mortalibus præstas, vt pote munda & immunis ab omni contagione peccati, libera & custodi me ab omni peccato. Aufer quicquid oculis tuis in me displicet, & tribue quicquid placet, & perduc me ad statum viuendi tibi gratissimum & mihi saluberrimum, Amen.

*Ad eandem B. virginem Mariam, pro extinctione omnis mundani amoris, precatio.*

**O** Excellentissimæ dignitatis Mater Dei, virgo Maria, obsecro te, per singularem ac ineffabilem præminentiam tuam, qua cunctis mortalibus præstas, vt pote electissima virgo perpetua, & mater non cuiuscunq; hominis, sed filij DEI, extingue penitus à corde meo omnem tam carnis, quam mundi amorem, & reple illud castissimo amore tui, quo ad placendum tibi purissimam castitatem animæ & corporis, & in alijs omnibus gratissimam tibi exhibeam seruitutem, Amen.

Phare-

# PHARETRÆ DIVINI AMORIS

## Libri Primi Pars IV.

Continens in se varia exercitia & preces pro virtutum infusione, castigationeque vitæ in vitijs transactæ.

*Pro fide, spe, & charitate precatio.*

**P**Er ineffabilem misericordiam tuam obsecro te misericordissime Domine Iesu Christe, infunde animæ meæ fidem simplicem & rectam, spem firmam, & charitatem ignitam atque perfectam, ut à cunctis erroribus & peccatis liber, intellectum meum in captiuitatem obedientiæ tuæ Ecclesiæ tradam, atque omnem cogitatum meum in te projiciam, totumque me tuæ prouidentiae credam: nihil ad creaturas respiciens, sed in cunctis paternam, amorosissimam, atque fidelissimam cordis tui curam & pietatem erga me intelligens, de manu tua omnia accipiam, pro omnibus te laudem & gratias agam, & in beneplacitum tuum totum me semper resignem, offeram & expendam, Amen.

*Pro fide, spe, & charitate ad Patrem, precatio.*

**B**enignissime Domine Deus Pater, cum nulli obtinendæ salutis spes sine Theologicis virtutibus fide, spe & charitate relicta sit, supplico excellentissimæ Maiestati tuæ, filij tui amantissimi intercedentibus meritis, ut rectam, sinceram, viam illuminatamque interiori animæ meæ fundo, infundere digneris fidem, cuius virtute omnes meæ cogitationes cum intima tui fruitione in te subleuentur: spem item firmam atque securam, qua intellectus meus in vultus tui claritate dilatetur: charitatemque ignitam, per quam voluntas mea imperfecta ac instabilis in te omnium creatore firmetur atque solidetur.

*Pro dilectione Dei, proximi atque inimicorum, precatio.*

Apoc. 1. v. 5  
Isa 53. v. 5.  
& 12.

**A**mantissime Domine Iesu Christe, qui dilexisti nos & lauasti nos in sanguine tuo, dulcis Iesu, qui dedisti in mortem animam tuam pro nobis, & cum sceleratis reputatus es, vulneratusque propter iniquitates nostras & attritus propter scelera nostra. Disciplina enim pacis nostræ super te, & liuore tuo sanati sumus. Per hanc charitatem & ineffabilem misericordiam tuam obsecro te, infunde cordi meo gratiæ tuæ inextinguibile lumen, quo simul ardeat in me iuge incendium tuæ charitatis, ferueat, operetur, & crescat in me semper castissimus ac indeficiens affectus miserationis, compassionis, benevolentiae ac pietatis, qui ad omnes creaturas tuas tui amore & contemplatione se effundat, & nihilominus inauertibiliter tibi semper inhaereat.

Amantissime Iesu, reple quæso animam meam, omnes sensus, vires, actus & affectus meos perfectissima, sincerissima, feruentissima, fidelissima atque perpetua charitate, ut te ex toto corde meo diligam in omnibus & super omnia. in te vero & propter te omnem proximum sincerissime atque perfectissime, secundum beneplacitum tuum. Dulcis Iesu, da mihi ut honorem tuum & animarum salutem ardentissime

eiffimè ficiam, quæram & promoueam. Da mihi, vt omnium hominum salutem, profectum & commodum atque confoiationem ex toto corde diligam, quæram, & promoueam ad gloriam tuam.

Mifericordiffime Iefu aufer à me omnem amaritudinem, liuorem, iram, malum rancorem, indignationem, fufpitiones, inuidiam, & quicquid fynceriffimæ charitati aduerfatur, vt de omnibus hominibus in fimplicitate cordis benè fentiam, neminem temere iudicem, vniuerfos piiffimè dulciffimòq; affectu cordis in te diligā, & quomodocunq; tibi placuerit miferationis, beneficentiæ, dulcedinis, benignitatis, atque dilectionis affectu verba & beneficia, cunctis, maximè autem illis, qui mihi iniurias aut moleftias intulerunt, toto corde impendam.

Piiffime Iefu, da mihi, vt diligam omnes inimicos meos perfectiffimè non verbo aut lingua tantum, fed opere & veritate. Dulcis Iefu, omnem acceptioem perforarum longè fac à me, vt in omni creatura purè te diligam, & tui imaginem in omni homine honorem, Amen.

*Pro diuina proximiq; charitate, precatio.*

**A**mantiffime Domine Iefu Chrifte infunde cordi meo perfectiffimam, perpetuam atq; ardentiffimam charitatem, quæ omnem à te alienum amorem, omnes viciofos affectus, omnes inordinatos animi morus, omnem liuorem, amaritudinem, iram, odium, & quicquid diuinæ charitati aduerfatur, in me occidat atq; radicitus euellat.

Dulcis Iefu, per immenfam charitatem, quam ad nos habes, obfecro te, reple me hac eadem diuiniffima virtute: & largire mihi vt nunquam inueniatur in me quidquam quod hanc à me exturbet. Abforbeat me ignita vis dilectionis tuæ, vt in te & propter te diligam proximum meum ficut meipfum, & ficut tu dilexifti nos. Te verò amem Deus meus, lumen oculorum meorum, confoiatio, refugium ac dulcedo animæ meæ, propter te meipfum in omnibus & fuper omnia, Amen.

*Pro diuino amore, precatio.*

**E**la rubens rofa fragrantiffimæ charitatis Domine Iefu Chrifte, obfecro te per virtutem illius amoris, qui tuam nobiliffimam animam à tuo corpore feparauit, da mihi amorem, qui me totum liquefaciat in memoria prætiofæ ac amoroſæ mortis tuæ. Da amorem dulcis Iefu, qui me tecum vniat in feparabili & feliciffima vnione. Eia Iefu meum defiderabile bonum, da vt tua faluberrima mors viuificet me ad vitam planè laudabilem, in tuæ amoroſæ mortis compensationem. Eia Iefu amantiffime, da mihi intentionem, quæ in omnibus te quærat & fuper omnia laudet, da mihi deuotionem indeficientem, quæ tuam femper & in omnibus defideret atq; perficiat laudabiliffimam voluntatem, Amen.

*Pro diuino amore, precatio.*

**T**ransfige dulciffime Iefu Chrifte medullas animæ meæ fuauiffimo ac faluberriſimo amoris tui volnere. Perfode & confige omnia vifcera animæ meæ, vera, fuperna, igneaq; charitate, vt langueat & liquefiat anima mea femper caſtiffimo amore, vehemētiffimòq; tuo defiderio. Cōcupifcat te Saluatorè fuum & deficiat in atrijs tuis Domine. Non delectet eam vltèrius huius fallicis mundi vanitas, non eam vlla proſperitas eleuet, nec aduerſitas conturbet. Tu Domine fis illi diuitiæ & gloria,

gloria, tu gaudium & consolatio, tu requies & voluptas, tu refugium & firmū præsidium. In te radicata non errabit, in te manente, fructum multum feret quia sine te nihil boni præstare potest, Amen.

*Pro incremento diuini amoris, precatio.*

**D**omine sancte Pater omnipotens æterne Deus, propter tuam largitatem, & filij tui, qui pro me sustinuit passionem & mortem, & per matris eius Virginis gloriose sanctitatem, atq; B. Brunonis & omnium sanctorum tuorum merita, concede mihi vilissimo peccatori & omni beneficio tuo indigno, vt te solum diligam, tui amore semper ferueam, tuum honorem semper sitiam, beneficiū passionis Filij tui continuè in corde meo habeam, meam miseriam recognoscam, & ab omnibus conculcari & contemni appetam. Nihil me afficiat nisi tu, nihil me contristet nisi culpa, Amen.

*Pro illuminatione mentis ac ebrietate amoris Dei, precatio.*

**O**riens splendor lucis æternæ, & sol Iustitiæ, veni & illumina me cognitione misericordiæ tuæ & miseriam meam. Fac in me vitium deperire, & omnis boni germen oriri. Per desiderium quod ab æterno habuisti ad nostram redemptionem, trahere omne desiderium meum in te per vinculum amoris, quod te traxit de sinu Patris in gremium matris. Da vt inebriet me ignita & mellisua vis amoris tui, quæ me faciat omnium terrenorum funditus obliuisci præ magnitudine amoris: aded, vt sicut flamma ardens totus ardeam tui desiderio, quod nulla creatura possit extinguere, Amen.

*Pro diuini honoris Zelo contemptuq; rerum pereuntium, precatio.*

**B**one Iesu, fac vt totis medullis & omnibus viribus amem te, summe timeam & reuear. Fac me pro omni honore tuo fortissime zelari, ita vt omne opprobrium tuum, tanquam gloriæ tuæ zelo: ypus, vehementissime exhorrescam, mei contemptum diligam, & mundum cum omnibus quæ transitoria sunt tui amore contemnam Amen.

*Pro anima mystica facietate, precatio.*

**A**mator ardentissime dulcis Iesu, da vt anima mea te solum esuriat panem Angelorum, refectioem animarum, panem nostrum supersubstantialem habentem omnem dulcedinem, saporem atque omne delectamentum suauitatis, te inquam, in quem desiderant angeli prospicere semper esuriat & comedat anima mea, & dulcedine saporis tui repleantur omnia interiora mea. Te sitiat semper fontem sapientiæ, fontem æterni luminis, fontem vitæ, torrentem voluptatis, vbertatem domus tuæ. Te semper ambiat, te quærat, te inueniat, ad te tendat, ad te perueniat, te meditetur, te loquatur & omnia operetur in laudem & gloriam nominis tui cum humilitate & discretione, cum dilectione & delectatione, cum facilitate & affectu, cum sancta perseverantia vsque in finem, Amen.

*Pro vnione anime cum Deo, precatio.*

**I**esu Christe corona æternæ iucunditatis, per gaudium quod in passione tua sanctissima anima tua habuit de humana redemptione, obsecro te, intrahere in te cor meum & animam meam, vt extra te nunquam in aliqua creatura valeam vel ad momentum delectari. Concede mihi o suauissime Domine Iesu vt omne desiderium

rium

rium & gaudium meum, omnis amor & delectatio mea nusquam tendat, nullibi sit, nusquam requiescat præterquam in te solo Domino Deo meo. O Domine, tu solus esto vnica spes & consolatio mea, præsidium & requies mea, vita & salus indeficiens ac sempiterna, Amen.

*Pro vnanimitate cunctorum fidelium, precatio.*

**I**esu redemptor omnium benignissime, exuberantissime fons omnium gratiarum, incluta proles summi Dei, benedicant te omnia quæ in cælo sunt sursum, & quæ in terra deorsum. Quæsumus illo igneo stillicidio charitatis & miserationis tuæ, purga, innoua, illumina, inflamma, exhilara, confirma & vni corda credentium tibi, vt vnum sint, vnum sapiant, vnum vnanimiter requirant & apprehendant, videant & benedicant te Deum Deorum, Amen.

*Pro integritate sanctimoniæ, cordis, & virtutum omnium perfectione, precatio.*

**B**enignissime Domine Iesu Christe, amabilissime sponse virginitatis, amator castitatis, qui verbo & exemplo mundum erudiens, cælestem in carne vitam, hoc est, castam atque virginæam docuisti, nec ab alia matre quam virgine concipi ac nasci voluisti, quique sanctissimas virgines Catharinam, Barbaram, Ursulam N.N. atque alias innumeras ad sui contemptum, ad cælestis thesauri, id est, virginitatis cultum, ad tui denique amorem ac desiderium ad eum roborasti, vt malent corpora sua varijs pœnis ac etiam morti tradere, quam aut amissâ virginitate semel pollui, aut immundis amoribus abs te alienari. Obsecro te per omnes miserationes tuas, per immensam tuam ad nos charitatem, per passionem & vulnera tua, per liuorem, dolores, & sangainæas guttas, libera & præserua me ab omni carnis peccato. Da mihi perfectam castitatem mentis & corporis, & (sine qua castitas præseruari non potest) temperantiam atque in cibo potuq; discretionem. Infunde mihi humilitatem, mansuetudinem, patientiam, mititatem, benignitatem, simplicitatem, puritatem, resignationem, charitatem & reliquas virtutes omnes, quibus electissima dignissimaq; mater tua, aliæq; virgines sponse tuæ tibi placuerunt.

Extingue in me omnem priuatum & mundi amorem, vt mundum, & quicquid in mundo est, ac me ipsum totum tibi offeram, dedicem atque in beneplacitum tuum ex toto corde resignem. Dulcis Iesu, absorbeat cor meum ignita & melliflua vis amoris tui, vt ex toto corde meo te queram, suam, intendam, diligam, & benedicam in omnibus & super omnia, vt tibi semper inhæream, in te quiescam & omne tempus vitæ meæ, omnesq; vires animæ & corporis mei, in gloriam, honorem & beneplacitum tuum, amando te iugiter expendam, Amen.

*Pro virtutibus & imitatione vite Christi, precatio.*

**I**esu mansuetissime, obsecro te per mitissimum cor tuum, infunde mihi ex eodem fonte salutari perfectissimam humilitatem, mititatem, patientiam, simplicitatem, castitatem, charitatem, cæterasq; virtutes omnes, vt tui amore cupiam, diligamq; nesciri, contemni, contumelias, & iniurias pati. Dulcis Iesu, fac me imitari vestigia sacrosanctæ vitæ & passionis tuæ in vera meipsum abnegatione & ardentissima charitate. Vulnera cor meum iugi recordatione passionis tuæ, vt aliud nesciam, quam te Dominum Deum meum pro me crucifixum. Hæc sit cogitatio

ratio à me nunquam recedens, cor meum amore sciens, & intima animæ penetrans, Amen.

*Aspiratio sequens crebrius per diem, pro diuina charitate obtinenda, est repetenda.*

**D**ulcis Iesu Deus meus, absorbeat me quæso ignita & melliflua vis amoris tui, quæ penetrat cor meum, purgetur & rapiat in se omnia interiora mea, ut sicut flamma ardens, aut ferrum candens, tui amore semper ardeam, totus à me ipso deficiam, te verò solum cogitem, te solum desiderem, te solum sciam, te sentiam, tibi soli inseparabiliter in hæream, Amen.

*Pro Dei amore, ad Deiparam Virginem Mariam, precatio.*

**O** puella speciosissima, moribus & vitæ sanctimonia quam maxime decorata, ó virtutibus vernantibus odorifera, ac cunctis gratijs donisq; cælestibus repleta, utinam tui me amore vulneres, & tui suavisima dilectio ita cordis mei penetrata faciat, ut omnia mundi præsentis gaudia in nauseam [mihi] vertantur. O virgo ex regia stirpe orta, atq; in Dei matrem ante mundi constitutionem electa, mei pauperis noli quæso despiciere preces: sed quem tantum tui desiderium capit, ut putet sibi bene esse sine te non posse, in tuam recipe gratiam, piusq; tuum illi ostende vultum, ex cuius consideratione omnes desolati & mœsti reficiuntur. O gloriosissima atque misericordissima domina mea, utinam in filium tuum me adoptes, & exuberantissimam misericordiam tuam super me effundas, ab omnibusq; malis præsentibus & futuris me protegas, suavissimo tuo cordi me cõstringas, & quicquid tibi in me displicet procul repellas, quo sic tuam voluntatem adimpleam, & quæ obedientis sunt filij, incessanter perficiam, Amen.

*Pro sanctificatione animæ & corporis ad beatissimam Virginem Mariam, precatio.*

**O** virgo gloriosissima & omni laude dignissima, mater Iesu Christi charissima, per omnia quæ beatissima Trinitas in te & sanctissimis anëbris tuis operata est magna, & per ineffabile illud gaudium quod in conceptu & partu filij Dei sensisti, dignare de singulis membris tuis, dulcedine redundantibus, tanta efficacia in me stillare gratiam tuam, ut perfundatur totum corpus & anima mea, sanctificenturq; omnia membra mea, ita ut de cætero nunquam moueantur ad praua opera, sed seruiant amori tuo cum lætitia, & per amorem viuificentur, regantur, roborentur, perficiantur usque ad exiccationem medullarum omnium ósium meorum, Amen.

*Pro cordis commutatione & perfectione ad B. Virginem Mariam, precatio.*

**D**ulcissima Domina mea, facias quæso mecum felicissimum cambium. Aufer à me cor meum pessimum, & fac cum illo sicut volueris, & da mihi pro illo cor tuum virgineum sanctum, perfectum, omni gratia & virtute plenum, & in æternum benedictum; aut saltem delectissima domina, da mihi cor aliud novum secundum cor tuum humile scilicet, mansuetum, pacificum, castum, mundum, quietum, & charitate Dei & proximi repletum, quod mundum & omnia, quæ in mundo sunt veraciter contemnat, in tribulatione humiliter gaudeat, sui contemptum diligat, Dei honorem sitiat, necessitatibusq; proximorum compati sciat, Amen.

*Pro amore Dei & proximi ad B. Virginem Mariam, precatio.*

Amabi-



**A** mabilissima virgo Maria, impetra mihi à filio tuo, vt occidat in me & auferat omnes carnales, mundanas, priuatas, & creaturarum affectiones, extinguat in me omnia illicita desideria, omnemq; amorem inordinatum, & impleat cor meum castissimo, suauissimo ac feruentissimo tui amore, ardentissima & perfectissima charitate Dei & proximi.

*Ad B. Virginem.*

Ah vulnera cor meum dulcissima Virgo Maria, vt tui amore totus inardescam & langueam, Deoq; charitate perpetua inseparabiliter inhaeream.

Ah vtinam omnium transeuntium rerum & etiam meipsum oblitus, nihil cogitem, nihil diligam nihil desiderem, nisi Deum & te dulcissimam Dominam meam sanctam Mariam, Amen.

*Pro diuini amoris repletionem ad B. Virginem Mariam, precatio.*

**O** Regina caelorum dignissima Dei mater virgo Maria, pauperulus ego homuncio obsecro te per singularem illam prerogatiuam prae cunctis mortalibus tibi praestitam, vt, scilicet, voceris & reuera etiam sis Dei mater, Angelorum domina, caeli regina, hominumq; mediatrix, vt ex toto corde meo omnem tam carnis, quam mundi amorem atq; vanitates extirpes & euellas, repleasq; illud diuinissimi amoris tui, quo tu semper plena fuisti, balsamo, ita vt nil terrenum libeat, nilq; carnale mentem meam à caelestium contemplatione, praepediat, Amen.

*Pro diuina gratia illustratione, & virtutum quotidiano incremento, precatio.*

**O** Iesu candor lucis aeternae ac omnis boni origo atq; principium, obsecro te per tuam largisimam pietatem, misericordiam, & liberalitatem, illustra cor meum splendore gratiae tuae, & accende illud igne immensae charitatis tuae, & fac ex eo tibi purissimum perpetuumq; habitaculum, in quo iugiter moreris, meq; secundum tuum beneplacitum regas ac gubernes. Et quia verè pauper & inops sum, omnibusq; bonis & donis tuis indigeo, dignare quaeso sanctissimis tuis virtutibus animam meam excolere & exornare, vt quotidie in omni virtute & vitae sanctimonia proficiam, antiqui hominis sordes exuam, & te Dominum meum, quies via per quam ad aeternam vitam peruenitur, perfectè induam, perfectissimamq; tuam humanitatis conuersationem in corde ac interiori animae meae fundo scribam, quatenus ex integro me relinquam, atq; omnibus creaturis ex vero amore te anteponam & praeferam.

Ah pie Iesu vel iam tandem sufficiat mihi aberrasse à te, & in vitiorum meorum sordibus haesisse, exulasse etiam tam diu à te in huius peregrinationis & exilij tenebris.

Recipe obsecro vltro reuertentem ad te, vt corpore & voluntate de vitijs ad virtutes transiens, ad te, qui verè es terra sancta nobis promissa, & beatorum omnium in caelesti patria commorantium satietas & beatifica visio, peruenire merear, Amē.

*Pro sui humiliatione, precatio.*

**O** Iesu summa mea benignitas, per omnes tuas ignominias ac molestias, quas in tua passione pro mea salute sustinere dignatus es, te suppliciter oro, vt omnem à me animi tumorem prostriges, concupiscentias & affectiones omnes rerum temporalium funditus occidas, mihiq; feruentissimum me abiiciendi, contemnendi, humiliandiq; desiderium tribuas, atq; sub omnibus creaturis cor meum superbum ac inflatum deprimas, Amē.

*Pro*

*Pro humili subiectione, precatio.*

**O** Infinita ac interminabilis bonitas Christe Iesu pijsime, inspira & confirma in me spiritum bonum, qui me semper ad feruentiorem profectum inflamma: spiritum, inquam, veræ & perfectæ humilitatis, qui me dirigat, doceat, & informet, quomodo ex toto cordis affectu, sine aliqua cordis remurmuratione sub omnium pedibus, maximè seniorum & prælatorum meorum me subijcere, humiliare atq; inclinare, omnemq; proprium sensum relinquere, & eorum ductum atq; iudicium sequi possim, quo tanto expeditius te Deum meum, qui vsq; ad mortem animam tuam humiliasti, per regiam humiliationis viam gratia tua adiuuante sequar, Amen.

*Pro stultitia quadam laudabili, precatio.*

**O** Iesu clementissime, ex intimis præcordijs te oro, vt me ad omnia quæ huius mundi sunt stultum facias, quatenus præter te nil sciam aut velim: vtq; in oculis meis totus sim vilis ac abiectus, nec ab vlllo vnquam appetam honorari, sed magis despici atq; vt fatuus vilipendi, Amen.

*Pro propria vilitatis agnitione, precatio.*

**O** Iesu superdulcissime, vnam tuam profundissimam humilitatem cordi meo tam profundè inscribas, vt nulli superbiæ motus in me locum inueniant, neq; me vlli vnquam creaturæ propter nimiam meam indignitatem & vilitatem comparare audeam, sed quasi omnium vilissimum atq; nouissimum ex animo omnibus substernam, omniumq; quos mundus continet hominum imperfectissimum ac infimum iudicem, Amen.

*Pro sui vilipensione, precatio.*

**O** Iesu desiderantissime, supplico quam deuotissime possum ardentissime tuæ erga me charitati, vt ad profundissimæ humilitatis virtutem cor meum præparare digneris, tantoq; tui suauissimi amoris igne me succendas, vt omnia mundi blandimenta, omniaq; transitoria & meipsum totum propter te contemnam, nec vlla mundi aduersa, vel conuiciantium mihi probra pertimescam, sed totis viribus te per viam, despectionis & crucis opprobrium gaudens imitari desiderem, neq; (quod seculi huius amatoribus proprium est) doleam si alij mihi præferantur; imò vehementer contrister, si aliquis mihi honor à quoquam deferatur, Amen.

*Pro humilitate, precatio.*

**I**esu Christe, amator & magister humilitatis, qui abiecta huius mundi eligis, vt fortia quæq; confundas: quiq; secreta tua abscondis mundi sapientibus, & renelas ea paruulis, apud quem etiam abominabile est, quod altum est hominibus: infunde cordi meo perfectissimam tibiq; acceptissimam humilitatem. Dulcis Iesu, qui dixisti: *Discite à me, quia mitis sum & humilis corde*: doce me vt feruentissimo desiderio optem, gaudensq; accipiam omnem humiliationem, vilificationem, atq; contemptum meipsum. Extingue pijsime Iesu in me appetitum omnem inanis gloriæ, vt ex toto corde meo cupiam gaudeamq; nesciri, cõtemni, vilis reputari, & opprobria pati. Eia pie Iesu, fac vt tibi soli placere cupiam & propter te nemini displicere timeam. Fac vt propriè vilitatem, miseriam, inconstantiam, prauitatem, & quam nihil sim verè cognoscam, & ex animo detestabilem me sentiam, atq; ab alijs sentiri cupiam.

Matth. 23

Matth. 23

cupiam. Iterum te obsecro per humilitatem cordis tui misericordissime Iesu, da mihi humilitatem spiritus, ut in me seruo tuo nihil vnquam de peste superbiæ aut vanæ gloriæ inueniatur. Dulcis Iesu libera & custodi me semper ab hoc malo, quocunque modo illud me possit inquinare: quandoquidem tot bonæ spei homines, & qui perfecti in gratia tua videbantur, ex hac peste perierunt, Amen.

*Pro humilitate, Precatio alia.*

**H**umillime Iesu, qui in hoc mundo vilia, acerba, probrosa & ignominiosa pro me passus es, da mihi profundissimam humilitatem, da mihi abyssalem cognitionem meæ vilitatis, qua contempler simul altitudinem & bonitatem diuinæ tuæ Maiestatis. Attendam quanta beneficia mihi contulisti, quantam paupertatem, poenam & ignominiam sustinisti pro me, hoc est, pro tam vili vermiculo terræ & sordido puluere, tanta Maiestas, tanta Sapientia, tanta bonitas. Et quanta è diuerso facinora, quantam ingratitude quatum contemptum ego rependi? Hæc quæso dulcissime Iesu sint omni momento in oculis, in corde, & in continua cogitatione mea, videlicet, tua bonitas atque maiestas, & mea prauitas ac vilitas ut insatiabili desiderio semper ardeam, & pro tui honore, & pro mei contemptu nihil me æstimans, nihil aliter de me sentiens, quam de vilissimo peccatore, & huius mundi omnium infimo atque nouissimo, & idcirco vilissima quæque ac nouissima eligam, omnibus creaturis indignum me sentiam, & de contemptu mei, atque iniurijs & molestijs ex toto corde gaudeam.

Eia pijsissime Iesu exaudi me, & infunde mihi humilitatem quantam tu in me velles maximè tibi acceptam. Rogo te pie & exorabilis Deus per omnipotentem & pijsissimam bonitatem tuam, qua iustificas impios, & viuificas mortuos; qui multas peccatores & non sunt, ut non permittas dirissimam pestem superbiæ dominari, nec aliquatenus inesse seruo tuo.

Dulcis Iesu, obsecro te per humilitatem cordis tui nunquam veniat in animam meam, nunquam in aliquod membrum corporis, aut sensum animæ meæ, quod superbiam, arrogantiam, propriam complacentiam, aut inanem gloriam villo modo redoleat, Amen.

*Pro patientia, Precatio.*

**O** Agne mansuetissime Domine mi Iesu Christe, obsecro te per ineffabilem mansuetudinem, & per mitissimam patientiam tuam, quam inter omnes iniurias, persecutiones, irrisiones & poenas in teipso vsque ad extremum vitæ punctum perfectissime exhibuisti, illustra cor meum gratia tua, & omnem amaritudinem, duritiam, iracundiam, impatientiamque in me mortifica, ut ad honorem acerbissimæ mortis tuæ, tuique amore æquanimiter, tranquille, ac desideranter suscipiam, libenter & hilariter sustineam omnem iniuriam, derisionem, confusionem, detractiōem, persecutionem, poenam, & quicquid triste, aut aduersum super me venerit. Omnia, dulcis Iesu, fac ut de manu providentiæ tuæ, cum laude & gratiarum actione suscipiam, & mansuetissimo, mitissimo, patientissimoque corde; imperturbabilem mentis tranquillitatem inter omnia tristia possideam, & aded nihil eorum quæ patior ad cor recipiam, ac si non mea, sed prorsus aliena aduersitas esset. Rogo ergo te dulcissime Iesu, ut nullo odio, nulla amaritudine, nullo rancore gratia tua cor meum sinat inquinari, sed dulcedinem, mansuetudinem, benignitatem, serenitatem atque perfectissimam charitatem ad omnes,

etiam

etiam inimicos & aduersantes mihi infundat atque confirmet. Infundé quæso mihi mitissimè Iesu ardentissimam charitatem, affectumq; patiendi quæcumque molesta & contraria pro te, quia tu tam molesta, tamq; indigna passus es pro me. Da mihi tantam charitatem & patientiam, vt nullis passionibus aut molestijs ad eò possim vnquam fatigari, quin maiora & grauiora semper desiderem pati, Amen.

*Pro abnegatione & patientia in aduersis, Precatio.*

**D**ulcissime Domine Iesu Christe, da mihi misero peccatori crucem veræ penitentia feruenter amplecti, tuæ passionis vestigia imitari, atque per viam perfectissimæ abnegationis te sequi: ea quæ in mundo sunt blanda aut delectabilia execrari, & pro tui amore quæcumque dura & aduersa desiderijs sitibundis amplecti, Amen.

*Pro mititate, Precatio.*

**O**Iesu mitissimè, qui stupendum & admirandum mititatis & patientiæ nobis exemplum in tua passione reliquisti, ita vt ne vnum verbulum amarum omnibus inimicis & tortoribus tuis responderis, aut impatienciæ aliquid signum demonstraueris, da mihi misero veram cordis mititatem & mansuetudinem, ne vnquam in aduersis casibus frangar, aut repentina ira vel vlciscendi passione permotus inimicis meis mala pro malis rependam. Transseat quælo Domine virtus amarissimæ passionis tuæ omnia interiora mea, atq; ad omnem iniuriam, molestiam, contumeliam perferendam promptum me reddat. Da præterea mihi gratiam tuam ne humana pertimescam iudicia, neque proximorum meorum increpationes indigno aut amaro recipiam animo, sed semper & ex animo optem, ab omnibus argui & reprehendi, quatenus hac occasione omnes superbiz & impatienciæ motus in me conterantur, meiq; despectio & contemptus indies magis ac magis excreseat, Amen.

*Pro fortitudine animi in aduersorum persequente, Precatio.*

**O**Iesu amabilissime, admoneo te illius ardentissimæ & admirandæ charitatis, qua toties tuorum discipulorum corda es consolatus, & ad futuras tentationes, vexationes, & hominum malignorum persequutiones benigne tollerandas præmonuisti, dicens: *Nolite timere eos qui corpus occidunt, animam autem occidere non possunt. Item: Non turbetur cor vestrum neque formidet. Item: Si me persequuntur, & vos persequantur, dignare & me in omni aduersitate & malorum persequente confortare & animare, ne succumbam, aut hostium importunitate aut nimia malignitate à te Deo meo exturber, neq; hac ratione tuam gratiam hastenus misericorditer mihi indultam amittam, meq; ipsum miseris extremis inuoluam. Ah Iesu superducissime, qui ipse in te expertus es, quàm durum quàmq; molestum & difficile sit sensualitati, aduersari, & hominum improborum improbos sufferre mores, noli me obsecro in hac despiciere hora, cum vndique ingruant tentationes, foris pugna, intus timores & daemonum callidissimæ suggestiones, carnis quoque indomitæ illecebræ, & id genus alia: sed pro solita tua pietate oculos tuos ad me conuerte, atque auxilium gratiæ tuæ mihi impende.*

Ah Iesu clementissime, en tibi soli, ab omnibus derelictus, omniumq; charorum auxilio destitutus, conqueror, quod non valeam vltra, nisi cito succurras, hostibus meis resistere, neque eorum diutius sustinere impetum. Adiuua igitur me

VIR-

Matth. 10.  
v. 28.  
Ioan. 14. v. 1.  
& 27.  
Ioan. 15. v. 20

virtus mea, fortitudo mea & liberator meus in oportunitatibus, in tribulatione, ne separer à te. Suscipe, tene, & posside me refugium meum & misericordia mea. Omnia aspera tui amore fiant mihi dulcia. Detester omnia mundi oblectamenta, delectationesq; externas, quæ non sunt in te: & fastidiam quicquid tu non es, aut in te me non ducit. *Intende in adiutorium meum. Adiutor meus esto, ne derelinquas me. Deus ne elongeris à me, Deus in auxilium meum respice. Amen.*

Psal. 49.  
Psal. 26.  
Psal. 21.

*Pro paupertate spiritus, & amoris rerum temporalium mortificatione,  
Precatio.*

**D**ulcissime Iesu Christe, obsecro te per paupertatem & nuditatem tuam, quam dum diues esses propter me egenus factus es, extra patriam natus, in exilium fugatus, sub paupere virgine tenuiter educatus, veste & cibo humili ac modico usus. sine hospicio sæpius in monte pernoctatus, de eleemosynis piorum hominum sustentatus, in passione tandem ab amicis desertus, à discipulis derelictus, nudus crucifixus: atque aded pauper, ut non haberes quo caput tuum spinis vulneratum reclinares, nec quo æstuantissimam sitim tuam refocillares. Sed & decore, robore, incolumitate, forma, specie hominis, & ad extremum vita propter nos priuatus, in alieno sepulchro es positus.

Eia pijsime Iesu, aufer à me mundi & creaturarum omnium inordinatum amorem, ut nihil extra te concupiscam, nulli creaturæ inhæream, nusquam nisi in te requiescam. Da ut nihil mihi adscribam, nihil tribuam, nec in aliquo donorum tuorum, sed in te bonorum omnium largitore gaudeam, & tuam benignissimam misericordissimamq; largitatem erga me admirans & laudans, nil in omnibus donis tuis nisi te cupiam, quæram & intendam.

Christe Iesu amator paupertatis, qui vitam tuam in hoc mundo ab infantia usque ad mortem crucis paupertate consecrasti, illumina cor meum ad cognoscendam & contemnendam omnium rerum temporalium vilitatem, instabilitatem, & deceptionem.

O Iesu mi amabilissime, & ex millibus electe, qui nudus propter me, deformis ac sanguine cruentatus pependisti in cruce, sis tu mihi preciosissimus vnicusq; thesaurus. Esto animæ meæ, cordisq; mei facietas contra omnium aliarum rerum quæ extra aut sine te sunt, appetitum.

O desiderabilissime Iesu, pro vniuerso mundo quem tibi offero, & tui amore relinquo, tibiq; resigno, da mihi fœlicissima commutatione te ipsum pauperem, nudum & pro me crucifixum. Eia Iesu amabilissime & desiderantissime, præ omnibus te desidero.

O paupertas desideratissima, in Christo Iesu amatore sponsosq; meo sublimiter consecrata. Vinam te præ omnibus rebus & delicijs mundi amicam & sponsam accipere merear, Amen.

Eia Deus meus, da mihi omnium rerum temporalium præ tui amoris magnitudine obliuisci, & omnem gloriam, omnemq; consolationem mundanam aspernari.

Domine Iesu Christe, da mihi tui amore in omnibus necessarijs corporis inopiam, tenuitatem, vilitatem, penuriam, priuationem & indigentiam ex toto corde meo semper optare, quærere, diligere & amplecti, & in vera discretionem, patientiam, perseverantiam, & gratiarum actionem hilariter longanimiterq; perpeti. O Deus meus, tol-

latur mihi omnia, tu saltem remaneas mihi obsecro, tu me possideas vita mea, re-  
fectio mea, exultatio mea, quies mea & beatitudo mea, Amen.

*Pro paupertate & charitate Precatio.*

**O** Iesu fili dulcissime virginis Mariae, obsecro te per omnem inopiam ac pau-  
peratatem tuam quam pro me in hoc miserabili exilio pati es dignatus, ut ab  
omnibus rebus creatis mentem meam elonges, spiritumque meum in te ra-  
pias & stabilias, ut nihil in hoc mundo aliud quæram, quam quod ad simplicem  
nudamque corporis & animæ sustentationem mihi necessarium fuerit: nec quic-  
quam appetam vel concupiscam, nisi te Deum meum super omnia & in omnibus  
diligere, ardentissimamque charitate inseparabiliter sine fine possidere, Amen.

*Pro paupertate alia Precatio.*

**O** Iesu pauperrime, rogo te per exuberantissimam tuam pietatem, fac me  
semper & ubique tuæ amaræ potionis atque extremæ paupertatis in Crucis  
recordari, quatenus discam paucissimis & vilissimis esse contentus, neque  
delicata aut exquisita quæram cibaria, quæ magis appetitum prouocent, quam fa-  
mem extinguant. Sustineam præterea tuo exemplo libenter paupertatem, om-  
niumque rerum etiam necessariorum penuriam, ac omnia carnis oblectamenta ex  
integro & perfecto corde fugiam atque detester, Amen.

*Pro perfecta obedientia Precatio.*

**O** Perlucidum Obedientiæ speculum, omniumque virtutum forma absolutif-  
sima Christe Iesu amabilissima, cum alia via ad cælestes tuas mansiones  
non perueniatur, nisi per simplicem ac perfectam mandatorum tuorum o-  
bedientiam: quippe cum omnes per protoplasti rebellionem ac transgressionem  
filij irasimus effecti, da mihi obsecro intellectum, ut legem tuam diu noctumque cum  
regio illo psalte David scruter, ac in toto corde meo illam custodiam. Deduc me  
ergo in semita mandatorum tuorum, quia ipsam volo, ipsam desidero, ad ipsam  
toto affectu aspiro & anheo. Nam qui operantur iniquitatem, & prauis suis desi-  
derijs carnalibusque concupiscentijs obediunt, longè redeunt à te, neque in vijs tuis  
ambulant. Non intret in Concilium eorum anima mea Domine Deus meus qui  
dicunt: *Recede à nobis, scientiam viarum tuarum nolumus, quia contrarius es studijs no-*  
*stris, & via tua inique sunt.*

Ah pie Deus, afflictorum solamen & errantium reductor, ne in finem vsque er-  
rare me sinas à te: sed iugo sanctæ obedientiæ subijce humeros meos & ceruicem  
meam durissimam. Sit tibi anima mea filia Sion, cui in pace aduenias, quamque cum  
omni benedictione eximix charitatis tuæ ingrediaris, inhabites & possideas: in  
qua omnes actus meos diiudices, passiones refrenes, viresque animæ meæ pristinae  
integritati restituas, quæque agenda & vitanda sunt edoceas. Fac me etiam verè sub-  
ditum Vicarijs tuis in omnibus, quæ ad tuam spectant gloriam, & ad animæ meæ  
salutem. Illumina quoque oculos meos internos, ne à sancta fide Catholica vn-  
quam desciscam: aut S. Ecclesiæ instituta, Patrumque antiquorum sanctiones des-  
piciam, aut peruerforum corruptorumque hominum persuasionebus me seduci vn-  
quam permittam, Amen.

*Pro*

*Pro sensuum viriumq; animæ reformatione Precatio.*

**I**esu Chrifte patientissime, deprecor te per tollerantiam omnium intollerabilium tuorum cruciatuum, quos Cruci confixus in tuis sacratissimis pertulisti sensibus, vt sensus meos omnes custodire & reformare digneris, eosq; in temetipsum intrahere, atque in vulneribus tuis mellifluis includere, quatenus nihil videam, nihil cogitem, nihil intelligam, nisi te. O Iesu pijsissime, auerte oculos meos ne videant huius mundi vanitates, ne concupiscentijs aut alijs prauis desiderijs irretiat anima mea. Sepi etiam aures meas spinis timoris tui, vt verba scurrilia, vana, detractoria, audire horream ac detester. Oderatum meum reprime, vt viriliter carni oblectatione inordinatam ingerentia, à me rejiciam. Gustum meum felleo potu quo in passione tua potatus fuisti, ciba, quo extra te nil petam gustare, neque quicquam in cibo vel potu quæram quàm simplicem necessitatem. Tactum meum custodi, ne quid in me vel in alio tangam, quod carnis possit prouocare voluptates. Postremò te rogo, vt singularem gratiam mihi infundas, vt omnia membra corporis mei, omnesq; vires animæ meæ in tuo diuino seruitio cum intensissima charitate, profundissima humilitate, perfectissimamq; obedientia expendam, omniaq; bona mea opera cum gratiarum actione in te refundam à quo effluxerunt nec quicquam illorum mihi vnquam attribuam, Amen.

*Pro mandatorum Dei impletione, Precatio.*

**O** Iesu Doctor ac Magister fidelissime omnium in te credentium, qui amantissimis tuis discipulis præcepta & consilia saluberrima piè & religiosè viuendi tradidisti, viamq; per quàm ingrederentur clarè demonstrasti, atque eorundem mandatorum tuorum transgressoribus æterna es minatus supplicia, patriq; cœlestis exhereditationem, supplex te rogo discipulorum tuorum infimus, vt & mihi misericorditer viam, per quàm ab æterno me ambulare decreuisti, manifestare digneris, & gratiam specialem mihi infundas, qua tuæ diuinæ, & mihi sapenmerò incognitæ voluntati inhæream fixusq; maneans, atque præcepta tua ex corde & animi strenuitate perficiam, semper in hoc intendendo, ne quid minus quàm tu à me desideras, agam. Deuitem quoque omni conatu, quo possum, ne quàm in præceptis tuis ac diuinis consilijs transgressionem admittam, vt aut te ad iracundiam prouocem, aut mandata tua transgrediens præuaricantium poenâ incurram. Adfit, mihi diuina tua virtus, quæ me in omnibus vijs tuis confortet atq; corroboret, ipsissimamq; mihi veritatem intus infundendo animæ meæ plenè atque integrè edoceat, vsq; ad tui sanctissimi nominis honorem, cum tuis electissimis, discipulis fructus bonorum operum locupletissimos, tanquam bonorum omnium auctori, humili corde pioq; affectu offerre valeam. Hoc verò cum tu summè desideres, & à me ipso solo præstare non possim, ad te dulcis Magister, rudis & ignarus discipulus humiliter accedo, sanctissimæ humanitatis tuæ vestigijs me quàm humilimè prosterno, obnixè cum beatissima tua amatrice Maria Magdalena, quæ inde gratiam & indulgentiam hausit, orans, vt meorum operum imperfectionem tuis sanctissimis operibus perficiens eaq; tibi ipsi perfectissimo modo offeras, omniaq; ignorantia & cæcitatibus velamina penitus ab oculis meis interioribus auferas & abstrahas, vt te viam veritatis, & beatæ vitæ ianuam tanto lucidius cognoscam & mandata, consilia, & monita tua, item internas inspirationes ac alloquutiones obseruem, ad laudem & gloriam tuam, & ad salutem animæ meæ, Amen.

*Pro diuina voluntatis consummatione, Precatio.*Ioan. 19.  
v 10.

**B**enignissime Domine Iesu Christe, Saluator & redemptor humani generis, ac diligentissimus operis illius consummator, quod a Patre tuo cœlesti tibi fuit impositum, scilicet nostræ redemptionis opus, quod multis cum laboribus incepisti, & cum maximis doloribus perfecisti, ac tandem totius passionis tuæ consummationem Patri tuo in summa obrulisti, dicens: *Consummatum est.* Benedictum sit Domine ex hoc nomen tuum sanctum, quia ad hoc consummasti, vt nos simus in bono consummati, & inimici nostri consumpti. Rogo ergo te humiliter da mihi mandata tua perficere, in eis vsque in finem perseuerare, quotidie in tuis sacratissimis virtutibus proficere, omniaq; bene acta & agenda ad tuam laudem ordinare & consummare: consummata verò tibi, & per te Deo Patri offerre, vt in hora mortis me merear dicere: *En Domine Deus meus, opus quod præcepisti mihi vt facerem, perfectum est.* Nunc venio ad te lætus Saluatorem & redemptorem meum, vt videam te facie ad faciem, omnis consummationis scopum & finem, Amen.

*Pro intentione simplici, quolibet in opere, Precatio.*

**A**mantissime Domine Iesu Christe obsecro te per amorem illum perfectissimum, quo salutem nostram zelando, vbique tam fideliter, quam feruenter quæris: da mihi rectam, puram, simplicem ac deiformem in singulis intentionem, vt in quibuscumque agendis aut dimittendis, elegendis atque cauendis, & viuens & moriens non aliud quæram, non aliud intendam, quam purè gloriam & beneplacitum tuum. Da igitur mihi fidelissimè amator, vt ex toto corde meo desiderem, diligam & quæram nihil in tempore & æternitate, (extincto per gratiam tuam in me penitus omni priuato amore) quam tuum honorem & gloriam, Amen.

*Pro diuini beneplaciti impletione, ad beatam Virginem Mariam, Precatio.*

**E**xcellentissimæ dignitatis mater Dei Virgo Maria, obsecro te per singularem illam præminentiam, qua cunctis cœlestibus spiritibus præstas; vtpote gloriosissimè super omnes Angelorum choros exaltata, cœlestium ciuium regina constituta, summæ adorandæq; Trinitati proxima, potentissima simul ac misericordissima, impetra mihi velle & perficere omne beneplacitum dilectissimi filij tui, illucq; ordinare omnes cogitatus, conatus & affectus cordis mei, vt voluntati eius iugiter obediam, & ita placeam, vt post hanc vitam tecum æternam feliciter percipere merear, Amen.

*Pro fidelitate & gratitudine ad diuam Virginem Mariam, Precatio.*

**O**abyssus omnium gratiarum & speculū omnium virtutum misericordissima atque dulcissima Domina mea sancta Maria, impetra mihi à Deo, cuius es mater & filia, vt propter suam pietatē & tuam benignitatē auferat à me odibilem ingritudinem, omnemq; cordis duritiā: vt beneficia eius, scilicet, creationis, redemptionis, misericordissimæ vocationis, protectionis, & cætera, cum summa animi gratitudine recolere valeam, ipsumq; indefinenter laudem & honorem, ipsi cum castissimo cordis iubilo gratis agam, ipsum continenter cum profundissima humilitate, filiali amore, summaq; reuerentia magnificem & adorem, ipsiusq; mandatis perfectè obtemperem. Rogo te præterea o mater suauissima, quæ reuera

meritis



meritis es potentissima, pietate affluentissima, miserationibusq; exuberantissima, fac ut tuarum pariter in me misericordiarum & beneficiorum sine cessatione memor sim, tibiq; vel aliquam fidelitatis & amoris vicissitudinem pro omnibus quæ hætenus mihi tribuisti rependere non cessem: quatenus à tua & filij tui Domini mei Iesu Christi gratia non excidam, Amen.

*Pro Dei voluntatis agnitione, & vera animi resignatione, Precatio.*

**O** Iesu clementissime, qui omnibus voluntatem Patris tui cœlestis perficientibus diuitias gloriæ tuæ acque regni tui immensos thesauros communicas, quicq; Solem tuum super malos & bonos oriri facis, neque vlla apud te est personarum acceptio, sed in omnibus tibi complacet, qui te tuaq; imitantur vestigia, scilicet ex toto corde ad te conuertunt, idè ex intimo fundo animæ meæ tuæ immensæ ac summæ supplico Maiestati, vt doceas me agnoscere in omnibus tam agendis, quàm omittendis & tolerandis, voluntatem Patris tui cœlestis, ne tenebris ignorantia inuolutus, cõtra te tuaq; præcepta quicquam illiciti agam. Obsecro quoque te per tuam incomprehensibilem bonitatem, vt veram atque integram mihi dones animi resignationem, quandoquidem nunquam sine hac vera potest vel consistere vel custodiri Virtus. Oculos meos intellectuales lumine tuo diuino illumina, vt omnia quæ mihi accidunt siue à mundo, siue à diabolo, siue à propria carnis corruptione de sola manu tua cùm summa gratiarum actione accipiam, credens pro certo ea mihi à te transmissa aut ad exercitium, aut ad æternæ felicitatis augmentum. Quid enim mi Domine, fors vitæ ac omnis boni scaturigo hoc non crederem, cùm certum est in nullo errare te posse? Tu nosti dulcis Iesu quid magis mihi expediat, dulcedo an amaritudo: Idè omnes causas meas tibi quàm fidelissimè commendo, hoc tantum rogans; vt diuina gratia tua me custodiat, ne impatientia aut alijs improbis moribus passionum te offendam. Infunde etiam mihi ad gratiæ tuæ custodiam æterni cruciatu timorem, huius miserissimi exilij fastidium, atque cœlestis patriæ perfectum desiderium, Amen.

*Pro plena sui ipsius abnegatione, & animi resignatione, Precatio.*

**B**enignissime Domine Iesu Christe, in vnione illius resignationis, qua te ipsum Patri in omne eius beneplacitum obtulisti, & hominibus etiam omnibus te subiecisti, offero & resigno me in omne beneplacitum tuum ad omnia tam tristia, quàm læta Fac tu me & mecum, quomodo tibi maximè placet. Hoc vnum mihi fidelissimè Iesu mi tribue, vt gratia, dignatio, ac amicitia tua (quibus licet indignissimis sim) exuberantissima, sempiterna, atque indeficiens in me sit & semper perseueret, qua roborante & impellente, mihi ipsi & vniuerso mundo moriar, tibi verò soli viuam.

Dulcis Iesu, fac vt omni amori priuato, omni amori & affectui ad quascumq; creaturas inordinato, cunctis vitijs & passionibus, omnibus delectationibus sensuum, omni superfluitati, omni proprietati, omni curiositati, & desiderijs quibuscunque non puris, perfectè abrenunciem & moriar.

Dulcis Iesu, per mortem tuam amarissimam te obsecro, da mihi omnibus desiderijs & inclinationibus naturæ vitiosis, & quicquid in me est quo te non purè quæro, aut intendo perfectè mori, vt tu solus plene atque perfectè me possideas, nec aliud velle vel posse ego habeam extra te, sed anima nra in omnibus viribus & potentijs suis tibi sit maneatq; vnita, vt in me tu solus viuas & opereris, sicut

f 4 in pro-

in proprio instrumento. Misericordissime Iesu, hoc est quod ex abyſſo cordis mei deſidero, ac rogo, vt omnes vires & potentias animæ meæ, quicquid ſum & poſſum, tu ſolus habeas, & per amoris incendium conſumas, abſorbeas, & in te transformes.

*Pro perfecta ſui abnegatione obtinenda, poſſet qui quaſi ad numerum omnium membrorum & virium ſuarum, dicere ter centies & ſexagies quinquies verbum, quo Chriſtus in hortu Patri ſuo ſe reſignauit, videlicet. Non mea, ſed tua voluntas fiat mi amantiſſime Ieſu, Amen.*

*Reſignatio animi ad Dei matrem, virginem Mariam.*

**O** Glorioſiſſima cœlorum regina, digniſſima Angelorum domina, peccatorum firmum refugium, mœſtorum ſolacium, veniæ ſpes, & miſericordiarum mater, totum me tibi ad tuos melliſſuos pedes reſigno & offero, vt doceas me vna cum benediſſimo filio tuo omnia vota & debita meæ, & quæcunquæ ſpectant ad vocationem meam diligentiffimè atque fideliffimè perſoluere, totumq; tempus vitæ meæ in vita & paſſione ſuperbenediſſimi filij tui ad gloriam & honorem tuum expendere, Amen.

*Reſignatio alia breuis ad eandem.*

**D** Vlciffima Domina mea ſancta Maria, tibi commendo & plenè reſigno corpus & animam meam, vt cuſtodias & dirigas ea, ſicut cuſtodisti & direxisti corpus tuum virgineum & animam ſanctiſſimam ad omnem virtutem, in laudem & beneplacitum omnipotentis Dei, præſeruans & cohibens me ab omni peccato, Amen.

*Reſignatio ſui humiliſſima, ad Dei matrem virginem Mariam.*

**O** Mater piendiſſima ô virgo clementiſſima & omnium deſolatorum afflictorumq; conſolatrix ſingulariſſima miſericordiæ regina atque vnica poſt ſilium tuum animæ meæ ſpes. Ad te ô miſericordiſſima deſolatus, afflictuſ, & malorum meorum pondere preſſus, tanquam ad ſecuriſſimum portum conſugio, ad benediſſima virginalia pedum tuorum veſtigia me proſterno, corpus & animam, velle & poſſe meum omneſq; vitæ meæ miſerrimè difficultates ac neceſſitates tibi reſigno, offero atq; commendo, & me totum cum humili ſubiectiõne maternæ cuſtodix tuæ dedo, ſubdo, ac ſine vlla retractione trado. eligens te præ omnibus ô benigniſſima, ego pauperculus & viliffimus peccator meam: rogās proinde corde humili & animo contrito, toto corpore pedibus tuis ſanctiſſimis prouolutus, per viſcera miſericordiæ tuæ, per manſuetudinem virginei cordis tui, ſub quo nouem menſibus requieuit Ieſus Chriſtus Dei filius, noli me à te repellere, noli à ſuauiſſimo tuo me alienare conſortio, noli, inquam, à pedum tuorum ſacris veſtigijs me amouere, ſed propter eum qui ante te nudus & expaſſus pro me pependit manibus, totus diſſectus & dilaceratus in cruce me ſuſcipito, & cum dilectis tuis filijs & diſcipulis dirigit ac cuſtodito, Amen.

*Pro Crucifixi Chriſti conformatione & perſeuerantia, Precatio.*

**O** Ieſu Chriſte rex ſummè amabilis, corona conſitentium, fortitudo pugnantium, atque ciuium cœleſtium perfecta beatitudo, memento oro mei, & verbi tui quod loquutus es, per quod mihi ſpem dedisti, illius dico iucundiſſimæ promiſſionis, quæ dixiſti: *Cum exaltatus fuero à terra omnia traham ad meipſum.*  
O amabi-

*Ieſu. 12. v. 52*

O amabilissime Domine, si cœlum & terra transibunt, verba autem tua in æternum permanent, firmentur nunc verba tua super seruo tuo. Ecce sto in conspectu tuo, qui omnium tibi sum causa pœnarum, vilis peccator, cinis & exiguus puluis, attamen creatura tua & plasma tuum. En non solum exaltatus, sed ab omnibus etiam derelictus fuisti insuper ita distentus, dilaceratus, & excruciat, ut vix potueris respirare. Trahe ergo me nunc ad te, quatenus de reliquo non mihi, sed soli tibi viuam. Occide veterem in me hominem cum vitijs & concupiscentijs suis, & quicquid in me lateret quod gratiæ tuæ obstaculum parare possit, & indue me nouum hominem, qui secundum Deum creatus est in iustitia & sanctitate veritatis, ut sicut tu omnia sanctissima tua membra pro me in Cruce extendere non es indignatus, ita post hac ad tui dulcissimi nominis honorem omnia mea dilatem membra & viscera, atque ad tuos suauissimos aspirem, anhelem, & ætuen amplexus, neque quoad viuam, hanc ad quàm gratiosè me vocasti conuersationem commutem aut dimittam, sed in finem vsque fideliter in ea perseuerem. Hoc mihi præstante gratia tua, Amen.

Eph. 4. v. 24.

*Pro vera simplicitate & vita innocentia, Precatio.*

Iesu Christe dulcissime, amabilissime, innocentissime atque simplicissime, rogo te omnium creaturarum indignissimus per calidissimas infantiaæ tuæ lachrymas, teneraq; tua membra, absterge omnes animæ meæ sordes, & restitue mihi iamdiu amissam pristinam vitæ innocentiam & simplicitatem, quatenus consors fieri merear tuæ gloriæ, qui particeps es factus infirmitatis & miserix meæ. Et qui puer natus & datus es nobis, miserere obsecro nobis, & solue maledictionem in qua natus sum filius iux, & da benedictionem tuam, per quàm renascar filius gratiæ & æternæ gloriæ, ut te iugiter cum omnibus sanctis tuis pro inenarrabilibus tuis beneficijs collaudem hic in tempore, & post hac in æterna scelicitate, Amen.

*Pro puritate & simplicitate cordis, Precatio.*

Iesu Christe splendor Patris, candor lucis æternæ, & speculum sine macula, per incomprehensibilem diuinitatis tuæ Maiestatem obsecro te, da mihi castitatem corporis, munditiam cordis, simplicitatem spiritus, & sincerissimam puritatem mentis. Dulcis Iesu, omnia vitia, omnes inordinatos motus & paffiones mortifica in me. Quicquid illicitum, quicquid inordinatum est, quicquid tibi displicet aufer à me, & da mihi cor rectum, simplex, purum, Deiforme, secundum cor tuum. Libera & custodi me ab omni peccato. Omnia membra mea, sensus, animæ potentias, & quicquid sum: hæc omnia reformanda, custodienda, regenda atque possidenda offero tibi benignissimè Iesu, custodiq; me ab omni opere illicito, ab omni verbo ocioso, ab omni cogitatione vitiosa, vana aut superba, ab omni motu inordinato, ab omni affectione non casta, aut abs te aliena, ab omni intentione impura, ut te solum purè quæram, in te solo requiescam Domine Deus meus, fac ut nihil me afficiat, nihil me delectet, nihil mihi placeat, nisi tu, & ego tibi soli placere cupiam, tibiq; soli inhæream, Amen.

*Pro puritate animi, Precatio.*

Domine Iesu Christe puritatis & innocentiaæ ardentissimè amator, qui mei amore splendidissimam ac roseam faciem tuam & cutis atque puentibus phlegmaticibus voluisti inquinari & foedari, multisq; iniurijs & blasphemijs affici,

affici, quo faciem animæ meæ peccatorum fuligine obductam expurgares, & renouares, concede obsecro mihi gratiam tuam, ne vnquam eandem sordidis cogitationibus, impuris affectionibus, aut illicitis operibus & obscenis verbis commaculem: sed integram, omnisq; maculæ expertem iugiter tibi custodiam, atque in puritate, simplicitateq; cordis omne tempus meum post hac tranfigam, omnibusq; quibus cum viuo bonum conuersandi exemplum tradam, & post me relinquam.

Imprime quoque & renoua in anima mea clarissimam & splendidissimam faciem tuam, quoties contigerit me à te per carnis infirmitatem, aut aliam ob causam, auerti, ne cæcitate percussus tui ignorantiam incurram, vt hic dulci tua familiaritate priuatus, postmodum cælesti tua gloria desituar, Amen.

*Pro cordis stabilitate, & nuditate, Precatio.*

**Q**uæso te benignissime Iesu, da mihi cor stabile quod nulla à te abstrahat enagatio: da rectum, quod nulla obliquet sinistra intentio: da simplex, quod nulla distrahat curiosa cogitatio: da nudum, quod nulla occupet formarum aut rerum sensibilibium imaginatio: da castum atq; feruidum, quod indigna nulla tangat affectio.

Dulcis Iesu, da mihi cor mundum ac nouum, da mihi cor secundam cor tuum, quod tibi perfectissime ac semper placeat, quodq; semper inhabitare te delectet. Dulcis Iesu, si non vis reformare cor meum, tunc auferas à me & da mihi cor tuum, Amen.

*Pro deuotione stabilitateq; cordis in laudibus Dei ad B. Virginem Mariam, Precatio.*

**O** Dignissima Dei genitrix virgo Maria, propter filij tui sanctissima vulnera, quæ animam tuam sanctissimam difsecuerunt, omniq; dolore repleuerunt, oro te humiliter, vt omnem leuitatem cordis atque instabilitatem mentis longè à me profliges, vt sancta compunctione peccata mea incessanter deplem, & ad æternam vitam mundi contemptis voluptatibus & delictis, ardentissimis desiderijs aspirem.

Impetra etiam mihi ô pia mater in omni loco & tempore: præcipuè autem in diuinis laudibus, veram cordis deuotionem, puritatem & munditiam, vt ea ad quæ ex Ordinis vel status mei obligatione teneor, deuotè, attentè & reuerenter in conspectu summæ Maiestatis filij tui persoluam, ne aliquam filio tuo aut tibi, ô reuerenda mater, irreuerentiam exhibeam, aut inimicis meis occasionem calumniandi me propter cordis vel sensuum dissolutionem, præstem, Amen.

*Pro puritate & simplicitate cordis ad eandem, Precatio.*

**O** Maris stella lucidissima, mœstorum consolatrix dulcissima, miserorum adiutrix potentissima, reorum aduocata promptissima, desperatorum spes vnica, domina mea benignissima semper virgo Maria, impetra mihi obsecro à dulci filio tuo Domino meo Iesu Christo cor simplex, rectum & mundum, cor piûm & humile, cor gemina charitate & omnigenis virtutum floribus exornatû, cor aptum & ad omnem diuinam inspirationem recipiendam, paratum, Amen.

*Pro vera ad Deum conuersione, Precatio.*

**O** Iesu suauissime, qui omnibus à te auertis compendiosam ad te reuertendi tradidisti semitam, dicens: *Nisi conuersi fueritis & efficiamini sicut paruuli, non intrabitis in regnum caelorum,* & per Prophetam tuum loquutus es, dicens.

Matth. 18.

cens.

cens. *Conuertimini ad me in toto corde vestro, doce me obsecro veram atq; integrā ani-* Ioc. 2.  
*mi conuersionem, quomodo instar paruulorum sine omni malitia ac cordis ama-*  
*ritudine vitam meam instituum, atque eorundem simplicitatem, puritatem, & in-*  
*nocentiam sectando, meam iam dudum amissam recuperem, animaq; meæ vires*  
*in suam originem, hoc est, in te Deum meum referam, naturales meas passiones,*  
*sensus, & illicitos animi motus comprimam, iugiterq; constringam. Quod pie*  
*Deus, quā necesse mihi sit, ipse cernis, quando tam faciliter & leuiter per*  
*sensus à te defluo, multiq; perplexitatibus & curis superfluis sæpè me inuoluo. Ak*  
*reuoca me quæso ad te, & erige cor meum pondere peccatorum præssum ad cœle-*  
*stia, & abstrahè me ab omnibus quæ mundi sunt, iugo suauissimæ seruitutis tuæ*  
*me subdendo, omnesq; affectus & cordis mei desideria in cor tuum diuinissimum,*  
*omni virtutum odore respersum, totiusq; diuinitatis gazophylatium, rapiendo,*  
*atque in inuestigabili tuæ diuinitatis abyssò mentem meam absorbendo. Subarra*  
*me etiam in hac præfenti vita anulo gratiæ tuæ, & indissolubili charitatis tuæ vin-*  
*culo me constringe, ne in æternum à te separer, & à cœlestibus tuis mansionibus*  
*culpæ meis & peccatis exigentibus, excludar, Amen.*

Suspiria mentis & aspirationes ad Deum, ceu ignita quædam amoris iacula, qui-  
 bus veluti amantium duorum mentes, Dei scilicet & hominis,  
 vulnerantur vniunturq;

**Q**uisquis charitatem Dei (sine qua nulli vquam speranda est salus) citius obtinere  
 desiderat, illi impendit necessarium est, vt ignitis & quasi continuis quibusdam af-  
 fuescat aspirationibus, deuotiq; mentalibus orationibus, quibus mentem suam ad  
 Deum eleuet, & cuncta visibilia & caduca transcendere discat. Præterea vt quotidie ad  
 minus vnam horam capiat, in qua se & actus suos, omni q; sua interiora, motus, inclina-  
 tiones, & intentionem, solerti cura discutiatur, diligenter attendendo in quem finem omnia  
 sua peragat opera, an videlicet se magis, quàm Domini Dei sui honorem & gloriã querat.  
 si super omnia Deum suum magnificare & honorare desiderat, ipsiusq; laudem vbique  
 promouere conatur, bene se res habet. Sin minus, doleat necesse est, & conuertat se ex imo  
 cordis sui his vel similibus verbis ad Deum creatorem suum, orando vt ab omni proprio pri-  
 uator, amore cor suum expurgare dignetur, verumq; illi amorem infundere, quo nulli rei  
 afficiatur, quàm soli Deo suo.

*Ad Patrem aspiratio supplex.*

**O** Pater potentissime, ego creaturarum tuarum omnium nouissimus, rogo  
 te per summam potentiam, sapientiam, ac bonitatem tuam, vt super omnia  
 creata me subleues & in te stabilias, quatenus ex totis viribus animæ meæ te  
 diligam, & perpetua charitate inseparabiliter in te fixus maneam, Amen.

*Ad Filium aspiratio supplex.*

**O** Sempiterna Dei Patris Virtus, & Sapientia Christe Iesu, per amorem illum  
 fortissimum, quo ab æterno genus humanum dilexisti, te supplex oro, vt in-  
 extinguibili tui charitate me repleas, accendas & inflammes, vt nunquam co-  
 gitem aliud quàm te, nec in aliqua re quiescam nisi in te Deus meus & Dominus  
 meus, Amen.

*Ad Spiritum sanctum aspiratio supplex.*

**O** Aeterna Dei bonitas, & Spiritus sancte Deus meus, ignis inextinguibilis &  
 flâma amoris immensi, totum cor meum consume, omnemq; amorem pere-  
 grinum procul à me repelle. **O** amor cœlestis dulcedinis, & dulcedo diuini  
 amoris,

amoris; ò amor non crucians, sed delectans: ò amor semper ardens & nunquam deficiens, transforma me in te, accende me suavitate, dulcedine, iucunditate, exultatione, concupiscentiâq; tui, quæ semper est casta, munda & secunda, quatenus te diligam ex toto corde meo, ex totisq; medullis præcordiorum meorum, Amen.

*Ad Filium Dei supplex aspiratio alia.*

**O** Iesu suavissimè ac præ filiis hominum speciosissimè, vtinam perfectè te desiderarem, & amore flagrantissimo te prosequi possem, qui omninò immensus, incircumscriptibilis & incapabilis es in teipso, qui vt me ad redamandum te induceres, tot mihi miseræ & deperditæ tuæ creaturæ amoris insignia declarasti, vt nullo modo ea enumerare possim.

*Aspiratio alia ad Christum Iesum deuota.*

**O** Iesu dulcissime, Deus meus & Dominus meus, accende me igne ardentissimo sancti Spiritus, & reple me tui desiderio immenso, vt totus suavitate liquefiam ac pietate erga te suam. Diligam te obsecro dulcissimum, pulcherrimum atque amabilissimum Deum meum, ex omnibus viribus meis, ex tota intentione cordis mei, cum multa contritione & lachrymarum fonte, cum multa humilitate & reuerentia, Amen.

*Aspiratio alia ad Iesum Christum ignita.*

**O** Iesu vnicum desiderium animæ meæ, mollifica cor meum durum, lapideū, saxetum, & ferreum, tua sacratissima & potentissima vnctione, vt omnis meditatio cordis mei semper in te tendat, vt mediter te per dies sine cessatione, sentiam te per soporem in nocte, alloquatur te spiritus meus, fabuleturq; tecum mens mea iugiter, Amen.

*Aspiratio alia ad Christum supplex.*

**O** Vtinam pie Domine ex nimio tui desiderio totus hic mundus cum omnibus suis vanitatibus in me quandoque marcescant, & gratis illa concupiscentiarum desideriorumq; carnalium sarcina quæ vsque ad eò spiritum meum ad terrena deprimit, in me alleuetur quo expeditus post te in odore vnguentorum tuorum celestium curram, & quandoque ad tuæ excellentissimæ Maiestatis beatificam visionem satietandus te duce atque autore pertingam, Amen.

*Alia aspiratio ad eundem deuota.*

**B**enignissime, amantissime, charissime, potentissime, desiderantissimè me mi Iesu Christe, ò vtinam multitudinem dulcedinis tuæ atque eximie charitatis cordi meo infundas, vt nunquam carnale aut terrenum quid cogitem, sed te solum vitam animæ meæ amem, te solum in corde & ore meo circumferam. O Iesu fons omnis dulcoris diuiniq; saporis, scribe digito tuo, dulcem tui melliflui nominis memoriam in memoria mea, nulla vnquam obliuione delendam. Ex ara in tabulis cordis mei voluntatem tuam, omnesq; tuas institutiones, vt te immensæ Maiestatis Dominum, tuatq; diuina præcepta semper & vbique locorum habeam præ oculis, Amen.

*Scintilla anime amantis Deum flammigere.*

**D**eus meus, pulchritudo oculorum meorum, satietas cordis, nunquid nõ sufficis amanti? Quid extra te euagamur? quid aliud quærimus? quid aliud desideramus?

Eia

Eia quæso vulnera animam meam ô speciosissime, ô deliciosissime, vulnera animam meam amoris tui iaculo, imple omnia desideria mea, vt nihil me extra te delectet, nihil afficiat: te solum in omni creatura videam, ad te æstuantissimis, desiderijs semper anhelem, & castissimo amore te solum omni momento cogitem.

O Domine Iesu, incende cor meum tui amore sanctissimo ac fidelissimo.

O vtinam amore tui ardeam, ô vtinam amore tui langueam.

O amantissime Iesu, da mihi continuum amoris tui incendium, trahe me post te, curram & non deficiam.

Quemadmodum desiderat certus ad fontes aquarum, ita quæso sitiat anima mea ad te Deus meus.

Da mihi benignissime Iesu insatiabile & immensum desiderium tui, quod nulla creatura consolari possit.

O amabilissime Domine Iesu Christe, electissime sponse animæ meæ, obsecro te per cor tuum lancea transfixum, & amore vulneratum, transige, vulnera, perfunde & inflamma cor meum amoris tui incendio tam valido, vt ex toto corde meo, hoc est, pleno desiderio, & perfecta voluntate te diligam, te quæram, te intendam in omnibus & super omnia.

Diligam te Domine Deus meus ex tota anima mea, vt omnes sensus meos in te conuertam, & tibi soli intendam.

Diligam te ex tota mente, vt intellectum & memoriam meam in te solo, & ad gloriam tuam occupem, tibiq; soli inhæream.

Diligam te ex omnibus viribus meis, vt omnes illas, & animæ & corporis in tui laudem, amorem, ac beneplacitum tuum expendam. Diligam te Domine Deus meus, vt tu solus me totum possideas, vt me totum in te absorbeas, atque transformes.

Domine Iesu Christe fili Dei viui, da mihi toto corde, pleno desiderio, sitienti anima ad te aspirare, in te dulcissimo atque suauissimo respirare, ac totum spiritum meum, & omnia interiora ad te, qui es vera beatitudo, semper anhelare.

Da mihi vt omnis creatura mihi vilescat, & nihil me afficiat, nihil mihi placeat nisi tu.

Dulcis Iesu, vulnera & accende cor meum tui amore castissimo.

Trahe omnia desideria mea post te, vt te solum anima mea esuriat, sitiat, te solum concupiscat, ad te indefinenter suspiret & currat, tuiq; amore langueat, & mundana omnia fastidiat.

Dulcis Iesu, imple cor meum castissimis desiderijs, quibus anima mea tui amore semper ardeat, & te semper cogitans præter te aliud nesciat.

O vtinam tu solus cordi meo dulcescas, tu solus mihi placeas suauissime Iesu.

Heu Domine Deus meus, quando perfecte diligam te? Quando constringam te dulciter, ô vita mea inter brachia animæ meæ?

Quando amplexabuntur te, ô dulcissime amator, omnia desideria cordis mei?

O Domine Deus, vniam meipsum & vniuersum mundum tui amore perfecte contemnam.

Vtinam anima mea tui amore liquefiat. Vtinam in te rapiatur & absorbeat.

Suauissime & desiderabilissime te totum desidero, te solum concupisco.

Redde te mihi, & posside me tibi. Atque vtinam te solum verè & perfecte desiderem.

Quousque arida est anima mea, aquas fictiens alienas. Oh imple eam ardore & stuantissimæ charitatis, vt fictiat ad te Domine Deus meus.

Amabilissimè Iesu, vtinam vero & perpetuo amplexu constringere te merear.

Dulcis & speciosè, quàm amabilis es, cur non amo te? Potes ne hoc tui sustinere benignissimè creator, quod aliqua creatura non diligat te? Quæso suauissimè Domine, in me hoc non sustineas, sed irrumpas in cor meum, & vim facias mihi potentissimè

O violentiam suauissimam, quando vim patiar, Iesu bone rapias tibi spiritum meum, & infunde mihi spiritum tuum.

Deus meus, quàm benè mihi esset, si diligerem te. Et quantæ prudentiæ est amare te, quantæ suauitatis quiescere in te, quantæ vtilitatis possidere te?

Dulcis Iesu da mihi illas diuitias, hoc est, te ipsum, & in cæteris omnibus sim pauper. Fac me pauperem spiritu, vt non quæram aliud nisi te.

O adorandè, colendè, metuendè, omnipotens sempiternè Deus. O amator ardentissimè, ô zelator fidelissimè, quando redamabo te?

O quando me totum exhibo, & totus in te introibo? Vtinam me ipsum totum relinquam, & in te me totum effundam.

Excita cor meum Domine, vt requiram te, illumina cor meum, vt inueniam te; posside cor meum, vt requiescam in te & obliuiscar omnium, quæ sunt extra te.

Nobilissimè Iesu, quàm pulcher, quàm amabilis, quàm speciosus, quàm suauis es tu. Beati omnes qui diligunt te.

Benignissimè & amabilissimè Iesu, tu cordis mei thesaurus, & vnicum gaudium, da mihi vt medullitus exeam & relinquam me ipsum, & æstuantissimis desiderijs ad te semper aspirem.

O lumen verum, ô vita indeficiens, ô amor semper ardens, da mihi mundo & carni perfectè mori, & omnium rerum temporalium funditus obliuisci, vt pro illis neque gaudeam, neque doleam, neque aliud præter te amatorem meum sentiam.

Altissimè, potentissimè, pulcherrimè, nobilissimè, dulcissimè, benignissimè, amabilissimè, desiderabilissimè, suauissimè Domine, veni & visita me, & fac tibi cor meum secundum cor tuum, vt maneam semper tecum.

Suscipe me tibi, & da te mihi. Fac me tibi indissolubili vinculo amoris colligari, vt neque mors, neque vita possint nos ad momentum separare.

Domine Iesu, fac me cognoscere vilitatem meam, & maiestatem ac bonitatem tuam, vt inde in me crescat profundissima humilitas, & hinc accendatur perfectissima charitas.

Clementissimè Iesu, cum tu aliud nihil imperas, & illud vnum ego desidero, videlicet, diligere te ex toto corde, tibiq; placere in omnibus & super omnia: heu cur hoc in me non impletur?

Amantissimè Iesu, ego nihil boni desiderare quanto minus agere possum, nisi quod gratia tua mihi desiderandum aut agendum inspirauerit: quod ergo inspiras, quod præcipis, quod laudas, infunde mihi, vt velim & perficiam.

Diligam igitur te Domine Deus meus, ex omnibus medullis animæ meæ, & faciam omnem voluntatem, & omne beneplacitum tuum, quia Deus meus es tu.

Eia misericordissimè Iesu, nunc eadem repeto: Noli mihi negare quod tu mandas, quod tibi acceptum, & mihi est desideratissimum, nec esset, nisi tu faceres desideratissimum.

Imple



Imple ergo cor meum perfectissima, ardentissima, fidelissima, atque perpetua charitate, vt quicquid sum & possum, & quæcunque intra & circa me sunt, colant, quærant, ficiant, diligant te, seruiantq; & placeant tibi perpetuo & perfectissime.

Domine Iesu Christe, ostende virtutem & potentiam tuam in me miserimo peccatore, ostende quod maior est bonitas tua, quàm malitia mea.

Fac, vt qui hæctenus à te totus auersus & frigidus fui, nunc conuertar ad te totus & tui amoris flamma in te transformer accensus.

Deus meus, creator meus, vsquequo non cognosco te? Quamdiu lates, & non requiro te? Imò præsto es, & non inuenio te. Tu salus mea vnica es, & non quæro te?

Ergo amantissime, fidelissimeq; zelator, qui cùm non essem diligebas me, & vt essem, tu fecisti me, da mihi vt deliderem te, ficiam te, quæram te, carram post te: non quiescam donec inueniam te, & præ amore tui, cætera omnia fastidiam extra te.

*Aspirationes hæc sæpius sunt repetende: Si tibi illa aut alia cordi fuerint, & eiusmodi ex animo desideraueris, non erunt otiosa desideria tua.*

O benignissime Domine Iesu Christe, da mihi vt totus diligam te feruentissime. O fidelissime Domine Iesu Christe, da mihi vt sentiam quàm immensa charitate nos dilexisti & diligis.

O dulcissime Domine Iesu Christe, quàm libenter te amarem. Et quia vt hoc velim, tu dedisti, da ergo vt diligam te ex toto corde meo, quia sine te nihil possum.

Dulcis Iesu, ignoce vilitati ac temeritati meæ, quæ peto, & da quod rogo.

Fac me castissimo ardentissimoq; tui amore igniri, in te rapi ac absorberi, ac omnium quæ extra te sunt obliuisci.

O amor cordis mei, da mihi vt moriar tui amore.

O amabilissime Iesu, da mihi amorem erga te fidelissimum, strenuissimum, castissimum atque purissimum, qui incessanter te sentiat, te laudet, tibi gratias agat, tibi obediat, tui honorem ardentissime ficiat, & totum se tibi impendat.

O Iesu pro me crucifixe, transforma quæso me in te, & fac vt clavis amoris inauertibiliter sim crucifixus in te.

Fac vt placeam tibi totus, semper & perfectissime. O Iesu anaabilissime, ô amator fidelissime, ô amate delitiosissime, vtinam totus tui amore merear inebriari.

O quando videbo te facie ad faciem? O vtinam tui amore in te absorberi merear.

Vtinam incendio amoris tui in te conflare, tibi vniri, & in te consumi merear?

Dulcis Iesu age mecum, & fac me ita, vt vltra nequeam te offendere, vt tibi vltra non possim displicere.

Desiderabilissime Iesu, da mihi desiderium tui, vt viuere sine te nequeam, & amore tui langueam. Esuriam & ficiam ad te anima mea, viuam & subsistam in te solo anima mea. Requiescat in te vno mens mea.

Pie Iesu imple me charitate tua, & perfectissima humilitate. Sic tui amore semper perfectissimaq; charitate ardeam, vt vilitatem meam simul attendere non desinam.

Ego peccator sum, tu Deus meus, tu mihi omnia es. In manus tuas commendo spiritum meum, ac totum me ipsum.

PHARETRAE DIVINI AMORIS  
Pro omni statu sanctæ Catholicæ & Apostolicæ  
Ecclesiæ,

*Pro sanctis in mundo, Precatio.*

**C**lementissime Domine Iesu Christe, omnes iustos & amicos meos (si vis aliquos singulariter recolare potes N.N.) tibi in cor tuum commendo. Fac ut in omni sanctitate per imitationem vitæ tuæ, atque in perpetua charitate ipsi indies crescant. Eorum verò orationes, virtutes ac merita coram te mihi pauperi, ac vniuerso mundo subueniant, Amen.

*Pro tribulatis, Precatio.*

**D**vicis Iesu, omnes tentatos, tribulatos, miseros ac mœstos in cor tuum queso suscipias, ut in te confortari, extra te nec consolationem, nec aliud quicquam requirant, sed in te solo viuant, gaudeant, & requiescant, Amen.

*Pro defunctis, Precatio.*

**F**idelissime ac pijsime Iesu, ex vulneribus tuis, & ex misericordissimo corde tuo omnibus fidelibus defunctis refrigerium largire, Amen.

*Pro peccatoribus, Precatio.*

**F**idelissime amator, omnes peccatores nos in sanguine tuo emunda, & in gratia tua nos resuscita, Amen.

*Pro seipso, Precatio.*

**G**loria & honor sit tibi Domine Deus meus. O misericordissime Domine Iesu, trahe me post te, ut inseparabiliter imitari merear vestigia vitæ ac passionis tuæ. O Domine Deus meus, trahe me in te, ut aliud non sentiam, quàm te, ut aliud cogitare ac velle nequeam, præter te, Amen.

*Sequitur ad requiem, lauda Deum pro omnibus in celo & in terra, eosq, qui adhuc in mundo sunt, eidem commenda, dicens.*

**G**ratias ago tibi Iesu pijsime, Domine Deus meus, pro immensa charitate, & pro omnibus beneficijs tuis, quæ tu vniuerso mundo singularitè & Angelis & hominibus exhibuisti, à nobilissima omniumq, dignissima creatura matre tua, vsque ad infimam ac omnium ingraticissimam, hoc est, vsque ad me vilem, vanum & terræ vermiculum. Neque enim sum dignus ut in conspectu tuo appaream, propter nimiam indignitatem, vilitatem & ingratitude meam.

Eia benignissime Iesu, sis tu benedictus in æternum, qui hanc singularissimam virginem ab æterno tibi in matrem elegisti, ab omni peccato immaculatam ac totam pulchram præseruasti, præparasti, præsignasti, omnium virtutum & gratiarum plenitudine exornasti: in ea concipi, ex ea nasci, & eius lacte pasci voluisti, prædicationi, passioni ac morti tuæ ipsam adesse, & nostræ redemptioni cooperari tribuisti, atque nunc in cælis corpore & anima assumptam, gloriosissimeq, coronatam, eandem nobis in aduocatam, misericordię reginam atque matrem dedisti.

Pro his sit tibi laus, honor & gloria sempiterna. Dulcissime Iesu, eius cor & merita pro me & vniuersa Ecclesia tibi nunc offero, & per eandem nos in cor tuum pijsimum commendo, Amen.

*ad bea-*

*Ad beatissimam Virginem Mariam, Precatio.*

**O** Clemens, ô pia, dulcis Maria, utinam ego totus tuus, & tu tota sis mea, me custodiens, gubernans, possidens, & ab omni peccato, ab omni malo, ab omni impedimento, ab omni quoque medio inter me & Deum me liberans atq; præseruans, Amen.

*Pro Sanctis in celo Deum lauda, dicens.*

**B**enedico te amantissime Iesu, Deus meus, pro omnibus gratijs ac donis, quæ Sanctis tuis in hac vita mortali olim, & nunc in gloria tecum constitutis contulisti: præcipue tamen his, quorum hodie est festiuitas in coelis, aut in Ecclesia memoria: & potissimum patronis meis, Barbaræ & Magdalenæ, & sanctis omnibus virginibus. Horum omnium orationes ac merita tibi pro me offero, & per illos me tibi nunc in cor tuum pijsimum commendo. O Sancti Dei omnes, intercedite pro me, & ad vos me trahite, Amen.

*Pro iustis in mundo constitutis, Precatio.*

**A**Doro, laudo & benedico te pijsime Domine Deus meus, pro donis gratijs ac beneficijs omnibus, quæ N. & N. id est, huic, & huic, & alijs omnibus electis ac dilectis tuis amicis in mundo adhuc constitutis, contulisti. Horum preces ac merita tibi pro me nunc offero & me per illos in cor tuum tibi commendo.

Oro quoque immensam bonitatem tuam Deus meus, ut tu illos semper in gratia tua custodias, prouideas, dirigas, & omnia eis bona ac dona tua augeas atq; multiplices ad gloriam tuam, Amen.

*Pro peccatoribus & seipso, Precatio.*

**A**Doro, laudo, & benedico te misericordissime Deus meus, & gratias tibi ago pro immensa clementia & bonitate tua infinita, qua nos miseros peccatores ingratos, atque aded vita ipsa indignos, misericorditer non solum sustines, sed etiam parcis, & benefacis nobis. Vincat igitur tandem ô Deus meus, vincat queso malitiam nostram bonitas tua, emolliat duritiam nostram pietas tua, inflamet congelata corda nostra ardentissima charitas tua, ut ex vasis iræ mutemur in vasa misericordiae, & ab omnibus peccatis liberati, tanto efficiamur in amando te feruentiores quanto hæcenus fuimus frigidiores.

Dulcis Iesu, da nobis post te currere, & imitari vestigia vitæ & passionis tuæ, ut deuotionis in nobis magnitudo compenset nostræ conuersionis tarditatem, & inde magis puri ac sitibundi te quæramus, quo diutius ac grauius te contempnimus fontem æternæ vitæ. Da nobis ut toto corde ad te conuersi, & in gratia tua confirmati laudemus te redemptorem & saluatorem nostrum in æternum. Amen.

*Pro commissis ac commendatis, Precatio.*

**O**ro autem te ô bonitas infinita: præcipue pro meipso omnium miserrimo atq; vilissimo, qui gratiæ tuæ auxilio præ cæteris tanto magis egeo, quanto infirmior, & ad omne bonum impotentior sum. Scis tu benignissime Deus, quam nihil & inutilis sum, & gratiam tuam in me & in alijs impedio atque euacuo. Quapropter ô omnium liberalissime atque pijsime Domine, supplex te oro pro omnibus mihi commissis ac commendatis. Hæc enim omnia, id est, animas & corpora

corpora & quaecunque mihi commendata sunt, tibi iterum commendo, & in co-  
tuum dulcissime Iesu eadem abscondo atque immergo.

Tu quaeso cuncta regas, protegas, custodias & salues iuxta beneplacitum tuum,  
ad gloriam tuam sempiternam. Domine Deus meus, pro hoc loco, & huius loci ha-  
bitatoribus obsecro te per effusionem sanguinis tui, & per omnium miserationum  
tuarum abyssum, ut super nos omnes abundet confirmeturque gratia tua & nemo  
ex nobis pereat. Tu vero & spiritualia & temporalia nobis secundum beneplacitum  
tuum largiaris, nosque & illa administres & dirigas, ut cultus tuus, animarumque sa-  
lus hic semper vigeat, crescat perseveretque in aeternum.

Dulcissime Iesu, fidelissime amator, res, hominesque ac omnia huius monasterij,  
& omnium mihi commissorum iterum tibi in cor tuum offero ac commendo, quia  
tu ab aeterno sciisti quod ego nihil sum, & necesse est ut tu ipse illa custodias, regas  
nosque possideas. Hoc modo etiam tibi commendo omnes qui a me perunt ora-  
tiones. Tu misericordissime, qui diues es in omnibus, iuxta fidem illorum & pro  
misericordia tua glorifica nomen tuum, & facias illis non iuxta vilitatem & demer-  
ita mea, sed secundum bonitatem tuam, Amen.

*Pro confederatis, Precatio.*

**O**Mnes pijsime Iesu, qui mihi propter te confederati atque vniti sunt, tibi  
offerro: tu quaeso tibi eos confodera, ut omnes tecum vnum simus,  
Amen.

*Pro benefactoribus, Precatio.*

**O**Mnibus mihi bene facientibus atque fauentibus, tu clementissime Domine  
pro me te ipsum retribuas, quia melius neq; ego petere, nec tu dare potes no-  
bis, quam te ipsum suauissima atque aeterna bonitas, Amen.

*Pro tentatis ac afflictis, Precatio.*

**O**Mnes tentatos, desolatos, afflictos, ac mactos misericordissime Iesu, pro infi-  
nita pietate tua consolare, iuxta eorum vtilitatem & tuam voluntatem. Esto  
memor quia te solum habemus Domine, ad quem securi confugiamus in om-  
nibus necessitatibus nostris. Absit igitur a tua bonitate, ut tu repellas nos, qui es  
Deus noster, refugium nostrum, & virtus in omni tribulatione, Amen.

*Pro fidelibus defunctis, Amen.*

**M**emor esto benignissime Deus misericordiarum tuarum, quae a seculo sunt,  
& fidelibus omnibus defunctis da refrigerium & requiem sempiternam. De-  
scendat pijsime Iesu, sanguinis tui rosi ac calidi effusio in purgatorium, &  
recreat refrigeretque omnes ibi captiuos ac patientes. Libera eos Domine Deus noster  
ex omnibus angustijs eorum. Domine Iesu ego do illis mortem tuam & sanguinem  
tuum. Quomodo enim aliter possum illis succurrere aut mederi. Largire tu, ut ho-  
rum virtute liberentur. Amen.

*Quando pro aliquo, aut pro te etiam ipso orare desideras, Precatio.*

**D**omine Iesu Christe clementissime, illustra cor N. gratia tua, Consolare & im-  
ple cor eius ardentissima charitate, ut honorem tuum, beneplacitum tuum,  
ac te ipsum solum ex toto corde suo quærat ac diligat, & se ipsum tibi fundi-  
tus relinquat ac resignet, omnique tempore in oculis tuis inueniatur secundum bene-  
placitum tuum, Amen.

*Pro parentum, consanguineorum, amicorumque, vna correctione & salute Precatio.*

Rogo

**R**Ogo te ô clementissime Iesu per sanctam incarnationem, passionem & mortem tuam, & per omnia quæ ab initio vsq; ad finem vitæ sustinuisti, miserere parentum, fratrum, sororum, amicorum benefactorumq; meorum: & eorum omnium qui mihi occasio aut subsidio fuerunt ad huic statum perueniendi. Et dignare in nobis corrigere, quæ tibi displicent, largiriq; quæ tibi placent, vt nûc gratia tua digni reddamur, & posthac tecum sine fine lætemur, Amen.

*Pro afflictorum, desolatorumq; subleuamine, Precatio.*

**R**Ogo te ô dulcedo cordium & tribulatorum summum refugium Christe Iesu, vt per merita omnium axietatum & angustiarum pijsimi cordis tui, omnibus afflictis, tentatis ac desolatis subuenire digneris, eosq; ab omnibus malis atq; periculis tam corporis, quam animæ eripere, gratiamq; tuam in ipsorum cordibus augere, ac ad æternæ foelicitatis brauium perducere, Amen.

*Pro Ecclesiæ Catholice reformatione & errantium animarum reuocatione ad viam veritatis, Precatio.*

**O** Pastor bone & fidelis Christe Iesu, oues tuas ferocissimorum luporum dentibus raptas ad ouile tuum sanctam redue Ecclesiam, & renoua eos spiritu dulcedinis tuæ, ac omnium errorum totiusq; præfidiæ & infidelitatis caliginem ab eorum cordis oculis deterge, quo vocem tuam agnoscant, teq; in vera humilitate & ardentissima charitate sequantur.

Reforma quoque pristinæ charitatis & innocentie feruore Ecclesiam tuâ sanctam, quam proprio sanguine redemisti, ac de diabolica captiuitate liberaisti: maximè autem Ecclesiasticos Ordines, ouiumq; tuarum pastores & prælatos, vt oues tuas viam veritatis edoceant, quæq; ore docent, opere ipsi implere satagant. Tu enim pie Domine oculis tuis ipse cernis, ad quantam omnes nos miseriam, & calamitatem dilapsi simus, sed non absq; nostro demerito. Non enim iniustus es qui inferis iram. Tibi Domine peccauimus. Te Patres nostri ad iracundiam concitauerunt, neq; nos à via eorum recessimus, vt te ex toto perquireremus corde. Ided satis iuste inueniunt nos hæc omnia quæ patimur. Sed spero quod tandem misericordissimis tuæ pietatis oculis super nos respicies, qui non in finem irasci soles, sed iuxta Prophetâ tuum, *Cum iratus fueris, misericordia recordaberis.* Hac spe fretus, pro tua desolata Ec-  
Abacuc. 1

*Effusio cordis pro suis, sibi commissorum, cunctorumq; Christianorum conuersione & correctioris vitæ prosecutione.*

**O**ni dilectissime Domine Iesu Christe, obsecro te, vt amabilis & infinita bonitas tua, omnia peccata mea propria dignetur remittere, & per amarissimam passionem tuam delere, consumeretq; in immenso amoris tui incendio: & memiserum in gratiam & vnionem tecum aded intrahere & confortare per amorem, vt exiens ad proximos meos, omnium hominum, & maximè mihi commissorum peccata in me suscipere, & continue deplangere & expiare valeam: vt tu in me, & ego in te manens, simul impleamus opus fraternæ charitatis. O misericordissime Domine, tuum ad omnes homines amorem

h 2 extendo

extendo, & cum illo vias peccantium lugeo, & in illum omnium hominum, & singulariter mihi commissorum crimina suscipio, & in abyssum misericordiae tuae projicio: obsecrans ut illis & mihi verae contritionis & emendationis gratiam, largiri digneris. O pijsime Deus, confido immensae bonitati tuae, quod si ego solus omnium hominum peccata commissem, & me cum illis perfecto ad te corde convertere & emendare vellem, mox ab omnibus peccatis me liberares, & in ardentissimi amoris tui igne, velut modicam stuppam illa omnia concremares.

Hinc ad ianuam infinitae misericordiae tuae veniens pulso, & obsecro, pro gravissima inhonoratione, & infinitis iniurijs, offensis & blasphemijs, quae tuae dignissimae maiestati, à me & alijs creaturis tuis viuis & defunctis irrogatae sunt, & adhuc absque cessatione multum nimis irrogantur, ut propitiatus miserearis super omnibus malis istis, & respicias oculis clementiae tuae, quam graui me sarcina miser oppressi haec in me suscipiens, qui tam infelix & vitiosus sum in meipso. Verum quoniam te tam fidelem & clementem patrem in meipso expertus sum, ut sitias etiam omnium hominum salutem: hinc te humiliter accedens rogare audeo, ut si miser ego, proprijsque vitijs nimis onustus, tam mea, quam mihi specialiter commissorum, & omnium hominum peccata cum sanguine cordis mei emendare possim, etiam si deberem milies mori omni hora, & omnium damnatorum penas cum gratia tua sustinere, quo illos tibi adducere, ut tu in me, & in illis, quiescere valeres (ad quod nos omnes creasti) ad hoc me totum tibi offero, & hilariter resigno.

Sed quoniam nihil sumus, nihil habemus, neque valeamus absque te, obsecro te clementissime Domine Deus noster, o summe sacerdos, qui temetipsum obtulisti Deo Patri pro nobis in odorem suavitatis, ut omnium nostrum miserearis, tua ardentissima charitate, vita, passione, & sanguine preciosissimo, vniuersa nostra delicta deleas, neglecta nimis multa suppleas, impedimenta nos à tui accessu remorantia tollas, & nobis ut peccata nostra clara cognitione, amara contritione, vera confessione & integra satisfactione emendare, & tibi de cetero toto corde reconciliari, obedire, placere valeamus, concedas.

O Verbum aeternum propter nos incarnatum & crucifixum, parce quæso ignosce & succurre plebi tuae. Praeueni, tange & conuerte corda nostra, quamuis excecata & indurata, ut totis viribus quæramus te, & sapiamus quæ tua sunt: factique vniuersimodis resistamus omnibus hostibus honoris tui & salutis nostrae, viuamusque de cetero iuxta tuam voluntatem bonam, beneplacentem & perfectam, ut perfecta tibi charitate vniamur & adhaereamus, & nunquam ammodo à te separemur, Amen.

*Pro cunctorum Christi fidelium vita castigatione per septem extrema verba Christi in cruce, Precatio.*

**O** Dulcissime Domine Iesu Christe, obsecro te per amorem quo septem verba vltima in Cruce pro nostra salute dixisti, miserere miseris omnibus viuis & defunctis & da nobis veniam & gratiam plenariam.

<sup>1</sup> O pijsime Iesu, qui dixisti: *Pater, ignosce illis quia nesciunt quid faciunt.* Ignosce nobis & omnibus nos lædentibus, odientibus & persequentibus: Similiter quos nos læsimus vnquam aut offendimus.

<sup>2</sup> Et qui dixisti: *Hodie mecum eris in paradiso.* Redde nobis & omnibus fautoribus, amicis & benefactoribus nostris propter nomen sanctum tuum vitam aeternam.

<sup>3</sup> Et qui dixisti: *Mulier ecce filius tuus.* Miserere nobis & omnibus pariter, prælati, fratribus

fratribus, commissis & coniunctis nostris carnalibus & spiritualibus. Et commenda nos omnes fidei curæ pijsimæ matris tuæ in filios, nunc & in vltima angustia nostra.

Et qui dixisti: *Deus meus, Deus meus, vt quid me dereliquisti?* Misere omnibus tentatis, afflictis, miseris, oppressis & desolatis hominibus, & libera nos omnes à malis.

Et qui dixisti: *Sitio* Misere nobis & omnibus peccatoribus, errabundis, excruciat, induratis, & desperatis hominibus, quorum salutem tantopere sitiebas in cruce, & conuer te nos omnes perfecte ad te.

Et qui dixisti: *Consummatum est.* Confirma nos & omnes pios in bono quod habent & fac illos in tua gratia continue proficere & perseverare, & supple omnia bona quæ hæcenus negleximus.

Et qui dixisti: *Pater in manus tuas commendo spiritum meum.* Præueni tua gratia omnes nascituros. Præserua à lapsu iuuenes. Da lapsis resipiscenciam & constantiam, senibus & morientibus contritionem & veniam, defunctisq; requiem & pacem perpetuam: propter amorem qui te vitam viuentium mori coegit pro omnibus istis redimendis, suscipe animas nostras egredientes in manus tuas, & merito tuo illis succurrente protege illas ab insultibus omnium hostium suorum, & salua illas secundum infinitam misericordiam tuam Amen.

*Pro cunctorum Christi fidelium conuersione & vita in melius castigatione, quam efficacissima, Precatio.*

**I**N spiritu humilitatis & in animo contrito, benignissime Domine IESV CHRISTE, coram abyfso bonitatis tuæ ego miser peccator prosterno me cum abyfso miseræ meæ, me profunde contemnens & quasi ad nihilans me ipsum, & omnia opera mea existimans quasi pannum menstruatum: Sed in tua misericordia o Domine respirans (qui ad eum bonus es, vt nullum quantumuis enormem peccatorem, quoties ad te redire voluerit repellas) venio ad te cum vniuersis meis proprijs, & mihi commissorum, omniumq; hominum viuorum & defunctorum peccatis, criminibus, abominationibus, malitijs, nequitijs, delictis & negligentijs, quibus tuam bonitatem grauissime & multipliciter supra numerum arenæ maris, hæc per superbiam, inuidiam, iram, acediam, auaritiam, gulam, luxuriam, & alia vitia, cogitatione, loquutione, opere & omissione, nimis offendimus, inhonorauimus & blasphemauimus: obsecrans te per infinitam charitatem tuam, qua nostram humanam naturam, & causam nimis malam assumere dignatus es, & per merita precisq; gloriosæ semper Virginis Mariæ, & omnium sanctorum tuorum, vt nos omnes & singulos respicere digneris oculis misericordie tuæ, quibus respexisti Petrum in atrio, Mariam Magdalenam, in conuiuio, & latronem in crucis patibulo: & da nobis lucidam peccatorum nostrorum cognitionem, feruentem contritionem, clarâ confessionem, perfectam satisfactionem & vitæ emendationem. Ad quod obtinendum, da mihi licet proprijs peccatis nimium prægrauato omnia illorum peccata ex charitate libenter in me suscipere, toto corde continue deplorare, & sanguineis lachrymis, si possibile est ablueri, & si necesse fuerit sanguinem quoque meum pro illorum expiatione effundere.

At quoniam omnis nostra contritio & pœnitentia, sitte quicquid facere possimus,

mus, non sufficit pro minimo etiam peccato expiando: imò sine gratia & passionis tuæ merito nihil est, idcirco ad te venio cum tua amarissima (quam nobis usurpare permittis) contritione & pœnitentia, quam triginta tribus annis nobis seruiens, in paupertate, labore & contemptu, in ieiunijs, vigilijs & incommodis multis fecisti, & cum sanctissimæ animæ tuæ tristitijs, præssuris & anxietatibus mortis, cum tuæ feruentissimæ orationis & ignitorum desideriorum instantia, cum tuis calidis lachrymis, & sanguinei sudoris guttis, cum tuis innumeris vulneribus & sanguinarius, cum tua tota cruenta & doloribus repleta humanitate, & cum tua turpissima & amarissima morte, per hæc omnia obsecrans te o misericordissime Domine Deus meus, vt vitia impedimenta omnia nos à tuo accessu remorantia auferre, neglecta & imperfecta bona supplere, & peccata nostra & illorum omnia remittere, & in immenso amoris tui incendio consumere, meq; & illos perfecta humilitate, abnegatione & patientia cæterisq; gratijs & virtutibus tuis omnibus exornare, confortare, illuminare, accendere, & perfecta tecum charitate vnire digneris, Amen.

*Supplex per cuncta Christi Iesu humanitatis mysteria & insignia pro omnibus Ecclesie statibus reformandis, Precatio.*

**O** Dulcissime Domine Iesu Christe, per stupendam tuam charitatem, qua te ipsum totum cum omnibus gratijs & meritis tuis in Venerabili Sacramento Altaris nobis reliquisti, & per conuersionem panis & vini quotidiano sacerdotum ministerio in corpus & sanguinem tuum, ignosce mihi & omnibus Christi fidelibus, omnem irreuerentiam, contumeliam & proditorem, quam in eodem & alijs Sacramentis tuis, multo deterius quam Iudas, indigne illa tractando & sumendo, hæc heu enormiter nimis tibi irrogauimus: & conuerte nos totos in summam amorem, laudem, & beneplacitum tuum.

Per tuam miserabilem captiuitatem & ligationem, absolue nos ab omnibus vinculis peccatorum & laqueis dæmonum.

Per omnes colaphos, alaphas, ictus, trusiones, illusiones, consputiones, contumelias & blasphemias totius noctis, & profunditatem putentis limi, cui infixus & misere deformatus fuisti, extrahe nos à profundo barathro ignominie & carpitudinis nostræ.

Per tuas omnes occultas passiones & cruciatus, libera nos ab occultis peccatis nostris.

Per confusiuam & dolorosam tuam circumductionem de iudice ad iudicem, libera nos ab omni tentatione & accusatione dæmonum.

Per crudelissima flagellorum vulnera, castiga nos in hoc seculo, ita vt postea eruas nos à flagellis iustitiæ tuæ.

Per tuos acerbos æstus & frigora congelationemq;, & tremorem omnium membrorum tuorum, mollifica & accende omnia dura & frigida corda nostra, & abluere illa in tuo calido sanguine, & submerge in tuis profundis vulneribus.

Per infixionem spineæ coronæ in regale caput tuum, illumina & purifica quinque sensus nostros, & reforma in nobis imaginem SS. Trinitatis, & imprime nobis formam tuæ contritæ humanitatis.

Per iniustum iudicium, quod innocens passus es, factus opprobrium hominum & abiectio plebis, da nobis ita nos ipsos & nullos alios iudicare & contemnere, vt in extremo & districto iudicio tuo te clementem ac misericordem habere iudicem mereamur.

Per



Per grauiſſimum pondus crucis tibi impoſitum cum maximo dolore & labore, exonerā nos à grauiſſimis ſarcinis peccatorum noſtrorum.

Per tui meſſiſſimum caſum ſub cruce, & defectionem triſtiſſimæ matris tuæ, erige nos à ruina vitiſſimorum noſtrorum.

Per diram extractionem veſtium tuarum, extrahe à nobis omnes imagines creaturarum, noſtraſq; proprietates & defectus quibus irretiti ſumus, tuamq; in nobis diuinam operationem impedimus: & adorna animas noſtras ſanctiſſimis tuis virtutibus, quibus nobiliſſima tua anima eſt exornata.

Per lamentabilem tui ſeſſionem ſuper lapidem in frigido vento, accende frigida peſtora noſtra in amorem tui.

Per crudelem tui proiectionem ſuper crucem, & diram extensionem omnium membrorum tuorum & per diriſſimam manuum pedumq; tuorum tranſſionem ac affixionem in Cruce, omnium hominum cor da tui amore tranſfode, à cunctiſq; vitijs expurga, inſeparabiliterq; in te conſige atq; vnito.

Per erectionem tuæ crucifixæ humanitatis cum Cruce, & grauiſſimam pœnam membrorum tuorum quam ſenſiſti, dum quam atrociffimè pondoroſiſſima Crux tua in lapidem excauatum cadere eſt permiſſa, imprimè cordibus noſtris tuā crucifixam imaginē, & concute ſaxea peſtora noſtra ad pœnitentiam & tui compaſſionem, & reſorma illa in te, & clarifica teipſum in eis, vt in ſpiritu noſtro videre valeamus & cognoſcere tuam fulgidiſſimam diuinā eſſentiam in nobis latentē, & vt formam tuæ Crucifixæ humanitatis ſemper nobiſcum circumferamus omnibus viribus & ſenſibus noſtris infixam, in qua velut ſummatim tota vita & paſſio tua comprehenditur. Et fac nos ſemper & vbiq; in mente noſtra, intus in ſimplici veritate & indepicta nuditate, te quaerere, inuenire, trui & præſentem habere, in abyſſali amore & eſſentiali vnitate: ſicq; ſentire in noſtro ſpiritu, anima & corpore, quod in te fuit Chriſte Ieſu rex benediſte.

Per amorem quo Patrem pro inimicis tuis rogavi, conuerto miſericordes oculos tuos ad nos miſeros peccatores, qui te altera vice, imò millies millies, iniquis cogitationibus verbis, operibus, & ſcelerebus crucifiximus. Et ſuſcipe nos cum pœnitente latrone, & aperi nobis paradifum gratiæ tuæ, & fac nos totos tranſire in te, & per te in fundum & regnum animæ noſtræ ad Patrem. & in ipſo ſplendidam Deitatem tuam contemplari. In quo quidem fundo teipſum (vt ita dixerim) cœleſti & vniuerſi, à quo nūquā nec vis nec potes ſeparari. Fac, inquam, in eo nos te ſentire, & agnoſcere te noſtram nobilem originem in nobis latere (ex qua manauimus omnes) & in eadem nos diuinam originem refluere, fieriq; vnum tecum ſpiritū ex gratia in intima eſſentia animæ noſtræ, quam vt in nobis inuenire & intrare poſſemus, depulſa virium noſtrarum cæcitate, qua nobis diabolus viam intus ad te accedendi per culpam præcluſit, tibiq; ibidem vniri, de cœlo deſcendere, & amariffimam mortem perpeti eſ dignatus. Sed vā vā omnibus qui tantam negligunt ſalutem, teq; in ſeiſſis captiuum & ligatum detinent, conſpuunt, flagellant & crucifigunt peccatis ſuis: ſicq; apertis oculis ad infernum currunt, ſeque proprio iudicio condemnant antequam à te condemnentur. Per amorem quo ſanctiſſimam matrem tuam in maxima triſtitia & dolore propter nos reliquiſti, commenda illius maternæ pietati & fideliffimæ tutelæ peccatrices animas noſtras tibi deſponſatas, quæ te in maximis pœnis dereliſto & contempto, heu peſſimo amatori diabolo turpiter ad-

hæserunt, fide fragæ & adulteræ vilissimæ factæ. Quas tamen quia expãsis brachijs, lacerato corpore & aperto corde ad te reuocare non desinis, in cor tuum dulcissimum offero, vt illas benigne suscipere, ab omnibus sordibus in sanguine tuo lauare, & cœlesti patri tuo reconciliare & vnire digneris, qui propter illas sanandas in tantis pœnis & angustijs foris & intus es derelictus, vt nunquam fuerit homo tam misere derelictus: In qua tamen derelictione semper permanere paratus eras, si opus fuisset pro salute nostra.

Per asperrimam sitim tuam, in qua pro salute animarum nobilem naturam tuã felle & aceto amaricari permisisti, extingue in nobis omnem sitim mundani amoris, & aperi in nobis venam vitæ, & pota nos vino gratiæ tuæ, vt post te iugiter ignitis desiderijs currere non cessemus.

Per amorem, quo omnia redemptioni nostræ necessaria fidelissime consumasti, & voce magna clamans, dixisti: *Pater in manus tuas commendo spiritum meum*: sicq; expirasti, dirissima morte pro nobis miseris peccatoribus redimendis voluntarie occumbens. Fac nos omnibus vitijs & peccatis nostris funditus emori, tibi soli viuere atq; tuæ amarissimæ mortis memoriam omni in loco ac tempore in cordibus nostris circumferre.

Per amorem, qui te viuificatorem omnium creaturarum mori coegit, & ob honorem preciosissimæ mortis tuæ, toto corde & corpore prostratus, obsecro te dulcissime Domine Iesu Christe, vt mortifices in animabus nostris & omnium hominum, vniuersa vitia & impedimenta quæ tibi displicent, & adiuues nos, ne tantus amor in nobis miseris frustretur.

Per amorem quo ad carcerem, in infernalem descendere dignatus es, frange vincula omnis prauæ consuetudinis in nobis, & illumina tenebras cæcitatæ nostræ, & omnium fidelium defunctorum pijsime miserere.

Per tuum transfixum cor, transige amantissime Domine Iesu Christe corda nostra iaculis amoris tui, & introduce nos intus ad Patrem tuum.

Per sanctam sepulturam tuam, fac nos totos mundo mortuos & sepultos, in te solo viuere & abscondi.

Per gloriosam resurrectionem tuam, fac nos à vitijs perfectè resurgere, & in nouitate vitæ ambulare.

Per admirabilem ascensionem tuam, fac nos à terrenis expeditos, ardentibus suspirijs te caput nostrum sequi ad cœlestia, & per virtutum exercitia regnum animæ nostræ tecum incolere quod nobis restituisisti.

Per conuersionem omnium pœnarum & contumeliarum tuarum in gloriam, ô misericordissime Domine, qui animarum vita es, conferua te ipsum in eis, & per mitte diuinitatem tuã radiare in illis & expelle ex eis quicquid te impedit, ne possis in illis gratiosè habitare. O amabilis Pater, memeto quod omnes homines ab æterno fuerunt in te increati, & nunc quando illos creasti, imaginè supersanctissimæ Trinitatis illis impressisti & vniuisti, replèstiq; eos te ipso toto, qui principiũ ipsorum es, vnde emanauerunt, sine quo feliciter viuere nequeunt.

Per omnem hanc bonitatem & fidelitatem tuam, obsecro te pijsime Deus, vt omnia nostra & ipsorum peccata remittere & delere digneris ex memoria tua, & abscondere ex cordibus illorum, ipsosq; in te regenerare per passionem tuã, abluere in fonte preciosi sanguinis tui, omnem spiritualem languorem sanare, obtenebratam  
confici-

conscientiam illuminare, indurata corda frangere, cor mundum illis reddere, & <sup>Pfal. 50.</sup> spiritum rectum in visceribus eorum innouare.

Expelle omnes errores à cordibus illorum, & doce eos omnem veritatem, & fac nos in lumine tuo ambulare, in semitis tuis currere, ascendere per scalam humanitatis tuæ ad te, in te intrare, & tecum vniri.

Congrega bone pastor oues tuas, ex omni gente & terra, in quas dispersæ sunt, & reduc eas in terram suam, quæ tu ipse es. Effunde pluuiam miserationum tuarum super illas, & abluc omnia inquinamenta ipsarum, & fac eas cum gaudio redire in Syon, & aperi in animabus ipsarum fontem gratiæ, vnde haurire possint aquam viuam in ipso fundo bonitatis tuæ in ipsis latentem, & in æternum laudare.

O dulcissime Domine Iesu Christe, require tu ipse perditas ouiculas tuas, & visita eas sicut pastor oues suas visitat. Collige illas in vinas tuas & leua eas in sinum tuum, pasceq; illas ex intemis misericordiæ tuæ. Quod infirmum est sana, & quod confractum est, consolida, & quod fortè est confirma. <sup>Ezech. 34. v. 11. Ezech. 34. v. 16.</sup>

O amabilis Domine, dignare eas saluare, defendere, & custodire intra extensa brachia tua à moribus luporum infernalium, & duc eas ad pascua æternæ beatitudinis tuæ. Qui viuus & regnas &c. Amen.

## PHARETRÆ DIVINI AMORIS Libri Primi Pars V.

Complectens in se exercitia quædam pijsissima, non modo Religiosis, verum cunctis probè fidelibus necessaria, quibus non solum spiritus noster in seipsam colligi, verum etiam trahi, rapi & transformari in Deum possit.

*Exercitium ad pijsimum & fidelissimum cor Domini nostri Iesu Christi.*

**A**d venerationem cordis pijsissimi Domini nostri Iesu Christi amore ac misericordia exuberantissimi studeas te ipsum excitare, ac sedula deuotione ipsum frequentare, illud osculando & mente introeundo. Per ipsum petenda petas, & exercitia tua offeras, quia charismatum omnium est apotheca & ostium, per quod nos ad Deum, & ipse ad nos accedit.

Itaque figuram aliquam Dominici cordis aut quinque vulnerum, aut cruentati Iesu, vulneribus ac liuore saucij, ponas in loco aliquo, quem sepius transire habeas, qua sepius exercitij tui & amoris excitandi in Deum admonearis. Hanc intuens memor sis exilij, misereq; captiuitatis in peccati. Proinde gembundis suspirijs desiderioq; seruentis cor tuum erigas ad Deum, & mente duntaxat, sine strepitu oris, aut etiam verbi (si hæc te iuuant) ad illum clama: desiderans cor tuum mundari, atque cum Christi corde, id est, cum diuino beneplacito, tuam voluntatem vniri.

Posses etiam, vrgente deuotione interna, figuram hanc, id est, cor Domini Iesu osculari, & animo tuo persuadere, quasi verum Deiscum cor Domini Iesu sub labijs habeas deosculandum, in quod cor tuum imprimere gestias, atque spiritum tuum immergere absorberiq; desideres, videat isq; tibi ex gratioso corde ipsius attrahere in cor tuum spiritum eius, gratiam quoque eius & virtutes, ac prorsus quicquid fuerit tibi, quod mensuram excedit saluare. Hi enim omnibus cor Iesu exuberantissime scæret.

Expedi

*Expedit autem & valde viam cor Domini Iesu devote honorare: ad quod in omni necessitate confugas, unde quoque consolationem & omne auxilium haurias. Nam ubi cunctorum te mortalium corda deseruerint, ubi imposuerint tibi, securus esto; hoc fidelissimum cor te non decipiet, nec derelinquet.*

*Aspirationes ad cor Domini Iesu ignitissime.*

- I. **A**h Iesu dulcissime, utinam mundare, purificare, expurgareque digneris cor meum ab omni iniquitate, vanitate, & vilitate, replereque illud perfectissima atque ardentissima charitate, Amen.
  - II. **O** Iesu amabilissime, quando tolles à me cor meum secundum, & dabis mihi cor tuum? aut quando erit cor meum odore virtutum tuarum respersum, atque amore celestium totum succensum?
  - III. **A**h Iesu suavissime, conlude cor meum intra cor tuum, ut illius tu solus sis inhabitator atque possessor, ut nobilitate cordis tui, cor meum nobilitetur & exornetur, Amen.
  - IV. **U**tinam piissime Iesu ex benignissimo ac suavissimo corde tuo hanc mihi infundas gratiam, ut omnia ex corde meo excludam, quæ diuinam tuam operationem in anima mea vel impedire, vel interturbare possunt, Amen.
  - V. **A**h misericordissime Domine Iesu Christe, utinam omnia vulnera faucij cordis tui in corde meo inscribas, ut in eis iugiter amorem tui erga me immensum, & dolorem tuum vehementissimum legam, Amen.
  - VI. **U**tinam Domine Deus meus vulnorum tuorum memoria in secreto cordis mei semper permaneat, ut dolor passionis tuæ quotidie in me exciteretur, & ardor dilectionis tuæ indies augeatur, Amen.
  - VII. **A**h Domine Deus saluator & redemptor meus, aufer à me peccata mea, & quicquid tibi displicet in me: Quicquid verò tibi placet ex sanctissimo corde tuo infunde mihi. Conuertere me & posside me totum in sanctissimum beneplacitum tuum, & in tui amorem.
- Fac ut uniatum cor meum suavissimo cordi tuo: voluntas mea, voluntati tuæ, ut nunquam aliud velim, nunquam aliter velle possim, quam tu vis, & tibi placet. Diligam te dulcis Iesu Deus meus, ex toto corde meo, in omnibus & super omnia, &c. Amen.

*Precatio ad cor Domini Iesu nobilissimum, I.*

**O** Cor nobilissimum, piissimum, atque suavissimum fidelissimi amatoris mei Iesu Christi Dei & Domini mei, trahere atque absorbere quæso cor meum, omnes cogitatus & affectus meos, omnes denique vires animæ & corporis mei, & quicquid in me est, quicquid sum aut possum, in te, ad gloriam & sanctissimum beneplacitum tuum.

**O** misericordissime Domine Iesu Christe, in cor tuum commendo atque refugio tibi me ipsum totum. Oro te etiam benignissime Deus, aufer à me cor meum prauum, impium ac ingratum, & da mihi Desiderium cor tuum: aut fac cor meum secundum cor tuum, & secundum perfectissimum beneplacitum tuum, Amen.

*Precatio II. ad cor Domini Iesu vulneratum nostri amore.*

**A**h Domine Iesu Christe, summa animæ meæ suavitas, aperi mihi ostium cordis tui, portam misericordiarum, ianuam vitæ, fontem gratiæ tuæ, & attrahe cor meum per preciosissimum vulnus lateris tui ad amantissimi cordis tui

arca-

arcantum, vt cor meū cum sanctissimo corde tuo indissolubili dilectionis vinculo vniatur atq; in te absorbeat, quatenus tu in me, & ego in te habitem. O charitas ardens & nunquam deficiens, vtinam illo igne, quem misisti in terras, & voluisti vehementer accendi, tam validè cor meum spurcitiā ac ingluuie defœdatum inflammames, vt omnes mihi creaturæ insipidæ fiant.

Imprime superdulcissime Iesu cordi meo amplissimum, profundissimum, recentissimumq; amoris tui vulnus, tanquam perpetuæ desponsationis arram, vt tibi soli adhærere, nullumq; præter te amatorem admittere, nec quicquam eorum, quæ tu odis, appetere possim: exhibeamq; tibi (vt dignum est) perpetuam fidelitatem, castissimam quoque animæ & corporis, cum omni humilitate, puritate: quatenus tibi castissimo & purissimo amatori cor meum semper sit peruium & apertum, sibi ipsi verò & mundo alienum, diabolo clausum, & contra quæcunque tentamenta signo Crucis & vexillo passionis tuæ vndique præmunisum.

Transcat præterea obsecro militaris lancea passionis tuæ incurabiliter per viscera animæ meæ, perfodiatq; omnia interiora mea, vt ex hac salubri vulneratione perfectam sanitatem sortiri mereatur anima mea, Amen.

*Precatio III. ad Cor Domini Iesu omni pietate & deuotione referta.*

**A**h Iesu dulcedo cordium, ne irascaris quæso mihi peccatori, si iterum atque iterum te rogem, vt concludas omnes sensus, affectus, desideria, & aded totum interiorem hominem meum intra sanctissimum vulnus cordis tui, nec vsquam extra te me patiaris euagari, sed in meditatione benedictæ passionis tuæ indefinèter occupari, eo quod magis id mihi necessarium sit, quàm cunctis creaturis tuis: qui toties tamq; repetitis vicibus per diem, per sensus meos inordinatos me extronerto, tibiq; intus in anima mea commorantem non intendo.

Obsecro etiam, vt omnia mea tua sint, & tua mea: vt benedicta passio tua, sit animæ meæ adoptio: sanguinis tui preciosi effusio, sit mihi peccatorum ablutio: vulnera tua, sint mihi habitaculum: cor tuum, sit mihi coenaculum: vita tua, mihi lectio: charitas tua, sit mihi refectio: crux tua, sit mihi virtus in tentatione: dolor tuus, sit mihi consolatio in tribulatione: mors tua, sit mihi salus, vita indeficiens & sempiterna, Amen.

*Precatio IV. ad B. Mariam Virginem cum corde Iesu.*

**A**ve Maria gratia plena, Dominum tecum. Ah sancta Maria, vtinam eius gratia & tua semper sit mecum, & cor meum semper vobiscum. Benedicta tu in mulieribus. O piissima mater Dei, fac me totum secundum beneplacitum filij tui. Atque vtinam ego totus tuus, & tu tota mea sis. Et benedictus fructus ventris tui Iesus Christus, Deus meus pro me crucifixus & mortuus.

Eia benignissime Iesu benedictū sit etiam piissimum cor tuum pro cunctis miserationibus ac beneficijs ad nos inde manantibus. Tibi sit laus, honor, gloria & gratiarum actio ex me & à singulis creaturis tuis, pro tua ad nos immensa charitate. Dulcis Iesu, miserere nostri, & præcipuè mei miserimi peccatoris, qui me omnium vilissimum atque tibi ingratisimum feci. Fac vt diligam te ex toto corde meo, atque vt placeam, inhæreamq; tibi totus perpetuo & inauertibiliter.

Ah Domine Deus meus, vtinam verè ego sim totus tuus, & tu totus meus. Hoc (qui sic oras) ita intellige. Tunc es totus Dei, quando nihil in te est quod displicet Deo. Tunc verò Deus est totus tuus, quando tu nihil amas, nihil desideras, nisi Deum, quando tu nihil tibi places extra Deum.

*Exercitia precationesq̄, ad sacratissima quinque vulnera Domini nostri Iesu Christi, iuxta cuiusque & deuotionem & capacitatem ordinata ac distributa, quae mirum in modum mentem humanam expurgant, illuminant, ac in Deum transformant.*

*Ad vulnus dextri pedis Iesu, Precatio.*

**D**ulcissime Domine Iesu Christe, in hoc vulnere dextri pedis, peto ignoscas mihi quicquid cogitatione aut affectione praua contra te deliqui, suppleasq̄ tuis sanctissimis meritis, quicquid boni cogitare aut amare debui & neglexi: & facias vt posthac te solum cogitem, te solum desiderem: nihil mihi placeat, nihil me afficiat nisi tu Domine Deus meus, Amen.

*Ad sinistri pedis vulnus, Precatio.*

**D**ulcissime Domine Iesu Christe, in hoc vulnere sinistri pedis, quaeso ignoscas mihi, quicquid sensuum meorum incontinentia ac abusu in te deliqui: & concludas omnes sensus meos intra te, vt velut mortuus mundo, nihil videam, nihil sentiam, nisi te, Deum meum pro me crucifixum, Amen.

*Ad vulnus dextrae manus, Precatio.*

**D**ulcissime Domine Iesu Christe, in hoc vulnere dextrae manus, quaeso ignoscas cunctis actibus meis, & operibus malis ac vitiosis, quibuscunque benignitatem tuam vnquam offendi, & suppleas tuis operibus praclarissimis, atque sanctissimis, quicquid vnquam ego, quod facere debui, neglexi: & facias vt posthac per gratiam tuam emundatus à peccatis, vitam tuam sanctissimam per deuotissimam imitationem merear conformari, Amen.

*Ad vulnus sinistrae manus, Precatio.*

**D**ulcissime Domine Iesu Christe, in hoc vulnere quaeso ignoscas omni impatientiae atque immortificationi meae, quomodocunque per eadem deliqui & mihi propines ex hoc vulnere mitissimam patientiam, in omnibus aduersis. Tibi enim hic offero & commendo & me, & omnia mea, tam laeta quam aduersa, Amen.

*Ad vulnus amantissimi cordis Domini nostri Iesu Christi, Precatio.*

**O**dulcissime Domine Iesu Christe, in hoc vulnere quaeso ignoscas mihi quicquid voluntate mala, aut intentione non sincera contra te vnquam deliqui, & offero tibi nunc cor meum, vt illud cordi tuo vnias, vt te solum in omnibus queram & pure intendam, aliamq̄ praeter tuam voluntatem post hac nullam habeam, Amen.

*Exercitium aliud ad eadem sacratissima quinque Christi vulnera.*

*Ad gloriosum vulnus dextri pedis.*

**B**enedictum sit sacratissimum vulnus dextri pedis tui Domine Iesu Christe. Rogo te clementissime Iesu, vt in hoc vulnere tribuas mihi pauperi peccatori, profundissimam ac perfectissimam humilitatem, cum desiderio proprii annihilationis & despectionis: obedientiam cum plenissima resignatione & abnegatione mei ipsius, castissimam puritatem cum simplicitate cordis, Amen.

*Ad glo-*

*Ad gloriosum vulnus sinistri pedis.*

**B**enedictum sit sacratissimum vulnus sinistri pedis tui, dulcissime Domine Iesu Christe. Tribue quaeso misericordissime Iesu ex illo vulnere mihi misericordissimo peccatori, patientiam perfectam & veram, omnia gaudenter & desideranter pro tuo amore tolerare: fortitudinem, qua valeam omnia quae tuis inimicis sunt nomini, per te & in te superare: & constantiam, quatenus omni momento in gratia tua & virtutibus proficiens, aeternaliter cum gratiarum actione & indeclinabiliter tecum valeam perseverare.

Pronidentiae discretioniq; tuae me benignissime Iesu commendo, quia ego me regere nec possum, nec scio, nec volo, sed tu & dilectissima mater tua, & Angelus meus custodiat, regat & dirigat me in viam iustitiae, Amen.

*Ad vulnus gloriosum dextrae manus.*

**B**enedictum sit sanctissimum gloriosissimumq; vulnus dextrae manus tuae, Domine mi Iesu Christe. Obsecro te per omnes tuas poenas & cruciatus, omnemq; fructum sacratissimae passionis tuae, vt in hoc vulnus immergas misericordiam secundamq; animam meam, & eam per tuum preciosum sanguinem lauare digneris à cunctis maculis omnium peccatorum meorum, praecipue quae vnquam admisi contra tuam paternam, superiorumq; meorum voluntatem: mihiq; infundere digneris gratiam simplicissimae humillimaeq; obedientiae, Amen.

*Ad gloriosum manus sinistrae vulnus.*

**B**enedictum sit sanctissimum vulnus sinistrae manus tuae, amabilissime Domine mi Christe Iesu. Rogo te misericordissime Iesu, vt in me omnia vitia, concupiscentias & malas affectiones occidas, & sanctissima vulnera passionemq; tuam cordi meo imprimas indelebiliter, & facias me ab omnibus mundanis ac extraneis consolationibus separari, & mihi ipsi funditus mori, vt tuae sanctissimae vitae & passioni valeam conformari, Amen.

*Ad vulnus gloriosum amantissimi cordis Iesu.*

**B**enedictum sit sanctissimum vulnus benedicti lateris tui, dulcissime Domine Iesu Christe. Suscipe Domine Iesu cor meum, omnes vires & potentias animae meae, & abstrahe eas ab omni affectu, & denuda ab omni specie aut cogitatione rerum temporalium, omniaq; interiora mea in hoc reuerendissimum vulnus, in plenitudinem charitatis, in fontem vitae absorbe, & cum corde tuo suavissimo inseparabiliter & inauertibiliter vni, quatenus nihil amodò facere, nihil velle, desiderare aut cogitare valeam, quod sit contra voluntatem tuam: sed solummodo plenissima & perfectissima me ipsius abnegatione tuam voluntatem in omnibus adimpleam, per spem firmam, fidem rectam, charitatem perfectissimam, tibi Deo & creatori meo indissolubiliter connexus iugiter adhaeream, Amen.

*Alio adhuc modo Exercitium tibi occurrere potest, quod circa Rosarium vitae & passionis Christi iam pridem edidimus vt in dextri pedis vulnere recondas peccata tua, à quibus petas te emundari, liberari ac preseruari. In sinistri pedis vulnere recondas negligentias & obligationes tuas, quas petas emundari & suppleri. In dexterae manus vulnere recondas omnes actus & conatus tuos, Dei gratia in te suscitatos, quos petas conseruari & perfici. In vulnere sinistrae manus recondas omnia beneficia, gratias & dona tibi à Deo collata, petens ea confirmari & augeri ad Dei gloriam. In vulnere cordis Iesu recondas cor tuum, & omnes potentias,*

vires, intentiones & affectus tuos, petens illam cor Christi absorberi, atque eius spiritui uniri.

Exercitium aliud est ad vulnera Iesu, ut dextri pedis sit tibi balneum aut baptismus, quo munderis à peccatis: Sinistri pedis sit valetudinarium seu apotheca, ubi à vitis cureris: Dextera manus sit tibi vestiarius quo virtutibus ac meritis Christi vestiarius: Sinistra manus sit tibi castrum ac propugnaculum, quo contra hostes malignos, & tentationes mundi ac carnis protegeris. Cordis vulnus sit tibi thalamus, quo sponso tuo Christo amore unendus coniungaris.

In singula vulnera ingressus, facile tu ipse potes applicare & desideria & aspirationes tuas.

Habens exercitia prædicta ad Christi vulnera, posses etiam legere Rosarium B. Virginis, & singulas angelicas salutationes per intentionem deuotionis, singulis Christi vitæ articulis applicare, atque mente aspirando ad Christum pro illis gratias agere.

Articuli autem sunt quinquaginta vitæ ac passionis Christi, quorum versus memoriales infra habentur in exercitio vitæ & passionis Christi.

Exercitium aliud valde deuotum, in quinque vulnera Christi, & in quinque dolores piæ matris eius, ad S.S. Trinitatem, quod solum sufficeret quotidie illud agenti.

Possent quoque haud incongruè singulis præmitti, Pater noster, Ave Maria

Ad Patrem cælestem, oblatio Christi in cruce pendenti.

**C**lementissime Pater, æterne Deus, pro omnibus peccatis meis, & pro peccatis totius mundi, offero tibi vnigenitum tuum in cruce pendentem: omnem quoque passionem, dolorem, angustiam, pressuram, sanguinem ac mortem eius offero tibi in ea charitate & virtute, qua olim semetipsum obtulit pro nobis in ara crucis. In eiusdem oblationis vnione offero meipsum tibi in laudem, in gloriam, & in beneplacitum tuum sempiternum, Amen.

In vulnus dexterae manus Christi Iesu, oblatio. Pater noster, Ave Maria.

**A**mantissime Pater, hoc vulnus, hunc sanguinem, hunc laborem dexterae vnigeniti tui, eius amorem perfectissimamq; obedientiam offero tibi contra omnia peccata mea & totius mundi: præcipue autem contra omnem inobedientiam & rebellionem meam: imò contra omnem propriam voluntatem meam, orans, vt ex hoc vulnere mihi infundas perfectissimam obedientiam, qua vel nuntum quemcunque beneplaciti tui tam promptus, tamq; obediens sequar, quam sequitur vmbra ad motum corporis sui.

Da mihi vt etiam tui amore, & filij tui imitatione, omni creaturae meipsum humiliem atque subiciam iuxta beneplacitum tuum. Eia benignissime Deus, da mihi abyssalem abnegationem meipsum, tantamq; vt sine vlllo respectu, sine vlla retractione cordis, fideliter meipsum totum tibi offeram, totum resignem, totum relinquam, nihil habens de vlla proprietate, sed tuum solum amans, quarens, faciens, suscipiens, atque sustinens beneplacitum, Amen.

In vulnus sinistrae manus Iesu, oblatio. Pater noster, Ave Maria.

**A**mantissime Pater, hoc vulnus, hunc dolorem sinistrae vnigeniti tui, eius amorem etiamq; perfectissimam humilitatem offero tibi contra omnia peccata mea, & totius mundi, & præcipue contra omnem superbiam, contra vanam gloriam omnem, & contra vitia quæcunque inde nascuntur, orans vt per gratiam tuam hæc in me extinguantur & moriantur,

Oro



Oro etiam mitissime Deus, vt ex hoc vulnere mihi infundas profundissimam tibiq; acceptissimam humilitatem, qua vilitatem nihilitatemq; meam prorsus omnem cognoscam, meipsum despiciam, & nesciri, vilipendi, atque ab omnibus sperni & cupiam, & ex animo gaudeam, Amen.

*In vulnus dextri pedis Iesu oblatio. Pater noster, Ave Maria.*

**A**Mantissime ac misericordissime Pater, hoc vulnus, hunc sanguinem, hunc dolorem dextri pedis vnigeniti tui, eius amorem, eiusq; perfectissimam patientiam ac mititatem, offero tibi contra omnia peccata mea & totius mundi, & præcipue contra omnem iracundiam atque impatientiam meam, orans vt ex hoc vulnere mihi infundas perfectissimam patientiam ac mititatem, qua aduersa omnia desideranter atque hilariter de manu tua recipiam, nullam euasione aut consolationem quaram: sed ad finem vsque, quæcunque tu mihi patienda miseris, cum omni gratiarum actione sustineam, tibi soli perfectissima, sola, nuda ac purissima charitate inheream, & plena perfectaq; fide ac fiducia meipsum inter quoscunque euentus in amantissimam piissimamq; voluntatem, bonitatem ac dilectionem tuam projiciam.

*In hoc vulnere posses Deo Patri gratias agere hoc modo pro tribulationibus.*

**A**Mantissime ac fidelissime Pater, ego pro cunctis atque quibuslibet aduersitatibus, quas super me vnquam venire permisisti, tibi gratias ago, teq; laudo, adoro & benedico. Itaque benedico te pro paterno illo amore tuo, quo mihi patienda omnia in salutem conuertis. Oro etiam te dulcissime Pater pro omnibus qui mihi aduersa vnquam intulerunt, aut nocere voluerunt, vt tu illis non solum ignoscas, sed etiam non imputes, in quo quia fuerunt ministri æternæ dispensationis ac providentiæ tuæ, æternam illis mercedem tuæ beatitudinis contendas.

Præterea, veniam à te rogo & misericordiam clementissime Pater, quod ea que mihi toleranda misisti, ingratus læpe subter fugi, aut euadere quæsiui, aut non tam patienti atque hilari, sed tepido ac inuito corde suscepi.

Porrò nunc benignissime Pater, offero me tibi ad quæcunque toleranda iuxta sanctissimum beneplacitum tuum. Non possum piissime Deus, satisfacere aut pati pro peccatis meis: sed pro ijs omnibus tibi passionem ac mortem offero vnigeniti tui. Verùm pro gloria tua, pro beneplacito tuo, vt satisfiat iustitiæ tuæ, & ex charitate offero meipsum tibi in manus tuas, obsecrans te per immensam bonitatem tuam, vt mecum agas, in cęq; facias & agere & pati quomodocunque me velis esse, & tibi maxime placeat, Amen.

*In vulnus sinistri pedis Iesu oblatio. Pater noster, Ave Maria.*

**A**Mantissime ac misericordissime Pater, hoc vulnus, hunc sanguinem, hunc dolorem sinistri pedis vnigeniti tui, eius amorem eiusq; perfectissimam ac clementissimam misericordiam offero tibi contra omnia peccata mea & totius mundi, & præcipue contra omnem duritiam, inclementiam, atque inuidiam meam, orans vt hoc vulnere mihi infundas misericordiam, pietatem, compassionem, benignitatem, mansuetudinem ac charitatem perfectissimam ad omnes homines, potissimè autem ad eos qui me offenderunt, vt piissimo maternog; affectu omnium necessitatibus & mereri condoleam, omnibus succurram, omnibus benefactam, omnes portem, consoler, ac ex animo diligam, Amen.

*In vulnus cordis Iesu oblatio. Pater noster, Ave Maria.*

**A**mantissime ac suavissime Pater, hoc vulnus, hunc sanguinem, hanc aquam cordis vni geniti tui, eiusque charitatem immensam, qua te ipse dilexit, offero tibi contra omnia peccata mea & totius mundi, & precipue contra omnem acodiam, teporem, negligentiam, ac inordinatum amorem meum, orans vt ex hoc vulnere mihi infundas charitatem intensissimam, purissimam, ardentissimam, perfectissimam atque perpetuam, qua ex toto corde meo te diligam, laudem, ac benedicam in omnibus & super omnia, vt te solum cogitem, te solum desiderem, te solum queram ac intendam, tibi soli inhaeream, tibi soli placere cupiam, omnesque vires animae & corporis, omne denique tempus vitae meae in laudem ac beneplacitum tuum, in amorem ac gloriam tuam expendam, atque consumam, Amen.

*Hoc exercitio expleto, accede ad Dominum Iesum crucifixum, & offer ei compassionem matris pro tuo totiusque mundi peccatis. Ad singulas si vis, poteris oblationes addere, Pater noster, Ave Maria.*

**B**enignissime Iesu, quem pro nobis, & propter nos charitas ardentissima erga nos cruci affixit, suscipe nunc omnium vulnorum tuorum dolores sanguinasque guttas, suscipe piensissimae matris tuae compassionem & dolorem pro peccatis meis, & pro peccatis vniuersi mundi. Suscipe etiam quae me indignum peccatorem, quem tibi offero in vnione doloris matris tuae, & in vnione charitatis tuae, & conuerte me in laudes & gloriam tuam, iuxta summum atque supremum beneplacitum tuum.

*Primi doloris beatae Mariae oblatio, Pater noster, Ave Maria.*

**B**enignissime ac suavissime Iesu, dolorem illum benedictae ac compatientissimae matris tuae, quo te nudum, pauperem, humiliatum atque despectum vidit in cruce inter latrones pendentem, offero tibi pro me & pro toto mundo, obsecrans te per misericordiam tuam, vt passionem tuam, matrisque tuae compassionem simul imprimas cordi meo, adeo vt eisdem oculis cum matre tua, eodemque corde vbique ac semper videam & sentiam te patientem.

Dulcis Iesu, da mihi veram atque perfectam paupertatem spiritus, qua me ipsum & omnia extra te contemniam, propter te omnibus creaturis libenter caream, & nihil nisi te, aut propter te diligam, Amen.

*Alterius doloris materni oblatio, Pater noster, Ave Maria.*

**B**enignissime ac suavissime Iesu, dolorem illum benedictae ac compatientissimae matris tuae, quo te filium suum olim speciosissimum vidit conspuitum, cruentatum, foedatum, plagis ac vulneribus laceratum, non habentem speciem neque decorem, offero tibi pro me & pro toto mundo, obsecrans te per misericordiam tuam, vt passionem tuam, matrisque tuae compassionem simul imprimas cordi meo, adeo vt eisdem oculis cum matre tua, eodemque corde vbique ac semper videam & sentiam te patientem. Dulcis Iesu, da mihi castissimam puritatem, nuditatem, ac simplicitatem cordis, qua tibi soli semper inhaeream, & locum habitacionis in me tibi gratum atque delectabilem semper prebeam, Amen.

*Tertij doloris materni oblatio, Pater noster, Ave Maria.*

**B**enignissime & suavissime Iesu, dolorem illum benedictae ac compatientissimae matris tuae, quo te vidit omnibus poenis expositum, cum fragore ossium ac membrorum dilatum, omni consolatione & auxilio destitutum ac derelictum, offero tibi pro me & pro toto mundo, obsecrans te, &c. vt supra.

Dulcis

Dulcis Iesu, da mihi mititatem, fortitudinem, atque constantiam spiritus, vt in omni tentatione ac aduersitate ad te solum confugiam, omnem cogitatum, omnem spem atq; fiduciam meam in te solum colloquem, patientissimo ac resignatissimo corde me totum in te projiciam, tibiq; inseparabiliter inhaeream, Amen.

*Quarti doloris materni oblatio. Pater noster, Ave Maria.*

**B**enignissime ac suavissime Iesu, dolorem illum benedictæ ac cõpatiētissimæ matris tuæ quo te filium suum, quem vberè olim virgineo lactauerat, audiuis in aradissima siti, *Sitio*, clamantem, nec qui guttam aquæ ministraret habentem, offero tibi pro me & pro toto mundo, obsecrans te per &c. *vt supra.*

Dulcis Iesu, da mihi omnem voluptatem carnis, omnemq; delectationem sensuum in me funditus abdicare, & ardentissima siti honorem, gloriam, beneplacitum tuum, ac animarum salutem zelari, & pro illis corpus & vitam meam impendere Amen.

*Quinti doloris materni oblatio. Pater noster, Ave Maria.*

**B**enignissime ac suavissime Iesu, dolorem illum benedictæ ac cõpatiētissimæ matris tuæ, quo te filium suum vnigenitum vidit in cruce morientem, offero tibi pro me & vniuerso mundo, obsecrans te per &c. *vt supra.*

Dulcis Iesu, da mihi, vt mundo, vitijs & concupiscentijs omnibus, mihi ipsi & omnibus creaturis moriar, & tibi soli viuam. Dulcis Iesu, tu solus in me viuas, tu solus me totum possideas, Amen.

*Ad Spiritum sanctum supplicatio. Hæc iungatur cum Veni sancte Spiritus: aut, Veni creator Spiritus, & Deus qui corda fidelium, si oratio te vocali iuuat.*

**M**isericordissime, pijsime, benignissime Deus, consolator & amator noster sanctissime Spiritus paraclete, ignosce & condona nobis peccata nostra. Exurat nos, illuminet nos, inflammet nos lux tuæ visitationis, vt ab omni peccato puri efficiamur & alieni. Imple & confirma nos septem donis tuis, inextinguibili gratia tua. Et hoc ipsum nunc operare in cordibus nostris, quod olim in vasis tuis electissimis, hoc est, in Apostolis tuis in die Pentecostes operari dignatus es, vt quicquid tu non es in nobis, pereat, & tui amor castissimus ac feruentissimus nos omnes inebriet, transformet, atque in se absorbeat, Amen.

*Conclusio huius exercitij ad beatissimam Dei matrem.*

**A**d pedes clementissime sanctitatis tuæ prostrati, rogamus te ô misericordissima, pijsima, & benignissima Dei genitrix, mater misericordiarum & gratiæ, esto nunc memor ô virgo sublimis, excellentissimæ dignitatis tuæ, qua propter peccatores Dei mater, cœli porta, arca fœderis, arca diluuij, ciuitas refugij, templum sancti Spiritus, misericordiæ regina facta es. Suscipe igitur nos omnes peccatores & desolatos, in gratiam, in amorem, in tutelam ac patrocinium cordis tui, & fac nos in illorum esse numero, quos singulari gratia in corde tuo habes dilectos, impignoratos, ac tibi deuotos. Infunde nobis pijsima tui amorem castissimū atq; feruentissimum, omnesq; virtutes sanctissimæ vitæ tuæ: potissime autem humilitatem, mititatem, castitatem, charitatem & obedientiam. Impetra nobis dulcissima felicem mortem, & asta nobis tunc & in omni necessitate ac tentatione fidelis-

*k* *fina*

lima proteatrix. Impetra nobis etiam, ut in hac vita in Iesu Christi filij tui passionibus, meritis ac miserationibus, mereamur ab omnibus peccatis & poenis expiari, quo in morte liberi de hoc corpore mox transeamus ad requiem sempiternam, Amen.

*Ad vulnera Christi aspiratio.*

**O** Salutifera vulnera dulcissimi amatoris mei Iesu Christi saluete. Saluete (inquam) saluete in omnipotentia Patris, qui vos dedit; in sapientia Filij, qui vos sustinuit, in benignitate Spiritus sancti, qui in vobis opus nostrae redemptionis perfecit.

Benignissime redemptor meus, imprime haec vulnera tua cordi meo, quae me dolore compassionis crucient, amore inflamment, ab omni peccato emundent, ad omnia quae tibi non placent insensibilem reddant: omnes sensus & vires, omnes affectiones & cogitationes, intra se absorbeant, & tibi inseparabiliter perpetuo uniant, Amen.

*Pro vulnerum Christi in animam impressione, Precatio.*

**D**omine Iesu Christe, qui diues es in miserationibus, recordare quod dixisti tu aeterna veritas: *Quicquid orantes petitis, credite quia accipietis, & fiet vobis.* Te itaque peto, te desidero, dulcissime Domine Deus meus, tuam passionem, tua vulnera, tuam charitatem imprimas velim in cor meum nulla vnquam obtuione delenda, ut te semper videam pro me patientem, tibi compatiar propter me morientem, teque diligam me prius diligentem, Amen.

*Pro spirituali anima siti, amorisq; vulneratione, Precatio.*

**D**omine Deus meus, omnia bona mea tu es, & ego vilissimus, pauperrimus & nihili, obsecro te, respice in me & miserere mei. Domine Iesu Christe, cor meum tuis vulneribus saucia, & sanguine tuo mentem meam inebria, ut quocumque me vertam, semper videam te crucifixum, quicquid aspexero, tuo sanguine mihi appareat rubricatum. Hae sit mihi consolatio, tecum mihi Domine vulnerari, tecum despici, tecum pati. Hae sit mihi intima afflictio, sub te aliquid meditari, aut extra te consolari. Non quiescat cor meum, donec inueniat te centrum suum, ubi cubet, ubi terminet appetitum suum, Amen.

*Ad vulnera Christi, Precatio.*

**O** Vos sanctissima vulnera Domini mei Iesu Christi, intra vos animam & sensus meos concludo, ut anima mea omnibus potentijs & viribus suis recollectis, intra vos abscondita, omnium aliorum oblita nihil nisi Iesum valeat inrueri, nihil nisi vitam eius, & passionem meditari, donec omnia quae extra ipsum sunt, mihi vilescant, & ipse solus Dominus meus & Deus meus mihi placeat. Abscondite me miserum peccatorem, o sacratissima stigmata Domini mei Iesu Christi, ut per vos a peccatis meis omnibus purgari, ab omni malo praeservari, contra omnes tentationes muniri, & in amorem Domini & imitationem vitae ipsius accendi merear, Amen.

*Phaetra diuini amoris affectiua Libri I.*

FINIS.

D. IOAN